




33

M^o



7
27C
52

7-1 E. 14



7.2.4.52

DE MAGISTRATIBVS

ET REPVBLICA VENETORVM

LIBRI QVINQVE,

AVTHORE GASPAR E

CONTARENO PATRI-

CIO VENETO.

CVM PRIVILEGIO.



VENETIIS APVD BALDVM

SABINVM, ANNO

M. D. LI.



DE MAGISTRATU

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

DE REBUS PUBLICIS

CLARISSIMO

VIRO CATARINO ZENO

BALDVSSABINVS

S. P. D.




IV, multumq; cogitavi, utrum præstaret, uel re ipsa meam tibi gratificandi cupiditatem declarare, uel, cum amor meus erga te summus sit, signa autem minima, meritorum in me tuorum magnitudinem cōtemplari; cum ad ea cogitanda longe me aptiorem

esse intelligam, quàm referenda. Qua in cogitatione cum diu uersatus essem, statui ad extremum hoc meum studiū, quoquo modo possem, testificari; uetere adductus a gricolarū more, qui Dijs immortalibus munera consecrabant, quæ tamen infra ipsorum numen multo essent, ut Cereri spicam, uuam Baccho, Palladi oleā. Existimaui igitur nō ab re esse, si huiusmodi morem obseruare, aliquidq; tibi, quantum tamen mea tenuitas uidetur ferre, porrigerem. Verumenimvero, cum nihil mihi sit antiquius, quàm ut possim meam in te obseruantiam indicare, duxi me haud aptius id posse consequi, quàm si quem librum ad te mittere, præsertim ex eo genere, qui scripti sunt in re, quæ ad te pertinere uideatur, hoc est ad ciuitatum guberna-

tionem in qua te excellere nemo nescit. Misi igitur eum
librum, in quo ueluti in eleganti picturæ tabula, reipub-
licæ nostræ effigiem intueberis, non illā quidē eloquen-
tiæ ornamentis illustratam, uerum duntaxat ueritatis
lineamētis expressam. Hoc autem effeci duabus de causis,
primum quia animum meum erga te assidue gratum osten-
dō, deinde quia neminem inueni, cui iure magis dicare-
tur, cum propter nobilitatem familiæ tuæ, tum ob sum-
mam tuam ipsius uirtutem multis, magnisq; in reimp. me-
ritis patefactam, possem hoc in loco pluribus exponere
tuas animi dotes, uerum quia innumerabiles, & maxi-
me perspicuæ sunt; id quidem neque præstari posse, &
superuacaneum esse duxi, supraq; ingenij mei uires: quod
& maxime imbecillum est: & firmissimum tamen, atque
acerrimum si esset, tantum tamen abesset, ut illud onus
sustinere possem, ut, dum illud mecū ipse reputo uerear,
atque expauescam. Hunc igitur librum amplectere uultu
hilari, quæsoq; ut hoc paruulum munus meum, simul cum
animi magnitudine metiaris: quod enim in illo desidera-
tur, hæc habet; ut ab hac fieri possit amabilius. Interea
librum, ac me ipsum tibi defero, ac dono, & quamuis me
minimi esse intelligam, tamen quia nihil mihi carius, atq;
iucundius est me ipso, cum tibi illud dem, quod pluris,
quàm omnia facio, nil prorsus uereor, cum humanissi-
mus sis, quin ambos libenter amplectaris. Vale, & me,
tuo nomini deditissimum, ea, qua soles, humanitate com-
plectere, ac foue.

DE MAGISTRATIBVS ET RE
PVBLICA VENETORVM.

Libri quinque, authore Gaspare Con-
tarenò Patricio Veneto.



SAEPENVMERO animad-
uerti complures aduenas, prudentes
homines, nec bonarum artium igna-
ros, qui cum primùm Venetias ue-
nissent, ac amplitudinem eius urbis
contemplati essent, adeò sunt admira-
tione ac ueluti stupore quodam perculsi, ut nihil mi-
randum magis aut illustrius se unquam uidisse præ se
tulerint, ac totius oris significatione ostenderint. Nò
tamen omnes eiusdem rei admiratio capiebat. nam qui
busdam mira quædam res, ac propè incredibilis esse
uidebatur, tam magnam mercium omnium copiam ex
omnibus terrarum oris ac regionibus, perpetuo quo-
dam ac constanti tenore in hanc unam ciuitatem inue-
hi, indèque in longè diuersissimas gentes terra mariq;
deduci. At alios detinebat urbis frequentia, & omnium
propemodum gentium conuentus, ac si commune or-
bis emporium Veneta ciuitas esset. Nonnulli miraban-
tur magnitudinem imperij, latamque & terra & ma-
ri ditionem. At plerique omnes politioris et acrioris
ingenij homines, hanc nouam situs urbis rationem, atq;
adeò ad omnia opportunam, deorum immortalium po-
tius quàm hominum opus atq; inuentum fuisse puta-
re soliti sunt, ac ob hanc potissimùm causam Venetam
urbem omnibus alijs præstare, quæ nunc usquam gen-

Mercium co-
pia.

Urbis fre-
quentia.

Venetiarum
diuisio.

Collatio ur-
bis Venetæ
cum alijs.

tium sunt, aut unquam fuerūt. Ac nimirum si superio-
ra perspexeris, etiam hac tempestate nonnullas urbes
inuenire facile poteris, quas cum hac nostra conferas
non paucas uerò seculis retroactis, quæ et imperij ma-
gnitudine, & frequentia populi, rerumq; omnium co-
pia, & magnificentia, urbi Venetæ longè præstiterē.
Verum post hominum memoriam, nulla usquam gen-
tium ciuitas extitit, quæ tã opportuno, tam tuto, ac tã-
dem tam alieno ab hominum fide situ condita fuerit.
Pleriq; in condenda ciuitate satis se fecisse arbitrati
sunt, si locum delegissent ad quem difficilis & incom-
modus hostibus accessus esset ad inuadendam obsiden-
dãq; urbem. Inde euenit ut complures ciuitates condi-
tæ sint aut in montium salebris, aspero difficiliq; acces-
su, aut locis palustribus, diuersa quadam ratione. Nõ-
nulli nihil præferendum censuere commodo opportu-
noq; situi ad importanda exportadaq; omnia sine qui-
bus sufficere sibi ciuitas nequeat tum ad necessitatem,
tum etiam ad molliorẽ quendam uitæ luxum. Qui ue-
rò utriq; rei studuerint, paucos admodũ inuenias, pau-
ciores uerò qui id præstiterint: nullos autem, quos sci-
am, qui omni ex parte id fuerint assecuti. At Venetia-
rum situs diuino potius quodam consilio, quàm huma-
na industria, præter fidem eorum omnium qui eam ci-
uitatem non uidere, et ab omni hostili impetu terra ma-
riq; tutissimus est: necnon etiam aptissimus omnium
ad cuiusque rei copiam, siue ex mari, siue ex conti-
nente ciuibus suggerendam, atq; ad commercia omnis
generis mercium cum omnibus penè nationibus habẽ-

Venetiarum
situs cõmo-
ditas ex ne-
cessitate &
utilitate pen-
ditur.

da: Nam in recessu penetraliq; Adriatici pelagi est Situs descriptio.
 sita: ubi quâ mare attinet ad continentem terram,
 magna æstuaria panduntur, miro naturæ artificio
 munita. nam duodecim millibus passuum à continen-
 te mare incipit esse uadosum: intra uada breuiâque
 littus assurgit ueluti agger quidam. Hæc fluctibus
 fremituque marino obsistentia, uniuersam eam sta-
 tionem internam longè latèque fusam adèò tutam red-
 dunt, ut non tantum maris impetus, cum assurgit, ac-
 tum ualida tempestate ad interiora non nisi fractus
 penetrare possit, uerùm etiam neque nauibus aduen-
 tantibus liber aditus pateat: quin potius opus est,
 nisi leues admodum fuerint, ut his in locis, ubi ueni-
 entibus occurrunt uada, in ancoris consistant: na-
 ctæ deinde tranquillam tempestatem, ac à peritis
 gubernatoribus seu potius uadorum exploratori-
 bus circumactæ, angusta quadam & implicata uia,
 qua scilicet altior est unda (hæc uerò singulis ferè
 diebus æstu maris mutatur & uariat) tandem ad ur-
 bem perueniant: Littus illud quod assurgit post ua-
 da, sexaginta ferè millibus passuum extenditur,
 atque interiora æstuaria concludit. Non ita tamen
 continuum est, qui septem locis disruptum mari a-
 ditum ad internam stationem præbeat. Distat autem
 à continente sex millibus passuum. Hac ergo ratio-
 ne Venetæ urbis æstuaria partim continente terra,
 partim littore ac uadis conclusa sunt: in quibus me-
 dijs ea regione quæ Riuaaltus dicta à maioribus in Riuaaltus.
 hunc usque diem nomen seruauit, condita fuit urbs

veneta urbs
conditur.
Atila Hun-
norū dux.

Veneta, quo tempore Hunni duci Atila totam Vē-
netam insignem Italiae prouinciam, quæ hisce æstua-
rijs finitima est, igne ac cædibus deuastabant. In qua
calamitate Patauij, Aquileiæ, Opitergij, Concor-
diæ atque Altini illustrium Venetiæ urbium ciues;
qui & nobilitate & diuitijs alijs præstitere, primum
se cum familijs recepere in nonnullas insulas, seu po-
tius tumulos, qui in æstuarijs hisce paululum e ma-
ri eminebant ibidemque oppida quædam extruxere,
in quibus tanquam in tutissimo portu turbulentissi-
mam illam Atilæ tempestatem effugerent. Necnon eo-
dem tempore in littore de quo suprâ meminimus, non
nulla oppida condita fuere, eodem conueniētibus eius-
dem oræ incolis, qui patrias item sedes reliquerāt ab
Hunnis direptas, ac dirutas, tutumq; locum quæsierāt
uxoribus, liberisq; ac ut ita dicā, dijs Penatibus. Post-
modum Caroli Pipiniq; regum temporibus communi
consilio omnes in Riuaaltum conuenere, ueluti in lo-
cum omnium tutissimum, ac maximè commodum: sicq;
eò loci conuenientibus omnibus quicunque uexationē
& deuastationem eam Italiae illatam ab omni Barba-
rorum illuue effugiere potuerunt, in eam magnitudi-
nem quam nūc cernimus, Venetiæ excreuerunt. Veni-
tæ igitur urbis situm maximè tutum esse, liquere omni-
bus pōt uel ex ipsa ratione eius urbi constituendæ: cū
sic homines illā condiderint, qui eam Italiae cladē atro-
cissimam effugēre, ibiq; incolumes cū familijs in tantis
calamitatibus perstitēre. Quin post ea tempora, quod
nulli unquam ciuitati legimus contigisse, à prima ur-

Carolus &
Pipinus re-
ge.

bis origine ad hæc usq; tempora, per mille ferè et centum annos, immunis semper ab hostili ui urbs Veneta perseverauit, cū tamen opulentissima ditissimaq; auri, argenti, ac rerum omnium ciuitas ab extremis etiā orbis regionibus Barbaros ad prædam potuerit inuitare. Quo fit, ut non malè sentire existimè eos qui hac una ratione Venetias cæteris ciuitatibus præstare censuere. Verùm aliud quoddam est in hac ciuitate, quod longè omniū præstantissimū censuerim ego, mecumq; omnes qui ciuitatem non tantum mœnia ac domos esse putant, sed existimant ciuium conuentum ac ordinem potissimum hoc sibi nomen uendicare: Reip. scilicet ratio & forma, ex qua beata uita hominibus contingit. Hoc reor ego esse eximium illud ac præclarū, quo Venetiae maximè eniteant, atq; oēm antiquitatē superare uideantur. Nā etsi cōpertū est nonnullas Respublicas extitisse, quæ imperio, ditiōe, necnō militiæ disciplina, ac bellorū gloria Reip. Venetæ lōgè præstiterint, nulla tamen institutione ac legibus ad bene beateq; uiuendum idoneis, cū hac nostra conferri potest: quo effectū esse perspicimus, ut neq; adeò diuturna ulla unquā perstiterit. Quā rem cū mecū ipse considero, magnopere mirari soleo maiorū nostrorū sapientiā, industriā, excellentē animi uirtutem, atq; adeò incredibile erga patriā charitatem. Fuere Athenis, Lacedæmone, ac Romæ nonnulli ciues uite probitate, atq; in Rēpub. pietate insignes uiri, sed adeò pauci, ut multitudine obruti, non multū patriæ rei profuerint. At maiores nostri, à quibus tam præclarā Remp. accepimus, omnes

Ab urbe cō-
dita ad autho-
ris tempora
mille & cen-
tuorū anni,

Venetini
me ambitio.
R.

Andreas Cō
tarenus,

Cōtarenī se-
pulchrum.

ad unum consensere in studio patriæ rei firmandæ, et
amplificandæ, nulla propè priuati commodi & hono-
ris habita ratione. Huiusce rei coniecturâ facere qui
uis facilè poterit, minimè inquâ ambitiosos fuisse Ve-
netos homines, sed patriæ commmodo tantum studiis-
se, q. nulla, aut admodum pauca antiquorum monumē-
ta Venetijs extent: alioquin domi forisq; præclarissi-
morum hominum, et qui de Rep. bene meriti fuerint,
non sepulchra, non equestres aut pedestres statuae, nō
rostra nauium, aut uexilla ab hostibus direpta, ingen-
tibus prælijs superatis. Vnum ex innumeris gentilis
mei Andreae Contareni ducis exemplum adferam. Ge-
nuensi bello grauissimo, ac longè omnium periculosis-
simo, cum dux hic nostræ Reip. præset, incredibili sa-
pientia, animiq; magnitudine singulari rem patriam
seruauit, hostesq; iā uictores, maxima clade illata pro-
fligauit, omnesq; ad unum aut trucidauit, aut captiuos
fecit. Conseruata patria, re aucta, confirmataq; Rep.
diem extremū clausit, ac testamento cavit, ne eius sepul-
chro, quod ad hanc diē uisitur iuxta templum diuo Ste-
phano dicatū, ulla ducis insignia, ullæue gentis nostræ
adfigerentur. qui neq; tam magni ducis nomen inscri-
ptum ibidē uideas. Qua eius modestia effectum est, ut uī-
ri celeberrimi, illustrissimiq; principis monumentum
pleriq; omnes ignorēt. Certissimum hoc reor ego ar-
gumentum esse, non ambitionis uentose uē famæ maio-
res nostros studiosos fuisse, sed patriæ tantū bono cō-
muniq; utilitati cōsuluisse. Hac ergo incredibili uirtu-
te animi maiores nostri hāc Rēp. Instituerē qualē post

hominum memoriã nullã extitisse, si quis hanc nostrã cum celeberrimis antiquorũ conferat, meridiana luce clarius intuebitur. Quin adfirmare ausim, neq; monu mētis insigniũ philosophorũ, qui p animi uoto Reip. formas effinxere, tam rectè formatã atq; effictã ullam contineri. Quãobrem putaui ego exteris hominibus rem minimè ingratã me facturũ, si tã præclaræ Reip. institutionem literis mandarem: cũ præsertim nullũ hisce tēporibus uideam ex quãplurimis doctissimis uiris, qui multũ ualēt ingenio, eruditione rerum omnĩũ ac eloquentia, hanc rē literis illustrauisse. Cui licet nihil luminis ex oratione nostra adferri posse certò sciam, per se tamen est adeò illustris, ut non tantũ sibi, uerũetiam orationi nostræ alioquin tenui multum dignitatis ac splendoris sit allatura. Quamobrem cũ de hac nostra Rep. scribere instituerim, ut quilibet facile dignoscere queat, rectēne an perperam se habeat, hinc mihi potissimũ exordiũ sumendũ reor, hominem scilicet à natura ciuile animal effectũ esse, solũ uerò ne dum rectè uiuere, sed neq; uiuere posse. Id quod quotidiana necessitas, ac uictus uestitusq; ratio planè ostēdit: ac ob eam causam & à principio homines conuenisse in hanc ciuilem societatem, ac deinde perseuerasse, ut bene beateq; uiuerēt, hoc est, ut mutuo adiumento ac opera summum hominis bonum adsequerentur, quod fieri potest donec mortalem hãc uitam degimus. Quamobrẽ etiã uniuersa ratio ciuilis institutionis eò pertinet, ut qua faciliiori uia id fieri queat, ciues faciat felicitis uitæ cōpotes. At fœlix beataq; uita usu uirtutis

Authorem
quid impu-
tit ad scribē-
dam histo-
riam.

Homo socia-
le animal.

Rei milita-
ris neces-
sitas.

præcipue contineri à summis philosophis perhibetur. Quod etiã probât certissimis rationibus, argumētisq; euidētissimis. Verũ usus uirtutis et in muneribus bellicis elucet, et in functiõibus pacis. Atq; quãuis laus bellica, totaq; militaris ratio tũ necessaria sit ciuitatibus pro conseruanda libertate, ac finibus tuendis, tũ etiã dignitatis & splendoris plurimum habeat, nihilominus respuit communis hominum sensus officia bellica, quibus cædes ac mortalium detrimenta in primis procurantur, esse per se expetenda, atque ad ea cætera omnia ciuilia munera esse referenda. Ac equidem crudelis ingenij, quin potius ab humanitate abhorrentis hominis esset, optare prælia, cædes, incendia, hac duntaxat de causa, ut in re militari clarus sit, adde etiam, si libeat, ut summi imperatoris laudem consequatur.

Bellum pro
pter pacem
expetendũ.

Quare omnes philosophi insignioris notæ in hãc sententiam consensere, bellum esse propter pacem expetendum, omnemq; functionem uirtutis militaris, atque uniuersam laudẽ bellicam ad pacis officia esse referendam. Quãobrem is Reip. institutor qui laude dignus haberi, & ut dici solet, omne punctum tulisse uideri uult, eã moderationem adhibeat, ac eum ordinẽ tueatur, ut ad uirtutẽ accõmodata tota Reip. institutio uideatur, ad idq; ut magis ad pacis functiones, q̃ ad bellica munia spectare existimetur, bellicis interim et militaribus non neglectis. Nã plerunq; & finibus tuendis, & propagandis, dummodo id sine iniuria fiat, necessaria est militaris uirtus. Cæterum his quæ diximus constitutis, illud statim in controuersiã reuocari

solet, gubernationi ciuitatis unusne rectius, an pauci
 præsident, an potius uniuersa multitudo, qualem ple-
 riq; effingunt statum illius quæ propriè Resp. uocari
 debeat. Ac equidè egregiè statutum, sapienterq; dictū
 mihi uideri solet, hominum gubernationem perperam
 homini cuipiā demādari: sed diuinius aliquid esse opor-
 tere, cui officium istud incumbat. Quod conijci facile
 potest ex plerisq; generibus animantium. Gregē enim
 ouium, ouis non regit: nec bouum aut equorum armen-
 tum, equus, bōsue aliquis moderatur, sed animal lon-
 gè magis eximiū tuetur ac regit brutas animātes, ho-
 mo inquam: qui quātum brutis antecellat, est omnibus
 compertissimum. Itaque nō diuersa ratione hominem
 moderari ac regere debet quidpiam homine præstan-
 tius & diuinius, si ex animi sententia res successura
 sit. Sed cū in mundanis rebus quæ sensu percipiuntur
 inueniri minimè possit melius ac præstantius homi-
 ne, ac homo uarium quoddā sit animal, et longè diuer-
 sis partibus constet, (inferioribus quippe animi uiri-
 bus cum belluis cōmunionem quandam habet, at supre-
 mis attingit quodāmodo deos immortales) id certè in-
 ter homines gubernatoris atque moderatoris locum
 tenere debet, quod ē in homine diuinū. Id uerò omni-
 um consensu est mens: diuini inquam splendoris radi-
 us quidam à natura insitus hominum animis. Non er-
 go satis Reip. consultum erit, si gubernatio homini
 committatur, quem brutæ illæ uires sæpe perturbant,
 atque à recta semita reuocant rationis, sed menti pu-
 ræ, ac motionem animi immuni id munus conferen-

Vnius prin-
 cipatus dāna-
 tur.

Mens homi-
 nis diuina.

Legum san-
ctio.

Simultas, re-
rum publi-
carū labes.

dum est. Quamobrem diuino quodam consilio, cum alia ratione id fieri non posset, inuentis legibus hoc affecutum humanum genus uidetur, ut menti tantum ac rationi nullis perturbationibus obnoxia, hoc regendi hominum cœtus officium demandatum sit: quod sanè deorum munus nescio an ullo inferius existimari debeat, si quis accuratè secum putet legum commoda. Primò namq; in sanciendo legibus plurimi sapientes uiri conueniunt, qui multarum rerum experientia edocti, inuentis aliorum exemplisq; ueterum collatis, tandem post diuturnam consultationem decernunt id quod optimum uisum fuerit: neque odio tunc, aut amicitia, aliâue animi perturbatione à ueritate deduci queunt, cum nullius priuati causa agatur in legibus constituendis, quemadmodum in forensibus iudicijs semper accidit. Post uerò leges sancitas, si quis contra eas fecisse deprehendatur, easq; pœnas dederit quas leges iusserint iure nullum odio habere poterit: proindeque metuendum non erit, nequa seditio aut simultas inter ciues contrahatur, maxima ac periculosissima rerum publicarum labes. Et contra plerunq; cum iudicio hominū, non ui legum quispiam plectitur, discordiæ inimiciæq; græues proueniunt. Nam impossibile propè est quin malè affecti in eum simus qui nobis detrimentum attulerit. Quo fit ut nesciam an à natura omnium parente hominum generi maius quippiam concessum fuerit hac legum inuentione, quæ etiam iure dijs immortalibus fuit ab antiquitate consecrata. Quin, quod magis mirum uidea-

tur, Aristoteles philosophorum facile princeps, in eo libello quem de mundo ad Alexandrum regem Macedonum scripsit, nihil aliud reperit cui similem deum optimum faceret, præter antiquam legem in ciuitate rectè instituta: ut id propemodum tam magni philosophi sententia sit deus in hac rerum uniuerſitate, quod antiqua lex in ciuili ſocietate. Ac in libris in quibus de Repub. tractat, legem inquit eſſe mentem ſine appetitu. ac ſi diceret mentem puram, lucidam, nullis affectuum morbis infectam. Ex quibus effici illud, quod ſuperius diximus maximè opportunum atque optimum eſſe, quilibet perſpiciat homo etiam tardioris ingenij, ut ſcilicet diuinius quippiã homine, cœtus hominum moderetur ac regat. Quòd ſi huic guber nationis muneri præficiatur homo, cum rari admodũ ſint & prudentia & probitate præditi, ijq; plerunque ob affectuum animi uim cum in iudicando errent, tum maximè à recta animi ſententia dimoueantur, nõ ſine turbatione magna ingentiq; periculo res proceſſura eſt. Quod etiam ſi fieri poſſet, ut hominem inueniremus adeò ſapientem atque probum, atque adeò tenacem propoſiti, ut nulla animi perturbatione ab officio reuocaretur, utique neque hac conditione optatus eſſet pro legum principatu hominis dominatus, qui mortali fragiliq; natura præditus, diutius nequireret eo munere fungi, cum leges æternitatem (ut ita dixerim) equare poſſint. Ex his iã perſuaſum eſſe reor, ſummã imperij cõmendandã legibus eſſe, non homini: quã pauciſſima uerò, quando legibus omnia cõprehen-

Aristoteles
deum ſimile
antiquæ egi
ſact.

Lex, mens
ſine appetitu

Æternæ le-
ges.

di nequeunt, hominis arbitrio permittenda. Verum ne
 cesse est ut custos quispiam, ac ueluti uicarius & mini-
 ster legibus constituatur, qui pro legis imperio Rem-
 pub. regat: et quoniam nequeunt legibus comprehendi
 quæcunque tum in iudicium ueniunt, tum quæ consul-
 tanda sunt, arbiter sit huiuscemodi omnium. Rursusq;
 eadem controuersia redit, quæ ex legum sanctione so-
 luta esse alicui uideri potuisset: an scilicet unus meli-
 us, an pauci, an potius multitudo tuendis legibus, &
 his diiudicandis ad quæ satis esse leges non possunt, præ-
 ferenda sit. Ac quanuis multorum sententia regius do-
 minatus habeatur alijs præstantior, tamen credide-
 rim ego, tametsi unius principatus, (qui uerè re-
 giam dignitatem ac iure merito uendicaret sibi) si res
 per se consideretur, optimus omnium est, nihilomi-
 nus propter mutabile ac sæpius in deteriolem par-
 tem labile ingenium hominis, ac uitæ breuitatem,
 optimum omnium statum minimè esse sub regio prin-
 cipatu, sed multitudinis gubernationem magis conue-
 nire ciuili societati: quod experientia rerum omnium
 magistra luculenter docet. Nam nullum regium prin-
 cipatum apud ueteres extitisse unquam legimus, neq;
 nostra tempestate conspiciamus, qui non breui in tyr-
 rannidem lapsus fuerit: cōtrà plurimas Resp. multis
 seculis perdurasse, ac pace & bello floruisse. Ac equi-
 dē multitudo omnis est per se inepta gubernationi, ni-
 si in unū quodammodo coalescat: quandoquidem neque
 esse ulla multitudo queat, nisi unitate aliqua contineas-
 tur. Qua de re ciuilis quoque societas dissipabitur,
 quæ

vnus, an plu-
 ci an multi-
 tudo legum
 ministra cō-
 stituenda.

Regius prin-
 cipatus faci-
 le in tyran-
 nidem labi-
 tur.

Multitudo
 imperio ine-
 pra.

quæ unitatē quadam constat, nisi quāpiam ratione multitudo unum efficiatur. Quo fit ut præclarissimi philosophi qui de Reipub. institutione præclare accurateq; scripserunt, temperandam Remp. censeant ex optimatum & populari statu, eo adhibito temperamento, ut incommoda utriusque gubernationis vitentur, commoda uerò comparentur. Quocirca Rēp. Lacedæmoniorum summopere laudant, in qua Reges, Ephori, & Senatus effecerint mixtionem quandam, ut bene dignosci nequeat sub quānam gubernationis specie fuerit ea Resp. collocanda. Id tamen reprehendunt, quòd dūtaxat ad belli munera instituta fuerit, nulla interim habita ratione officiorum pacis atq; ocij: indēque effectum esse, ut quāprimum Lacedæmonij in ocio esse cœperunt, Resp. illa insignis in deterius labi cœperit. Quod Romanis quoque eadem propè causa accidisse compertum est, nec euenturum latuit præcipuos Romanorum senatores: in quibus Nasica censuit Carthaginem tametsi Romani nominis æmulam, quin potius inimicam sempiternam, minimè diruendam esse, ut semper Romanus hostem haberet, cum quo agendum armis esset: ne inimico atque æmulo sublato Respublica ea instituta ad bellum, iuuentusq; in armis educata, in sese arma conuerteret, seq; ipsa conficeret. Quod Nasica consilium, quamuis tunc à senatu repudiatum fuerit, contraq; eius sententiam decretum, rerum tamen ipsarum euentus prudentissimum fuisse ostendit. Nam euersa Carthagine continuò ferè ciuilia bella exarsere, quibus tandem florentissima ac potentissima omniū

Aristocratiā
Democratia
Lacedæmonij
Resp. cōstabat
regibus, Epho-
ris, & Senatu,

Lacedæmoniorū
Resp. ocio fracta.

Scipionis sē-
tentia de nō
euerienda
Carthagine,

Euersa Car-
thagine Ro-
mana Resp.
concidit.

quæ unquam fuerint Resp. concidit, ac demum in Barbarorum prædam cesit opulentissima seu potius rerum domina ciuitas. Sed ut aliquândo ad institutû opus ueniamus, maiores nostri, qui Venetam Remp. instituerunt, mira quadam sapientia atque egregia probitate præditi extitere, à quibus nihil prætermissum sit quod facere uideri potuerit ad rectam Reip. institutionem. Primum nanque ad usum munerâque uirtutis instituere omnem uitam, functionemque omnem suorum ciuium: semperq; eis fuere potiora studia pacis, quàm belli. Et in eam curam potissimum incubuere, ne qua ratione concordia ciuili solui posset: non neglectis interea officijs bellicis, ijs inquam quæ nostræ ciuitati maximè conuenirent. Nam is est urbis situs, qui ualde idoneus sit maritimæ militiæ, terrestri uerò satis ineptus. Neque enim huic urbi aliquo pacto accommodari queunt aut equitum turmæ, aut acies peditum: ut ex ijs quæ suprà diximus de urbis situ accuratè à nobis descriptæ, perspicuè conijci potest. Enimvero hac in re temperiem adhibuere, eamque mixtionem omnium statuum qui recti sunt, ut hæc una Respublica & regium principatum, & optimatum gubernationem, & ciuile item regimen referat, adèò ut omnium formas pari quodam libramento commiscuisse uideatur. quod clarè liquebit processu operis. Verùm ut tãdem Reip. Venetæ institutionem aggrediamur: Illud apud quod summa est authoritas totius ciuitatis, & ex cuius decretis ac legibus pendet tum senatus, tum etiam omnium magistratuum authoritas, Consilium il-

Venetiarum
situs maritimæ
pugnæ a
ptus, terre-
stri nequa-
quam

Veneta
Respub. re-
rum pub. for-
mas comple-
ctæ.

Consilium
nobiliū.

Iud est, in quo nobiles omnes ciues conueniunt, qui annum uigesimalum quintum excessere: at plerique alij qui nondum id ætatis habeant, cum tamen annum uigesimalum peregerint, hoc uerò ius adipiscuntur beneficio sortis. de cuius rei uniuersa ratione inferius dicemus. Nunc à nobis eius ratio est explicanda, probe à maioribus nostris cautum fuisse ne plebs admitteretur ad conuentum hunc ciuium, in quo est summa potestas Reipub. Deinde non minore prudentia facta fuisse ciuium hanc definitionem generis nobilitate potius, quàm facultatum censu, quemadmodum fieri consueuerat in priscis rebus publicis, ac plerique ueteres philosophi præcipiunt esse faciendum. Ciuitas namq; ciuium societas est. Nec tamen omnes ij homines quibus indiget ciuitas, ac qui intra urbis mœnia habitant, sunt habendi pro ciuibus, neque iure in ciuium numero sunt collocandi. Opificibus enim cuius ciuitati ē opus, necnō plurimis mercenarijs qui operam locant, ac priuatis demum seruis. At nullus horū ciuis uerè dici potest. Nam ciuis liber est homo: hi uerò omnes seruitutē seruiunt, uel priuatam, uel publicam. Mercenarij nāq; ac opifices omnes ueluti serui publici haberi debent. Etenim non dissimili modo à natura constitutum fuisse animal putandum est, ac ciuitatem ab hominibus constitui oportere. In animatē uerò multæ sūt partes quæ animatæ non sunt, illis tamen indiget animal ut uiuat. Sic in ciuiū cœtu multis hominibus est opus, qui tñ minime partes ciuitatis aut esse aut haberi debeant, nec in ciuium numero collocari. Quamobrem sapiēter à ma-

Qui conueniant in cōsiliū.

Quare plebs non admittitur in consilio.

Qui in numero ciuiū sunt habendi.

Collatio animantis & ciuitatis.

ioribus nostris cautum est, ne uniuersus populus summam potestatem habeat in hac rep. quam longè optimam esse uoluerunt. Summa nanque turbatio, populusque tumultus frequenter concitantur in illis ciuitatibus in quibus summa rerum est apud populū. quod etiam à quibusdam rebus publicis obseruatum fuisse legimus, & à nōnullis philosophis præceptum. Hoc tamen rectè se assequi posse arbitrati sunt, si ius hoc administrandæ reip. definiretur censu, atque copia rei familiaris: uerū in maximas difficultates, nec mediocria incommoda incidere. Nam frequenter euenit ut infimæ plebis homines comparent sibi ingentes facultates: quippe qui plerunque sordidis artibus, ac officijs minimè liberalibus dant operam augendæ rei, nequā sibi parcant, quin potius genium fraudant, ut opes adipiscantur. Cōtrā ingenui ciues, ac liberaliter educati pauperes fiunt, seu aduersa fortuna, ut frequenter, seu quòd liberalibus studijs addicti, uniuersam hanc rei familiaris augendæ operam negligunt. Qua ratione fit ut sordidi homines, qui nihil aliud sapiūt quàm lucrum, bonarum uerò artiū expertes sunt, paulatim rempublicam capeffant: ingenui uerò, ac liberaliter educati, opibus sensim deficientibus à iure ciuium decidunt: unde maximas seditiones oriri, ac rempublicam turbari necessum est. Ideoq; maiores nostri sapientissimi homines, ne sua resp. quandoque incideret in has difficultates, seu potius calamitates, definitionem hanc publici iuris generis nobilitate longè melius fieri censuerunt, quàm magnitudine census, ea tamē tempera-

Ciues nō facultate, sed nobilitate censentur.

tione, ne tantum supremæ nobilitatis ciues hoc ius haberent (illud enim paucorum potentia fuisset, non reipublicæ) sed etiam quicumque alij ciues non ignobiles. Itaque omnes qui aut genere nobiles extitere, aut uirtute insignes, ac de republica bene meriti, principio ius hoc regendæ ciuitatis adepti sunt. Quod si post eum primum conuentum quipiam nobiles fuere qui reipublicam auxerint tum opibus, tum strenuis gestis, nimirum illis omnibus par ius administrandæ reipublicæ concessum fuit. Id quod temporibus etiam nostris uidimus. Nam nonnulli in hunc numerum ciuium adsciti sunt etiam aduenæ externiq; homines, uel ob eam causam, quod nobilissimi, uel quod officiosi erga rempub. fuerint, eamque insigni quopiam facinore honestarint. Vniuersus ergo hic ciuium conuentus, seu si magis libeat, ut moris est, magnum hoc consilium appellare, penes quod ius est summum totius Reipublicæ, atque à quo pendet senatus, ac magistratuum omnium authoritas in hac republica, uicem refert popularis status. Dux uerò, qui præfinitum tempus imperandi non habeat, sed præsideat dum uixerit, præ se fert regiam potestatem, præsertim cum habeat speciem regiam, ac grauitatem dignitatemq; regis seruet. Reliqui uerò ciues regia ueneratione ducem prosequuntur, ac omnia decreta, legesq; tum etiã literæ publicæ sub ducis nomine prodeunt. At senatus, decemui, seniorumq; siue præconsultorum collegium, qui uulgò sapientes dici solent apud nos, eorum inquam qui præconsultunt, ac de Rep. referunt ad Senatum, ostendunt


Nobilis nomine qui intelligantur.

Asciscuntur etiã in ciuium numerum externi homines.

Magnū consilium refert democratiã.

Dux regiam potestatem præ se fert.

Senatus, decemui, seniorumq; collegium, aristocratiã referunt.



quandam speciem optimatum. Quæ cū sint præcipuæ huius reip. partes, de his primò sigillatim à nobis dicendum est, deinde ad inferiores magistratus descēdendum. Initiū uerò sumatur à maiori consilio, à quo pēdet uniuerſa resp. Omnes patricij ordinis iuuenes, qui uigesiūm annum exegere, ad magistratum accedūt, cui præcipuè legum tutela est demandata. Magistratus hic uulgò aduocatoriū nuncupatur. Corā hoc magistratu constituti cum patre, aut matre si patre decesserit, aut proximiorē cognato generis si fuerint utroq; parēte orbatī, adhibitis duobus testibus honestis uiris, probāt sese natos esse ex eo parēte quem patrem profitentur, nō spurios, sed matrimonio legibus statuto, ac ex matre honesta muliere. Testes uerò in hæc uerba iurant, sibi id compertum esse ex omnium quotquot nouere at testatione, atque ex omnium assensu. Deinde pater seu mater, uel consanguineus genere proximus, si fuerit iuuenis is utroq; parente orbatū, iureiurādo aſerit eum adolescentem uiginti annos excessisse. Quæ cū fuerint rite à Scriba magistratus illius in publicum codicem relata, diem quartam Decembris mensis opperiūtur, ac ea die omnium horum adolescentium nomina, qui nondum sortis beneficio ius ciuis adepti sunt, nec uigesimum quintum annum exceſſerunt, coniiciuntur in urnā, atque ad principem deferuntur: ubiq; corā cōsiliarijs ea urna constituitur, penes quam est altera, in qua tot sunt pilulæ, seu globuli, quot in priori fuerint nomina syngraphis suis quæq; notata. Pilularum quinta pars aurea est, reliquæ omnes argenteæ. Extra-

Patricij iuuenes annum 20. excedentes quò incōsiliū magnum recipiuntur.

Aduocatoriū magistratus.

Qui in consiliū admitti uult, quid probare debeat.

Die. 4. Decembris patriciorum iuuenum uo-mina in urnam coniiciuntur.

Quinta pars

hit princeps ex priori urna syngrapham, ac statim deinceps ex altera urna pilulā: quæ si fuerit aurea, iuuenis is cuius nomen exierat, cōfestim ius habet publicæ potestatis, et in maius consiliū admittitur. sin argētea, sorte dēcidit, et in sequentis anni sortē opperitur, nisi eo tēporis spatium uiginti quinque annos exegerit. Nam quicumque patricius ad id ætatis peruenerit, cōtinuò ius habet ciuis, publicæque potestatis est particeps. Hac igitur ratione, quinta pars candidatorū iuuenū quoque anno recipitur ad ius suffragij ferendi cum alijs ciuibus. Quod si accadat ut cuiuspiam patricij pater atque auus, uel propterea quod absentes fuerint, uel ob aliam causam nunquā iure hoc suffragij ferēdi sit usus, eorūque nomina nunquā fuerint relata in publicos codices, in quibus patriciorum omnium nomina sunt descripta: nequa fraus confici possit, neue quispiam degener furtim obrepat in hunc cœtum nobilitatis, noluerūt arbitrio tantum magistratus aduocatorij eam rem constitui ac decerni, sed lege cautum est, ut hi referentibus aduocatoribus ad quadraginta uiros, agnationem patriciam probent & testibus, et scriptis publicis: sicque causa cognita disceptantibus quadraginta uiris decernitur an ad ordinem patricium admittendus sit. Ne autem quispiam impune tentare huiusmodi iudicium audeat, itidem decretum est, ut quicumque referri de nobilitate sua uoluerit ad eos iudices, prius ad magistratum adferat quingentos numos aureos, qui in ærariū referuntur si causa ille deciderit. Ea fuit maiorum nostrorum diligentia, nequa labe nobilium hic cœtus

pilulā aurea est, ut quanta pars tantum candidatorum unoquoque anno recipiatur.

In cōsiliū recipitur quæ 25. annum attigit, aut fortis beneficio.

Apud quadraginta uiros patricia agnatio probatur.

inficeretur. Qua de causa etiam illi ciues qui uigessimum quintum annum excefferint, non prius adipiscuntur ius suffragij ferendi, quàm coram aduocatoribus constituti iureiurando patris, aut matris, aut proximioris consanguinei probauerint se ad id ætatis deuenisse, ac item duobus testibus se ex eo patricio genitum, quem parentem profitentur, non spurium, nec matre pudenda. Postquam omnis ferè ratio à nobis exposita est qua ciuib. aditus fiat ad ius publicæ potestatis, illud animaduertendum existimo, maiores nostros sensisse plurimum ad amicitiam & unionem ciuium conciliandam ac conseruandam conferre, si sepius in unum conuenirent. Quare ueteri consuetudine mos ille inoleuit, ut octauo ferè quoque die, ac etiã interdum frequentius, consilium magnum cogeretur. Huius præcipuum munus est, ut creet omnes magistratus, tum eos qui in urbe ius dicunt, ac alijs reip. muneribus funguntur, senatum quoque, & decēuiros, tum etiam Prætores, Præfectos, Quæstorésque oppidorum atque urbium quæ in societatem Veneti imperij sunt adscitæ, necnō custodes arcium, Classis imperatorem, Legatos, item classis triremium præsides, ac demum, ut uno uerbo expediam, quosunque qui uel domi uel foris ius habeant publicæ potestatis. Leges itē omnes quæ ad constitutionem reipub. pertinent, huius consilij autoritate sanciantur. Quod præcipuæ fieri consuevit tempore interregni, cum scilicet mortuo duce nondum alius ei suffectus sit. sed inferius de interregno. Nunc omnis comitiorum habendorum ratio à no

Octauo quoque die consilium magnum cogitur.

In consilio magno quæ peragantur.

Interregni tempore consilij magni autoritate leges sanciantur. Comitiorū ratio.

bis exponetur. Circa meridiem quibusq; ferè diebus festis consilium hoc agitur sub amplo spatio soq; tecto, quod liceat appellare comitium. In eo decem sunt sedilia longissima, utpote quæ longitudinem comitiij penè æquent. Ciues omnes, ut quisque eò loci peruenit, sessum eunt, ut cuique libuerit. nulli nanque statutus est locus in comitio, præterquam quibusdam magistratibus qui comitijs præsunt. hi uerò sunt, dux, consiliarij, ac quadraginta uirorum præsides tres, qui in elatiore suggestu sedent: atque hi soli ius habent referendi ad magnum consilium. Post hos in medijs ferè subsellijs, quæ paulò elatiora sunt, ad parietes comitiij posita, certis statutisque sedibus aduocatores sedent, tresque decemuirum præsides. Ac demum quælongissimè à suggestu ducis sunt subsellia auditorum ueterum, & recentium. de quibus omnibus magistratibus à nobis infra dicetur. Cæteri uerò ciues omnes ut dicebam, promiscuè sedent pro animi arbitrio. Statuta deinde hora fores comitiij clauduntur, ac claues deferuntur ad suggestum principis, ibique ad eius pedes locantur. tunc Scriba primus, qui honos est plebeius quidem, non patriciorum, maximæ tamen dignitatis, assurgit, atque elatiore loco constitutus, uoce magna pronunciat magistratus quorum sint ea die comitia habenda. pronuntiatis magistratibus, continuo postquam ex eo loco descenderit, confert se ad suggestum in quo est princeps, ac alta uoce citat magistratus. Præsides comitiorum, quos supra memorauimus, ut ad principem & ad consiliarios accedant iussi, confestim accedunt,

Quorū magistratuum
statuti in comitio loci.

Scriba primus.

ibiq; iureiurando interposito pollicentur se operam duros, ut leges comitiorum seruentur, pronunciaturosq; ciuem eum qui contra decreta aliquid egerit, ac pœna legibus constituta punituros. His peractis, ad sua quisq; loca reuertitur, præter unum ex aduocatoribus, ac unum ex præfectis decemuirum, qui ad extremam partem atrij sese conferunt, aduersam suggestui principis, ibiq; destinatis sedibus confident: reliqui uerò aduocatores certis sedibus à dextro latere comitij, duo uerò reliqui præfides decemuirum sinistro latere è regione aduocatorum se item locant. Consimili ratione auditores ueteres ac recētes extremo loco comitij, quem diximus lōgisimè distare à suggestu principis, oppositis lateribus confident, dextro inquam, ac sinistro, ut huiusmodi magistratuum cōsensu, uniuerso cōsilio ciuium omni ex parte apppositi custodes esse uideantur, ne quis impune queat agere quippiam cōtra leges & decreta comitiorum. Magistratibus hūc in modū dispositis, tres urnæ statuuntur iuxta principis suggestum, in quibus cōduntur globuli argentei, aureiq;, hoc modo dispositæ, ut in medio suggestu sit una, ex utroq; latere itidem una, in quarum utraq; triginta tantum sunt globuli aurei, innumeri uerò argentei. Ast in media urna sexaginta tantum globuli cōduntur, quorum triginta sex aurei, argentei uiginti quatuor: ac aurei omnes globuli inscripti sunt certis literarum notis, quas singulis comitijs sorte educunt, nequa possit fraus subesse. Locatis urnis tres consiliarij cæteris iuniores è suis sedibus surgunt, ac in extremam partem

Urnæ tres,

Consiliarij
tres iuniores

suggestus iuxta eas urnas sessum eunt, ea ratione, ut singuli singulis consiliarijs assideant. His ita actis & dispositis sortes ducuntur: ac is ordo ciuium cuius sors exierit, consurgit ex utroque latere comitij. Per atrium nanque quàm longum est, dispositi sunt decem ordines sedilium, in quibus pro cuiusque arbitrio supra diximus ciues cōsidere: ac una tantum sors duobus ordinibus inseruit, ijs scilicet qui ex utroque latere comitij sibi respondent. Is ergo ordo cuius sors exierit, magna præconis uoce citatur. Itaq; ex utroque latere comitij eo etiam initio quod sorti libuerit, consurgitur, ciuesque eo quo sederint ordine, se conferunt ad eas urnas, quibus iuxta suggestum principis constitutis consiliarij adsident: ac manu imposita quisque globulum unum educit: qui si argenteus fuerit, diuerso itinere reuertitur ad sedile unde surrexerat. At qui aureum eduxerit, confestim consiliario qui urnæ illi præest, conspiciendum tradit. ille diligenter notam recognoscit. Illa notæ inscriptio ea ratione est inuenta, ne quisquam domo afferre secum possit aureum globulum, quem manu furtim impositum uideretur ex urna eduxisse, ac ita per fraudem elector fieret. Is ergo cui sors aurei obtigerit, continuo ad mediam urnam se confert, indeque aliam pilulam, seu malueris globulum dicere, extrahit: qui si argenteus fuerit, impositi reuertitur ad suum ordinem. sin uerò aureus sit, suggestum ascendit, ac è regione principis destinato loco sessum it. Secundus qui eadem sorte usus fuerit, eodem etiam se recipit, ac item tertius sicque

tribus urnis
assident.

Sortes ducuntur.

Quæ causa
incriptionis
globulorū.

Electores nu-
mero nouē,

deinceps quousque fuerint nouem, qui primum electo-
rum ordinem complent: ac ita eo in ordine disponun-
tur, ut solius ætatis ratio habeatur, præterea nullius
rei. Hoc loco institutum illud minime prætereundum
est, illos qui sortis beneficio facti sint electores, statim
alta uoce pronuntiari à scriba solere, adeò ut omnes
audiant: neque amplius facultatem ullam esse cuiquam
eius consanguineo aut affini arcta necessitudine con-
iuncto tentandi sortem qua fieri queat elector. Neq;
etiam pluribus quàm duobus gentilibus aditus patet
ad ordines electorum. quod summa prudentia maiores
nostri instituere, ut scilicet ad plures agnationes ac
familias hoc munus eligendi perueniat, ac publicum
hoc beneficium latius pateat inter ciues. Satis nanq;
haberi debet, si ex una familia duobus sors contingat,
qua authoritatis publicæ compotes efficiantur. Sed
eò reuertatur oratio, unde diuertit. Primus hic ordo
electorius, euestigio ut cōpletus fuerit, è comitio egre-
ditur, simulque nouem illi se recipiunt in certum con-
clauē. Hic scriba unus à secretis Reip. adest: primum
electoribus nunciat ea quæ legibus præscripta sunt,
ac seruari debeant in magistratibus eligendis. Legun-
tur item senatusconsulta, quibus cauetur ne pecunia
corrupti electores, seu quapiam mala arte & fraude,
eligant, uel, ut rectius dicam, nuncupent eos qui com-
petitores futuri sint, ac iudicio consilij proponendi.
Disponuntur deinde nouem illi electores prout cuius-
que ætas fuerit, seniores scilicet digniori loco, ac prio-
ri sede. nullū nanque aliud discrimen, nisi ætatis, inter

Electorum
ordo primus

Ætatis soli-

ciues Veneti esse uolunt, quod seditionis nullius aut
 similitatis causa unquam fuerit, neque à summis phi-
 losophis, Aristotele inquā in Politicis, & Xenophon-
 te in Cyri Persarum regis institutione, opere longè
 celeberrimo, est prætermisum. Electoribus eo ordine
 dispositis, nouem item globuli in urnam conijciuntur,
 numeris quisque notatis ab uno ad nouenarium. In
 pagina uerò paulum longiore inscripti sunt magistra-
 tus quorum habentur comitia, suo ordine. Maximus
 natus electorum ex urna sortem educit. numerus sorti
 inscriptus inspicitur, ac quotus fuerit is numerus. In
 eo etiā magistratu qui in pagina ea fuerit descriptus,
 pronunciandi quem uoluerit ciuem ius habet. Idē con-
 tingit secundo, ac item tertio, ac deinceps omnibus, ut
 scilicet ducta sorte, quisque electorum priuati ac pro-
 prii magistratus, beneficio ac arbitrio sortis, sit pro-
 nunciator effectus. Postmodum is cui primi magistra-
 tus sors contigerit, eum ciuem pronunciat quem uolue-
 rit. Itur in suffragia ab electoribus nouem. Si sex suf-
 fragia uel plura tulerit electus, ab eo electorum ordi-
 ne in eo magistratu renunciatur, ac nomen eius in pa-
 gina ea oblonga in qua magistratus omnes quorum
 habentur comitia, sunt inscripti, ab uno electorū sub-
 scribitur notæ primi magistratus. Quod si pauciora
 quàm sex suffragia tulerit, quod rarissime euenit, ite-
 rum alius ab eodem electore proponitur, ac eadem ra-
 tione res deinde peragitur, ac sic deinceps quousque
 aliquis proponatur qui approbetur iudicio sex electo-
 rum. Idem eligendi modus in secundo, tertio, omnibús-

us ratio ha-
 betur & qua
 re.

Electorum
 nouē singuli
 singulos ma-
 gistratus nū-
 cupant,

Sex electo-
 rum suffra-
 gia nuncupa-
 to necessaria

Electorum or-
do secundus.

que alijs deinde, quo ad ille electorum ordo in singulos magistratus singulos ciues elegerit. Interim uerò dum hæc in conclaui aguntur, non intermittunt ciues reliqui in comitio inceptum ordinem sortium, sed ad urnas se conferunt, prout cuique ordini sors contigit. Deinde globulos educunt, donec nouem alijs sortem utranque auream ex urna extraxerint. Hi complent secundum electorum ordinem, qui habita ratione ætatis & ipsi in conclaue destinatum seorsum secedunt. Ibi adest alius scriba à secretis, qui ratione in nullo dispari à priori, tum decreta ac senatusconsulta quæ seruanda illis sunt, palàm recitat, tum suo quemq; loco collocat, paginamq; defert eisdem magistratibus, eademq; serie qua prior illa quam diximus suprâ in conclaue primi ordinis electorum delatam fuisse. Itidem sortes ab electoribus educuntur, ut quisq; scilicet suam educat. A singulis pronunciantur ciues singuli in magistratibus quorum comitia fiunt, prout cuiusq; electoris sors tulerit: ac eodem fermè modo eliguntur.

Tertius or-
do electorū.

Quartus or-
do electorū.

Post hos tertij nouem eadem ratione complentes tertium ordinem, in priuatum quoq; conclaue secedunt, in quo eadem ad amussim seruantur. Sic etiam quarti nouem in suum: atque hoc pacto explent numerum triginta & sex ciuium. totidem nanque fuerant aurei globuli in urna media, medio scilicet suggestu constituta. Quamobrem & sexaginta quibus primis in urnis aureæ sexaginta pilulæ contigere, triginta sex electores fiunt, in quatuor classes distributi. Argentæ, qui ex urna media eduxerint argenteos globulos, spe

frustrati rediguntur in ordinem. Non me latet per quā arduum esse, minuta hæc à ueterum Romanorū usu longè remota literis illustrare, sed potius inepti culpam mihi censeo subeundam, quàm parum diligentis. Ideo quæcunque etiā in notiora accurratè sanè à nobis memorabuntur, adeò ut nihil desiderari amplius queat etiā ab homine diligenti. Nunc reuertamur, unde digressa est oratio. Cum ergo in quouis magistratu cuius habentur comitia, ea die à classibus quatuor electorū, quatuor item ciues electi sunt, à singulis inquam singuli, nisi fortè cōtingat unum aliquem à duobus aut tribus ordinibus electorum renunciari: quod interdum accidit: sed plerumque cuiusque magistratus quatuor competitores fiunt: in magistratibus tamen nonnullis paræ dignitatis ac inferioris notæ duo tantum fiunt cōpetitores: duæ namque priores electorū classes ius habent eligēdi ac pronuntiādi cōpetitores in illis magistratibus cū posteriores classes eo iure priuatae sint: postquā cōpetitores magistratuum omnium delecti fuerint ea quæ supra exposuimus ratione, confestim electores dimittuntur. neque etenim suffragari possunt ea die cuiuspiā, nec etiam comitijs interesse: ac scriba magnus, qui honos, ut dixi, non est patricius, maximæ tamen est existimationis, in suggestu magna uoce pronuntiat competitores primi magistratus, ac sigillatim recitat quis à quo electorū ordine electus sit, necnō quo electorū authore in quoquam ordine unusquisque competitorum electus fuerit. Quo in loco illud nequaquam prætereundum existimo, legibus sancitum esse, ut elector ille quo

Electores
competito-

itoris fide-
iussor sit ne-
cessè est.

authore quisque competitorum pronuntiatus ac electus sit, ueluti fideiussor eius habeatur: ut scilicet si contingat pronunciatum ciuem superatis competitoribus uoti compotem magistratum eum adipisci quem petebat, ac in eo magistratu quidpiam publicæ pecuniæ auerterit, ac dānatus fuerit peculatus, nec sit soluendus: is elector quo authore pronuntiatus est, in arariorum referatur. Alta igitur uoce à magno scriba pronuntiatis competitoribus primi magistratus, cōtinuò pronuntiati si adsuerint, cum gentilibus quisque suis ac maximè necessarijs cognatis è comitio egrediūtur, ac in conclaue destinatum se conferunt, ibique opperiuntur donec illius magistratus habeantur comitia. Post id item magnus scriba omnes admonet diuinis atque humanis legibus unumquēque teneri ut ei suffragetur qui omniū optimus, ac Reip. utilissimus fore uideatur. Deinde primum competitorem nominat, à primo scilicet electorum ordine electum, pro quo in suffragia eundum sit. Continuo iuuenes tot exurgunt, ut unicuique sedilium ordini bini inseruiant. Hi urnas quasdam manibus gestant miro artificio coagmetatas. exterior est uiridis, alba interior, unico fornice superius testæ: in quem cum manum inieceris, liceat tibi in utram uolueris urnam suffragium demittere, cum tamen nullus etiam qui adsit, ac diligenter inspiciat, dignoscere queat in utram urnam suffragium siue calculum ieceris. Nec fabis suffragantur, sed pilulis quibusdam linteis, nequa ratione ex sono quem cadentes in urnam fabæ facturæ erant, dignosci possit in
utram

Vernæ suffra-
giorū cuius-
modi sint.

Pilulæ lin-
teæ.

utram urnam calculus sit iactus. Nam maiores nostri maximè Reip. interesse existimauere, si libera iudicia fierent. idcirco etiam summam operā dederunt, ut suffragia quam occultissima essent. Iuuenes ergo illi cum suis quisq; urnis inuicem coagmentatis ad sedile suum concedit, ac cuique ciuium eo quo sederunt ordine urnas offert. quisque ciuīs palām prius ostēso calculo manum in fornicem imponit, ac in utram uoluerit urnam eum demittit: si suffragari uelit, in albam interiorem, sin uerò refragari, in exteriorē uiridem. Simul in uno quoque sedilium hac ratione, atq; hoc quem diximus modo, in suffragia itur. Quo fit ut breui admodum temporis spatio ab uniuerso conuentu ciuium suffragatū sit. Tunc urnæ deferuntur ad suggestū principis, ibiq; collecta suffragia effunduntur in duo uasa patula: ea uidelicet quæ fuerint in urnis albis, & quæ fauerint, in uas item candidum. at quæ in uiridibus urnis collecta sunt suffragia, itidem in uiride uas conijciuntur: deinde ad consiliarios numeranda deferuntur, inter quos medius sedet princeps. Cādidi uasis suffragia competitori fauentia, ab ijs cōsiliarijs numerantur qui dextro principis lateri adsidēt. At collecta in uase uiridi, quæ scilicet refragantur, ab his qui ad læuam principis sederint, recognoscuntur. Scribæ publici consiliarijs adstant: statimq; scriptis mandant numerata suffragia. Interea dū primi suffragia recensentur, eadem ferme ratione pro secundo in suffragia itur, qui a secunda electorum classe fuerit electus. Deferuntur itidem suffragia ad consiliarios. numerant illi, ac scribæ nume-

Iuuenes bini
singulis sedi
libus urnas
gestantes.

Suffragia a
consiliarijs
numerantur.

Competitorum quis electus pronuntiatur,

rum scriptis mandant. Sic pro tertio, ac demum pro quarto, si tot fuerint competitores, in suffragia itur. Numeratis suffragijs omnium, is qui plurima suffragia tulerit, dummodo dimidia excedant, pronuntiatur electus à magno scriba, cum peractis omnium magistratum comitijs consilium dimittendum est. Sin autem eius magistratus competitorum nullus plura suffragia tulerit quàm sint dimidia omnium, præteriti omnes hi habentur, differturque electio ad altera comitia. Post primi magistratus comitia peracta, pronuntiantur nomina electorum in secundo. Recedunt in conclaue competitores cum gentilibus ac cognatis. At illi qui conclusi erant, primorum scilicet competitorum gentiles ac cognati, in comitium redeunt. Eadem ratione in nullo dispari à priori, eodemque ordine itur in suffragia pro secundi huiusce magistratus competitoribus, ac ite numerantur à consiliarijs: isque electus habetur, qui suffragijs alios superauerit, dum modo plura dimidijs sint. Sic pro tertio, item deinceps pro quarto. Hic demum in omnibus alijs magistratibus modus seruatur. Post completa comitia electorum nomina magna uoce pronuntiantur à scriba magno, ac post id dimittitur consilium. Non tamen ultra Solis occasum protrahi comitia queunt. Quod si ea Solis occasus interceperit, statim renunciantur qui ad eam horam fuerint electi. eorum qui restant, nulla ratio haberi potest. Itaque beneficio quod eis cum sors tum etiam electorum classes attulerant, spe frustrati, minimè frui queunt. Summa hoc ratione decretum fuit. Nam admodum facile esset;

Dimittendi consilii tempus,

si res in noctem protraheretur, ne tam magna ciuium multitudo à magistratibus qui comitijs præfæcti sunt, in officio contineri posset, quin tenebris fauētibus aliquid agerent contra leges. Idcirco maiores nostri sapientissimi uiri, qui eximia prudentia & animi solertia omnia prospexisse uidentur, statuere ultra solis occasum comitia protrahi non posse, neq; ullo pacto lucernam aliquam in atrium illud inferri dum comitia habeantur. Hæc omnis comitiorum ratio: in qua minime prætereūdum est, ita inter ciues magistratus distribui, ut tamen duo eiusdem gentis, aut etiam consanguinei maximè necessarij in eodem magistratu esse nō possint: quæadmodū neque iisdem comitijs duo gētiles, aut agnati maximè necessarij, sortis beneficio electores esse queunt, ut supra ostendimus. quod summa ratione statutum est, ut scilicet ius publicæ potestatis ad plures pertineat, non autem contrahatur ad paucos necessarios. Nam hi potestatem adepti faciliè possēt aliquid moliri, ac Remp. turbare. Præterea cū plurimi expertes fuerint honorum, necesse etiam est ut ij plurimi eā Remp. oderint, ac rebus nouis studeant. Eam uerò Rempub. diutius consistere ferè impossibile est, quam multi ciuium nolunt. Adde quòd Reip. interest publicam potestatem ad plures pertinere: idq; æquisimum sit, ut consimiles inter se ciues, ex quibus Resp. consistere solet, non dispares sint in honoribus consequendis. Paucorum uerò statum, quam Græci Oligarchiam dicunt, faciliè constituunt qui ius publicum contrahunt ad paucos necessarios. Quamobrem in Rep.

Veneta ita magistratus inter ciues distribuuntur, ut quoad fieri possit, omnes familiæ omnesq; agnationes honorum sint participes, ea tamen ratione, ut nō quis, sed ij tantum uiri qui & probitate & prudentia excellunt, Remp. administrent, ac muneribus publicis fungantur. Prior illa institutio populare quiddam sapit, altera uerò optimatium gubernationem. Quare luce clarius intueri licet omnes rectas gubernationes quarumuis ciuitatum in hac una Repub. commixtas esse. Nam quanuis hoc magnum consilium speciem quandam referat popularis status, nihilominus in eo etiam perspicitur commixta esse ratio optimatium gubernationis cum populari. Nam sorte eligi magistratus populare est. In eo etenim statu ciuitatis iustum atque æquum æqualitate arithmetica metiuntur, ac reputāt, cum unusquisque populi unus sit ciuis, & liber, ac paribus paria debeantur, unumquemque ex populo pari iure ac cōmodo frui debere in rep. ut magistratus consequi possit. Et cum omnes simul nequeant imperare, sed per uices, existimant æquum esse hanc definitionē inter ciues sorte fieri debere, ut hi imperent, quibus fors fauerit. Et contrā in paucorū potētia, quæ aberrat à rep. optimatiū, æquum arbitratur, cū imparibus iparia debeantur, diuitesque superent alios ciues copia rei familiaris, eis quoque supremos honores deberi. In qua existimatione utrique longè à uera ratione recedunt, licet uerisimili nitantur. Nam quod inquirunt paribus paria, aut paribus imparia deberi, rectè statuūt. In eo uerò quòd paritatem priores numero tātum, ac

posteriores imparitatem solum diuitijs metiantur, ni mirum utrique egregie falluntur. Etenim qui numero pares sunt, non omnino pares: & qui diuitijs impares, non omnino impares censendi sunt, sed aliqua tantum ratione impares. Verum cum ciuilis societas ad bene uiuendum sit instituta, uirtus sola discriminē hoc efficit. His ergo qui uirtute praestant, tanquam imparibus ac potioribus supremi etiam honores in rep. debentur: aequalibus uero uirtute ac ciuili industria, aequales etiam honores. Hic modus, haec norma optima tium est. Sicuti ergo popolare est uti sorte in electoribus constituendis, ita est optimatum, ut is qui uirtute praestare iudicio consilij existimatus fuerit, potior habeatur: ac reliqui repulsam ferant, qui indigniores habiti fuerint. Qua ex re facile perspicitur reor in hac comitiorum habendorum ratione commixtam esse cum populari specie optimatum formam, eo tamen temperamento, ut id quod est optimatum, superet popularē rationem. Nam fors in electoribus tantum constitutendis dominatur, cuius potestatis nequam etiam homines sine reipublicae detrimento compotes esse queunt, parque ius habere cum optimis ciuibus. At in adipiscendis honoribus nil sortis est, totum in electione et estimatione positum ciuium. Quo in loco non reor mihi omitendum esse illud institutum in comitijs magistratuū, qui exigunt uiros praecipua quadam probitate ac solertia praeditos, quatuor ordinibus electorum quos superius memini, senatum uelut quintum ordinem exple re. Nam dum ordines illi in coeclauibus ad hoc munus

Senatus quatuor ordinibus quintus additur.

destinatis eos pronunciant quos uoluerint competi-
tores, si fiant comitia cuiuspiam horum quos dixi ma-
gistratuum, cogitur senatus in minus atrium, ibiq; uni-
cuiq; senatori licet eum quem uoluerit incertis illis ma-
gistratibus nominare, pro quibus in suffragia itur.
At is qui plura tulerit, pronunciat electus senatus
scrutinio fitq; quintus competitor. Quamobrem eu-
identissimum est præstantiorem esse in nostra republi-
ca legem reipublicæ optimatium ea quæ est popularis
status. Cæterum huiusmodi comitiorum modus ac ra-
tio satis diligenter hætenus à nobis exposita est. Acce-
damus ad eam reipublicæ partem, quæ ueluti in fidibus
ad constituendam *ἀρετῆς* consonantiam uox gra-
uis acutæ proportionem quadam respondet. sic etiā spe-
cie quadam regia populari parti respondeat, ac demum
in unum concentum optimæ reipublicæ iniectis medijs
magistratibus coalescat.

DE MAGISTRATIB. ET REP.
VENETORVM LIB. II.



Nillus est qui ignoret principē in ur-
bem Veneta personam regis, ac spe-
ciē regie gubernatiōis præ se ferre.
Ideo nō absq; ratione postquā is à no-
bis cōuentus ciuiū est descriptus, qui
populi formā habeat, etsi non satis p-
rei ipsius dignitate pro tenuitate tamen nostra nō in-
diligenter, nūc à nobis aggrediendum est qua ratione

adducti maiores nostri optimi atque sapientissimi homines principem unum reip. præesse uoluerint: necnō etiam dicendum quibus tēporibus, ac qualis fuerit origo principis huius præficiendi. Neminem puto latere, id quod à nobis sæpius hoc opusculo est repetendum, ciuitatem ciuilem quandam societatem esse, quæ per se sufficiat ad bene beateque uiuendum. Omnem uerò societatem unitate quadam contineri quis ambigat, contra autem distractione dissolui? Quo effectum est, ut discordia ciuilique dissidio maximæ ac opulentissimæ ciuitates corruerint, funditusque euersæ sint. Vnitas uerò cōmode contineri non potest, nisi ab uno, qui multitudini ciuium, ac uniuerfis magistratibus, quibus priuæ quædam functiones demandatæ sint, præsit, atq; multitudinem quodammodo diffluentem colligat, ac in unum conciliet. quod philosophi summi, ac præcipui rerum naturæ indagatores, cum in uniuerſi totius constitutione, tum etiam in microcosmo hoc, id est in animali animaduertēre. Nam prospexerunt in hac rerum uniuerſitate multos ac diffformes, prout scilicet uniuscuiusque natura fert, motus, ab uno, cælesti inquam ac æterno contineri: omnes etiam causas ab una prima rerum omnium causa. Demum in animali plurima ac longè diuersa membra, quorum functiones uariæ difformesque sint, una tamen anima, & unito membro, corde inquam, comprehendi, atque in unitatem quandam colligi. Pari propemodum ratione, ni multitudo ciuium ita fuerit legibus instituta, ut unūquempiam præsidem uelit, cui bonum commune omnium,

Princeps unus in rep. Veneta.

Ciuitas ad.

Discordia resp. corrunt.

Homo microcosmus.

Prima causa.

ac unionis ciuiliſ conſeruande cura præcipuè incum-
bat, quo uniuſcuſque ciuiſ tum priuati tū magiſtra-
tu fungentis actiones tanquam ad ultimum & præci-
puum finem referri debent, nimirum diutius nō po-
teſt conſeruari, ſed in diuerſas partes diſtracta intercidet.
Quod ut nullius ciuiſ culpa aut iniuria cōtingat, equi-
dem ex ſingulorum ſedulitate circa proprium priua-
tūq; munus, accidere neceſſarium erit, cum commune
bonum nulli præcipuè ſit demandatum. Cape rei fru-
mentariæ præfectos. hi potiffimū in hanc curam in-
cumbent, ut eorū opera magna frumēti copia ex omni-
bus partibus inuehatur in urbem, ac tritici annona ſit
uiliſ, at hoc fortaſſe officiet publicis uectigalibus. Ac
naualiſ, quod pulcherrimum habemus, præſides nō diſ-
ſimili ratione maximè ſtudebunt ut quamplurimas tri-
remes ædificent, omnibūſq; bellicis ac nauticis inſtru-
mentis egregiè exornent, atq; pecunias publicas un-
dique coactas in eum uſum expendant: ex qua forſitan
ſedulitate reliqui redditus publici, & reſciendis arcibū
oppidorūque mœnibus, et cuſtodibus regionis ſatis
eſſe non poterunt. Quamobrem ſolutis compagibus
reſpublica diſtracta dilabetur, non culpa, ſed ſtudio ci-
uium, dum quiſque perquam egregiè munus ſuum ob-
ire ſtudet. Quòd ſi ex hiſce incommodis effici uidetur,
ut operæ precium ſit boni communis curam alicui præ-
cipuè demandari, cuius nullum officium priuatum ſit,
ſed ſolummodo moderetur ac dirigat cuiuſq; functio-
nem ad commune bonum, & ad rei publicæ unionem,
pluribus æquè hoc negotium committi, non reor fore

Frumētariæ
rei præfecti.

Præſides na-
ualis.

in rem ciuitatis . Etenim id quod pariter plures curant, omnes pariter negligunt, quod inquit Aristoteles, dum nulli præ alijs fraudi dari potest si quid perperam agatur: ut interim omittam æmulationem ac similitudines quæ inter pares plerunque esse solent . Sin uerò unus huic rei præficiatur, qui temporaneum hunc magistratum gerat, utputa annuum uel semestrem, non autem quoad uixerit, hic nimirum bene secum agi putabit, si tantisper respublica feliciter agat, donec defunctus fuerit magistratu, securus quid postmodum sit euenturum, ac quò res casura sit . Quare contingit ut male plerunque res cedat. Id quod certissimo experimento compertum esse potest à plerisque rebus publicis sumpto, quæ hoc gubernationis genere usæ sunt nostris temporibus. Ideo sapientissimè à nostra ciuitate institutum fuit, ut in hac republica cõstitueretur quædam species regiæ gubernationis, ad eò legibus temperata, ut quouis incommodo ac periculo quod reip. imminere posset, amoto, utilitate uerò et cõmodo quod regia gubernatio habere solet, adscito, nihil relictum esse uideretur quod desiderandum sit, ac simul rempublicam liberrimam, & regem præsidem haberemus. Vnus ergo princeps eligitur, qui etiam habeat ducis nomen. Is quoad uixerit, reip. præest, præcipuèque curam habet boni communis, quo maxime ciuitates contineri, reor superius à nobis efficaci ratione probatū esse. Huius nulla priuata est functio: nulla etiam est in uniuerfa republica cuius expers esse debeat. Hic cum unumquemque priuatum ciuem, tum etiam quoscunq;

Ducis munia.

magistratus ita debet in officio continere, atque ea ratione moderari, ut ueluti quadam harmonia omnia consonent communi bono, atque ad unionem ciuilem referantur, nequa scilicet functio siue nimia sedulitate magis quam opus sit intenta, aut negligentia remissa, utilitati communi officiat. Hoc igitur principis est munus, ut tanquam in quadam reip. specula positus conspiciatur quid unusquisque rerum agat, eorum praesertim qui fuerint praediti publica authoritate: ac si quæ perspiciat qui officio suo desit, accersitum coram uniuerso collegio uerbis primum castiget, ac si res ita tulerit, adhibitis aduocatoribus, seu decemuirum praefectis, mandet culpam eius dignosci, ac de consilij sententia puniri. Ipse quoque dux, si uelit, tum aduocatoris tum praefecti decemuirum authoritate uti potest, atque de cuiusque crimine, & de multa infligenda ad consiliū referre. Id quo more fieri soleat, infra docebimus cum agemus de iudicijs criminum. Eam enim princeps obtinet potestatem, ut in quouis ciuium collegio sese adiungere collegam ualeat magistratui praesidi, parq; ius cum alijs praefectis habeat, ut hac potissimum ratione omnibus consulere queat. Verum potestas hæc adeo legibus contracta est, ut solus nihil possit: alijs magistratibus adiunctus, non amplius authoritatis obtineat, quam quiuis unus eorum qui eo magistratu fungantur. Quinetiam magistratuum ius adeo modicum est, ut nullus tametsi summus quidpiam statuere possit, quod alicuius momenti haberi debeat, nisi de consilij sententia. Sed de his suo loco luculenter dicitur. Ac

Dux solus
nihil potest

Magistratu
um ius mo-
dicum.

in quouis consilio princeps tanquam illorum unus, unius tantum suffragij ius habet. In magno item consilio, id est in conuentu omnium ciuium, dum comitia magistratum fiunt, neque gentili neque consanguineo competitori suffragari potest, uerum eodem pari que iure cum omnibus utitur. Ex his reor unumqueng; facile intellecturum Venetorum principi oem ademptam esse facultatem ne abuti principatu queat, aut pro tyranno se gerere. Quæ res diuturna, quin potius uetustissima consuetudine uel à primis originibus urbis ad hæc usq; tempora producta, adeò inoleuit, ac confirmata est, ut nihil minus urbi Venetæ timendum sit, quam reip. principem libertati ullum unquam posse negotium facessere. Verumenimvero cum maximos labores, ac ingentem solitudinem animi absq; mercede ulla uniuersi reiecturi essent, potestatis dispendium principi repensum est, adhibitis honore, dignitate, ac demum specie regia. Nam ornatu corporis regius est. Purpurea enim ueste aut aurea semper utitur. Capite gestat uelamen linteum pro diademate regio, ac supra in capitium purpureum limbo aureo ornatum, cuius ea par quæ occiput tegit, in cornu formam assurgit. Sedem in suggestu habet ueluti regiam. Omnes ciues cum priuati, tum magistratum gerentes, detecto capite, ac stantes sedentem principem alloquuntur. honoris id hac tempestate signum præcipuum. Nulli princeps assurgit. Cũ etæ epistola reip. sub nomine principis prodeit, ac ob signatur. Orator quicunq;, prætor, præfectus, ac quis

Principi ad
empta facul
tas ab uten
di principa
tu.

Principis ue
stis purpu
rea, aut au
rea.
Linteum ue
lumen pro
diademate.
Capitium
principis cu
iusmodi.
Ducis sedes

Nulli prin
ceps assurgit
Publicæ li
teræ principi
nomine
prodeunt.

alius qui ad senatū scribere uoluerit, literas ad principem destinant. Decretorum, legum, ac senatusconsultorum promulgationes nomine principis efficiuntur.

Numi nomi-
ne & figura
ducis cudun-
tur.

Numi omnes tam aurei quā argentei excuduntur cū nomine ac figura principis. Tandem ut paucis rem concludam, ubiq; intueris speciem regis, potestatem uerò nusquam. Equidem in Veneta rep. sapientissimè hoc, ut cætera, constitutum fuisse, nullus sanæ mentis inficiari ausit. Nam hac honoris mercede laboriosum alio qui principis munus rependitur: quod solum uirtutis præmiū esse & uulgus prædicat, & summi philosophi prodidere: ex quibus Aristoteles in Ethicis inquit cum ij qui rectè et sanctè magistratū gerant, non suæ, sed aliorum utilitati consulant, nulla alia ratione æquum eis tribui posse, præterquam ut honore alijs antecellant. Præterea magnopere facit huiusce principis dignitas, ut quicumque ciuis & castigationē eius maximè uercatur, & iniuncta munera maiori seduli-

Aristotelis
locus,

Consiliarii
sex.
In sex tri-
bus.
Venetæ di-
uise.
Consiliario-
rum octime-
stris magi-
stratus.

tate perficiat. Adiuncti principi sex consiliarij sunt, delecti ex senis tribubus, in quas diuisa est uniuersa ciuitas, ex singulis scilicet singuli. Hi octimestrem magistratū gerunt, et perpetuò adsident principi. omnia cum principe audiunt. nullæ literæ publicæ exeunt, nisi ex sententia quatuor consiliariorum, qui etiam nomina sua literis adscribunt, non ijs tamen quæ prodeunt, sed illis quas scribæ reip. primū scripserint: atque post exempla edita seruantur. In qua re illud minime est prætereundum, hisce literis quæ non ex decreto consilij, sed iussu principis ac consiliariorum datæ

ad quempiam fuerint, ut res parui momenti præcipi, & modicæ esse authoritatis. Illud nanq; sæpius est nobis repetendum, omne ius & omnem potestatem consilijs duntaxat esse attributam: nullum uerò magistratum per se amplam authoritatem obtinere. Sed infra dicitur de consiliarijs: nunc ad principem, seu ducem malueris appellare, oratio redeat. Hac igitur specie regia principi adfixa, cum plerunque priuatæ opes satis futuræ non essent ad tuendam eam dignitatem, atq; ad eum locum honestandum, ex publico ærario constituti sunt in singulos annos duci ter mille & quingenti numi aurei. Ac ne quispiam fortasse paulo auarior in priuatam rem familiarem neglecta dignitate atq; utilitate publica auerteret eam pecuniæ summam, iniuncta sunt principi munera quædam quæ suis impensis obeat, quibus & dignitati principis, & Reip. usui cōsulitur. Quæ si neglexerit ut pecuniæ parcat, hæredibus imposita est multa pecuniæ tam grandis, ut dum rei familiari augēdæ studere princeps uoluerit, ac hæredibus prodesse, magnam eius iacturam facturum sit, si ob auaritiam suæ dignitati defuerit, præterquam q̄ hereditariam quandam ignominiam ac dedecus posteris relicturus est. Complures stipatores alit, inermes tamen. Sericis uestibus semper utitur. domum habitat auleis mirificè instructam. supellectilis argenteæ copiam habet, cæteraq; id genus quæ principi uiro conueniant. Singulis etiam quibusq; annis quater prandium parat sexaginta & amplius ciuib; lautè atque opiparè instructum. Qua in re peruetustum more La-

Cæsus ducis
ex ærario
publico.

Princeps qua-
ter in anno
conuiuium
fruit.

cedæmoniorum atque Cretensium, quorum Respublicæ illustres fuere, moderatum tamen, in hanc nostram Remp. maiores nostri transtulere. Nam cum summopere faciat ad beneuolentiam inter ciues conciliandam conuentus ciuium frequens, conuiuia quædam publica impensis ærarij fieri statuere tum Lacedæmonij, tum Cretenses: ad quæ cum ciues conuenirent, unusquisque facile quemcunque dignoscere poterat, & necessitudine quadam ætiori ex consuetudine illa conuiuij inuicem uinciebantur. Verum cum omnes promiscuè conuenirent, necesse erat plerumq; tumultus ac turbationem in conuiujs illis accidere. necnon cum ij quorum ea cura erat, pro se quisque lautè ciues excipere uellet pecuniæ publicæ interim magnā iacturam faciebant. Quapropter castigatione ac modo adhibito uetus illud institutum ad Venetos deductum est, omneque id negotium principi demandatum. Quater ergo singulis annis ciues à principe adhibentur lautis sanè, sed nō iuidiosis epulis: nec unusquisq; promiscuè accedit, sed ij tantū quos princeps acciuerit, præter consiliarios, aduocatores, præfectos, quadraginta uirū ac decem uirū præsides, qui iure quodam eorum magistratū semper cōuiujs principis intersunt. Cæteri ciues oēs inuitati accedunt. Hac autem ratione quatuor hæc cōuiuia distributa sunt ut seniores dignioresq; ciues inuitati circa brumam die diuo Stephano protomartyri dicato summo mane conueniant in ades publicas habitationi principis destinatas, ac solenni pompa deducant principē domo, ac adē diui Marci petāt. Ibi simul

Qui conui-
uiō adfint.

Cōuiuio sta-
ti dies.

interfunt sacris. quibus perfectis reducant principem
ad aedes suas, ibiq; simul epulantur. Aprili etiam mēse
die Marci euangelistæ, cuius nomen Veneti præcipuū
habent, ac quem patronum sibi adsciuerunt, posteaquā
eius cadauer ex Alexandria Aegypti ciuitate illustri
Venetias delatum est, ciues ætate minores ac dignita-
te inuitati à principe, eodem more ac eadem pompa
celebratis sacris conferunt se ad prædium principis.
Ascensionis item festo, quo die Venetijs nundinæ fiūt,
adhibentur à principe ij qui uirilē ætatem attigerunt.
Hi item summo mane ducem domo deducunt, simulq;
conscendunt nauem quamornatissimam ad hos usus
ædificatam (hanc Veneti Bucentaurum uocant) ac
æstuaria egressi, cum primum liberum apertumq; ma-
re intueri licet, antiquorum Pontificum beneficio qui
hanc Remp. honestare uoluerunt pro rebus quamplu-
rimis fortiter ac egregiè gestis contra cōmunes Chri-
stiani nominis hostes, Princeps iacto annulo aureo
in mare inquit totidem ferè uerbis, in signū uerī per-
petuiq; imperij se eo annulo mare desponsare. His
adduntur ab urbis præfule cæremonie quedam: qui-
bus peractis descendunt in ædem diuo Nicolao dicatā,
uetustam sanè, quæ in littorē condita est quod mare ab
æstuarijs disternat. ibi sacra mysteria celebrantur:
quibus rite actis, cōscensa rursus naui Venetias reuer-
si principem domum reducant, simulq; cenuiuantur.
Quartæ epulæ pertinent ad iuuenes ciues, qui. xij.
Calendas Iulias diē dicata Vito ac Modesto martyri-
bus, solenni pompa accedunt cum principe ad eorum

Diuus Mar-
cus Veneto-
rum patro-
nus, & tute-
lare num̃.

Nundinæ.

Bucentau-
rus.

Maris de-
sponsatio.

Martyrum templum ultra Rium magnum situm, quæ urbem mediam diuidit. Riuus is iungitur ponte super triremes ædificato pro temporis ratione, ne immenso ferè circuitu iter illud conficiendum esset. Templum ergo inuisunt, sacris intersunt, ac demum à principe domum reducto excipiuntur lauto sanè conuiuio. Ad hæc conuiuia principis frequenter adhibentur & saltatores & mimi, necnon etiam cantores egregij, qui conuiuas oblectant. Intermiscentur interdum nonnulli ludi, qui mirificè capiant spectatores. Sic igitur uetus illud institutum in Venetam Rempub. concessit, moderatum tamen. Nam hac ratione cuiuscunque ferè ordinis ciues, pares tamen cum paribus, ad publicas epulas accersuntur, simulq; cum dignitati principis, tum maximè conciliandis inuicem ciuibus egregiè consultum esse uidetur. Caterùm quoniam omnes ciues patricij singulo quoq; anno hisce epulis honestari non queunt: ne ullus præteritus fuisse uideatur, ueteri instituto ac lege constitutum est, ut hyeme unicuique ciui qui in maiori consilio ius suffragandi habeat, mittantur à principe quinque marinæ anates ueluti cõuiuij quædam publici portio. quod etiam ad conciliandos ciues Duci, non parum facere censeri potest. Hisce impensis infumitur magna pars pecuniæ quæ ex ærario Principi quotannis numeratur. Quo fit, ut etiam si uelit auarus Dux, non queat tamen ullis auaritiæ sordibus fœdare dignitatem atq; amplitudinem loci quem tenet. Hoc loco, quoniam omnis ferè potestas atque authoritas principis est à nobis explicata, referre

Hyeme à
principe pa-
tricijs quin-
que anates
mittuntur.

referre operæpretium est quo initio quibûsue tempo-
ribus Venetijs ducis huiusce creandi consilium initum
fuerit, ac demum quanam sit ratio comitiorum in du-
ce eligendo. A prima statim urbis origine, cum quin-
que nobilissimi Venetæ prouinciæ ciues, Aquileia, Cõ-
cordia, Altino, Opitergio, Patauio, ac plerisque alijs
ciuitatibus amplissimis atq; opulentissimis Hunnorũ
impetu euersis, qui rege Atila duce maximã Italiæ cla-
dem intulere, in ea æstuaria Adriatici maris conuenis-
sent, in quibus postea Veneta urbs cõdita est, ac in ui-
cinioribus locis patriæ quam liquerant, unusquisque
sedes suas posuisset, ædificata fuere circiter uiginti ac
duo oppida, partim in littore eo quod interiora æstua-
ria claudit, partim in tumulis quibusdam qui ex æstua-
rijs eminebant. Ac primis initijs cum ea oppida neq;
per se satis munita essent, neq; nauigiorum copia ali-
cui oppido tanta suppeteret, ut piratis ac prædatori-
bus maritimis per se quisque obsistere posset, optimũ
fore censere, si de omnibus in commune consulerent,
cum omnium etiam eadem fortuna esset, ac communi
consilio prospicerent cum annonæ tritici, uini, fru-
gumq; omnium quæ uictui necessariae sunt, tum maxi-
me propriorum Larium securitati, ne quam iniuriam
seu detrimentum acciperent à piratis quibus expositi
erant nõdum oppidis satis munitis. Quamobrem cum
prius unumquodque oppidum præfectum ac præsidem
sibi ex suis ciuibus delegisset, quem Tribunum uoca-
bant, constitutum est inter omnes, ut certis diebus Tri-
buni hi conuenerent, ac de re cõmuni decernerent. Pau-

Atila Hun-
norũ dux.

Oppida in
littore uigin-
ti duo ædifi-
cata,

Tribanus,

lò pòst experientia compertum fuit, cum nulli ex illis præcipuè cura hæc incumberet, ac propterea multa detrimenta paterentur, commodissimam ac utilissimam rem omnibus fore, si uni cuiquam præ cæteris communis boni procuratio demandaretur, quem omnes alijs uti principem agnoscerent. Itaque decretum est consensu omnium oppidorum, ut dux seu princeps unus eligeretur. Huic principi sedes constituta fuit in oppido Heraclea nuncupato. Situm id erat in intimis æstuarijs in insula quadam iuxta Planis fluuij ostium, quæ nostris temporibus alluione fluuij continenti cõiuncta est. Postmodũ uerò cũ locus is nõ satis idoneus uideretur (nam cũ in recessu eo esset, sæpenumero priusquã mali fama eò peruenisset, piratæ iã intra æstuaria penetrarant, ac uel imprudentes oppidanos oppresserant, uel nauigia diripuerant) idcirco statuerũt satius fore, principem relicta Heraclea Metacomum concedere. Oppidum id in medio littore situm est: ex quo faciliè dux præsentire poterat si quid insidiarum à piratis instrueretur, ac nullo negotio adesse ubicunque opus fuisset. Demum quo tẽpore Pipinus rex cladem ac seruitutem elementis illis Venetæ urbis minaretur, ac omnes Riuaaltum ex quibuscunque oppidis concessissent, principis etiam sedes eò loci translata est: quo cunctis oppidanis convenientibus, in eam amplitudinem quã cernimus, Venetæ excreuere. Sic igitur perpetuo quodam tenore à primis statim urbis originibus unus princeps Reip. Venetæ præfuit. Primi illi aliquanto maioris authoritatis fuere: po-

Ducis origo

Heraclea initio principis sedes,

Principis sedes Metacomum translata,

Pipini regis tempore Venetias ducis sedes translata,

Istea uerò usu docente paulatim institutis ac legibus potestas principis reducta fuit ad hanc temperatiam quam cernimus Ratio uerò eligendi ducis qui priori uita functo successurus sit, primum quidem simplex fuit. Nam cum maiores illi nostri singulari quadam bonitate præditi fuerint, atque ab ambitione penitus alieni, unusquisq; pro se eam sollicitudinem recusabat: quapropter acclamatione populi, is qui omnium optimus ac prudentissimus haberetur, princeps renunciabatur. Post prima ea tempora aucta ciuitate, ac populo ampliori effecto, inutile reip. fore uisum est, si temeritati atq; auræ populari res tam magna commissa esset. Decretum itaque est, ut eligerentur undecim uiri omnium probatissimi, qui creandi ducis potestatem haberent. Demum cum aliquantum simul cum imperio etiam ambitio excreuisset, instituta sunt singularia quædam comitia, ac perplexa quædam ratio ducis eligendi est inuenta. Hanc nos, nequid incepto operi desit, paucis exponemus. Defuncto principe, ac iustis actis pie honorificeq; consiliarij, qui interregni illius tempore continuo post obitum principis se in ædes publicas receperunt principis habitationi destinatas, magnum consilium uocant. In eo primum post interitum ducis conuentu, ea ratione comitiorum quam supra narrauimus, quinque ciues creantur, quid defuncti principis res gestas diligenter scrutari debeant, ac de consilij sententia, si quid ab eo contra leges ac decreta sit factum, rescindant. si à quopiam etiam minus acceperit, ac statuta pepercerit impense, ea quin-

Initio dux a populo renūciabatur.

Vndecim uiri Principē creabant.

Postrema ducis eligendi ratio,

Principis defuncti res gestæ a quinque uiris exquiruntur.

Siquid a du-
ce peccatū,
hæredibus
pœna irro-
gatur pecu-
niaria,

que hisce referentibus à consilio irrogatur hæredibus multa quam leges iusserint. pecuniaria ea ē, eaq; summa æris de hæreditate principis publicatur, atque in ærarium refertur. Eisdem comitijs eliguntur quinque alij ciues, qui eodem momento quo renunciati sunt, recipiunt se in conclaue comitio adiunctum, neq; inde discedunt antè quàm inter eos re consultata statuerint quod ipsis immutandum, tollendum, aut addendum potestati principis uideatur. Re inter eos discussa, iterum cogitur consilium: quo coacto egrediuntur illi ē conclaui (nam prius non licet) ac suam quisque sententiam ad consilium refert de principis iure: ac uniuersis ciuibus disceptantibus, suffragijs discernitur id quod maximè usui Reip. fore uisum fuerit. Id decretum inter leges quas principes seruare debeant, refertur. Statim constituta principis pōtestate, postridie initur perplexa illa ratio comitiorum quibus princeps creari solet. Conueniunt itaque ciues omnes qui triginta annos excesserint. nam iuniores, eaq; etate minores, uetere Reip. instituto ad ea comitia non admittuntur. Numerantur deinde uniuersi ciues, ac totidem globuli in urnam cōijciuntur, quot ciues fuerint. Ex his triginta sunt aurei, ceteri omnes argentei. Ea urna statuitur ante suggestum comitij ubi consiliarij resident. Adstat urnæ puellulus. eductis sortibus subsellia ciuium uocantur. ad eam urnam accedunt omnes eo quo sederint ordine. Nullus autem (quod tamen in alijs comitijs fieri cōsuevit) in urnam manū imponit, sed puer is qui urnæ adstat, pro singulo quoque glo-

Constituitur
principis po-
testas.

Nō nīq; qui
30. annos su-
perauit, ad
comitia eli-
gendi ducis
admittitur.

bulum unum educit. Ii quibus argenteus obtigerit, statim egrediuntur comitium. At is cui sors fuerit educto globulo aureo, à scriba alta uoce pronuntiatur. continuo ille in certum conclaue secedit. eius uerò gentiles omnes, consanguinei; arcta necessitudine coniuncti, ex suo quisque loco assurgit, concedit; in partem atrij. uniuersi ibidem numerantur, ac totidem globuli argentei ex urna extrahuntur. excedunt hi deinde ex comitio. Hoc pacto sortis beneficio triginta quibus aureus globulus obtigerit, deliguntur ex uniuerso ciuium cœtu. Quo peracto consilium dimittitur. Postquam omnes excessere, triginta illi è conclauì egrediuntur: ac coram consiliarijs constituti denuò sortem subeunt: ac ex triginta hisce, nouem quibus sors fauerit, electores fiunt, cæterisque dimissis concedunt in conclaue huic muneri destinatum, ibi; soli cõcluduntur, nullo prorsus nec ministro nec seruo admissis. nulli copia fit eos alloquendi: atq; inde neq; discedere queunt priusquam quadraginta uiros elegerint: nullusq; referri potest ab eis electus esse, nisi tulerit sex suffragia. quo fit ut quatuor refragantibus, nullus electus pronuntiari queat. Cum primum quadraginta hosce uiros elegerint, per internuncium custodem ac ianitorum publicum certiores consiliarios faciunt se munus suum obijisse. Euestigio consiliarij, ni hora diei fuerit ualde intempestiua, consilium magnum uocant. Posteaquam ciues omnes in curiã conuenere, profertur syngrapha ex conclauì, in qua descripta sunt nomina ciuium electorum. Ac scriba primus ascenso suggestu ma-

Sortis beneficio 30. eliguntur.

Ex triginta electores nouem fiunt.

Electores nouem alios quadraginta eligunt.

gna uoce pronunciat quadraginta designatos ciues. Horum quisque si interfuerit, cum primùm audierit se pronunciarì, à loco ubi confederat surgit, ad suggestũ consiliariorum concedit, ac inde in conclaue destinatum. Sin autem eorum quispiam absens fuerit, confestim à consiliario uno, ac item ab uno quadraginta uirũ præfecto uel per totã urbem conquiritur. Inuentus ab eisdem magistratibus primùm in comitium, ac deinde deducitur in conclaue ad collegas, nulla interim præstita facultate aliquem conueniendi aut alloquendi, ne ulla ambitioni occasio aut aditus concedatur in his comitijs, quæ sanctissima omnium maiores nostri esse uoluerunt. Hac ratione quadraginta designati ciues improuisi conueniunt. Cum primùm conueniunt, euestigio dimittitur consilium. Tunc quadraginta hi egrediuntur conclaue, ac in atrium comitijs amplissimum magistratum adeunt, consiliarios uidelicet: ibiq; eodem sortium modo quem suprà retulimus, duodecim decernuntur: uiginti et octo qui reliqui sunt ex quadraginta uiris, repudiatis. Duodecim hi, uigintiquinq; uiros eligunt, quorum quisque necesse est ut octo suffragia ferat. paucioribus nanq; nullus eligi potest. Re expedita consiliarios per internuncium admonent. Hi si tempestiua hora fuerit, consilium conueniunt: modoq; in nullo à superiore dispari, uigintiquinque illi improuisi coguntur, ac dimisso consilio eodem genere sortis nouem deliguntur, sexdecim reliqui discedunt. Nouem hi, quadraginta quinque creant sex item suffragijs: qui pari pacto coacto consilio à scri-

Ex. 40. uiris 12. decernuntur.
Electi. 12. alios 25. eligunt.

A. 25. alij. 9 eliguntur.

Nouem hi 45. creant.

ba pronunciantur, & in conclaue coguntur. Hi sortis eiusdem beneficio rediguntur ad undecim. Hi deligunt quadraginta & unum ciues ex primarijs senatoribus. qui continuò cum pronunciati fuerint, secedunt in atrium destinatum: hiq; facultatem obtinent ducis eligendi. Non tamen duos eiusdem familiæ, aut arcta inter se necessitudine coniunctos, in hanc classsem electorum ducis admitti leges sinunt. qui mos perpetuus est apud Venetos in omnibus magistratibus. Tã perplexam ac multiplicem eorum comitiorum rationẽ maiores nostri sapientissimi atq; optimi homines esse uoluerunt, ne ciuium multitudo omnino expers esset poteſtatis ducis creandi. Nam primi ordinis electores sorte fiunt, quæ omnibus ciuibz par est. Post eum ordinem miscuere sorti electionem, ita tamen, ut electio sorti antecelleret. Nulli nanque fauere potest, nisi iudicio prioris ordinis fuerit comprobatus. At in postremo ordine nihil sortis esse siuerunt. Non enim putauere omnes qui principem electuri essent sortiu temeritati esse committendos. Ideoq; neq; multitudo expers omnino est huiusce authoritatis, neq; etiam omnino ius hoc tributũ est multitudini imperitiæ, apud quã plerunq; inanis quædam aura plus potest, quàm optimorum ac sapientissimorum hominum iudicium. Præterea cum nulli certi sint principis electores, sed res omnis ex eorum sententia pendeat qui sortis beneficio usi sint, nullus ambitioni est locus. Nam fieri facile potest ut ij nullum habituri sint ius, quos tu egregie ambieris. Nunc ad rem redeo. Peracta tandem ratione

Quadragesima quinque rediguntur ad undecim. Quadragesima & unus ciues ab undecim deligitur, qui potestatem habent eligendi principis.

comitiōrum, cum iam creati fuerint quadraginta ac unus uiri principis electores, statim omnes, nullo interea ciuium salutato, nedum compellato, conueniunt in eam curiam in qua cogi senatus solet. Ibi primū omnium sanctē ac piē diuina mysteria celebrātur uniuersi; tactis altaribus iureiurando deo optimo atque reipublicæ pollicentur, eum sese ducem electuros, quē sanctitate, in patriam charitate, solertia, ac prudentia a dijs præstantiorem esse duxerint. Amotis deinde sacerdotibus soli in curia concluduntur, neq; famulo, neque copiam alio ministro adscito. Tunc tres qui cæteris ætate antecesserint, ueluti præfecti resident ad paratam quandam mensam ad hoc munus, in qua urna quædam est constituta, ac unusquisq; elector notat in syngrapha nomen eius quem ducem pronunciet, ac notatam syngrapham in urnam iacit. Iniectis omnium syngraphis, una educitur, quæ sorte uenerit in manū extrahentis. Lecta à præfectis syngrapha, is cuius nomen exierit, si præsens fuerit (ut plerunque contingit) continuò egreditur curiam. tunc si quis eorū existimauerit eum ciuem parū idoneum qui tam magnā dignitatem sustineat, aut ob quampiam aliam causam non fore è reipublica eum ducem esse, consurgit, ac primò modestè præfatus, ingenuè profert quid nam de eo ciue sentiat, & quamobrem putet non esse in rē patriæ eum ducem fieri. Cum finem is fecerit, præfecti nūcupatū adhibent, ac strictim à seniore ei omnia repetuntur quæ ei obiecta fuerint, suppresso authore. Nam sacramēto omnes se antea perpetuo obstrin-

gere silentio. Refellit ille obiecta ut libuerit, deinde iterum recedit e curia. Quod si prior aut alius quispiam nouis rationibus adhuc arguere atq; hominem accusare uelit, potestatem habet. nouis criminationibus rursus accersitus ille respondet: sicq; uicissim res tractatur, donec accusatoribus nihil amplius reliquū sit, tum demum in suffragia itur. Ante hæc tempora si is uiginti quinque suffragia tulisset, nulla amplius aliorum ratio habebatur, sed statim ille dux renunciabatur. Nostra tēpestas in comitijs quibus Andreas Grittus amplissimus senator creatus est dux, hæc ratio est immutata. Nam licet nullus electus princeps habeatur nisi suffragia uiginti quinque tulerit, nihilominus nō sistunt in eo qui primus eum numerum suffragiorum expleuerit, ut antea fieri solebat, sed progrediuntur ad alios: ut si quispiam eum numerum suffragiorum excefferit, non prior, sed hic dux renunciatur. Postquam itum est in suffragia pro primo cuius nomē exierat, alia item syngrapha ex urna educitur, ac omnia pari passu procedunt, quæ in priori seruata sunt. Sic in tertio, quarto, ac omnibus deinceps. Quod si nullus ad eam summam suffragiorum peruenerit, nisi hora diei fuerit intempestiua, iterum eadem ratione comitia repetuntur. Ac ut paucis res omnis expediatur, inde electoribus exire minimè licet. neque etiam ullam copiam habent conueniendi alloquendiq; extraneum quempiam, donec uiginti quinque eorum conuenerint in principe eligendo: quo renunciato cōfestim in curiam cōsiliarij uocantur. Si omnium primi nouū

Andreas
Grittus.

Non qui pri-
mus 25. suf-
fragia tulerit,
dux creatur,
sed qui
excefferit,

Noui numi
euduntur.

Suggestus
ex Porphy
riide.

Dux ad po
pulum ora
tionem ha
bet.

ducem salutant, ac uenerantur. post id fama per urbē
uagatur. ubiq; discurritur. ciues gaudentes conspici-
as. omnes supplices à deo opt. maxi. petunt ut reipub.
fœlix faustumq; id sit. Familiares ac consanguinei du-
cis in curiam properant: admissi nouo duci gratulan-
tur. Eodem uestigio temporis noui numi euduntur cū
facie atq; nomine principis. parantur cuncta quibus
ad pompam opus est. Interea dux, electorēsq; omnes
ibidem opperiuntur. Instructis omnibus descendunt ē
curia, ac adeunt ad eum diui Marci, ei loco propinquā,
augustum sanē templum, magnisq; opibus ornatum.
Deum opt. primò uenerantur, ac suggestū ex Porphy-
riide lapide confectum ascendūt uniuerſi. Senior ele-
ctor uerba ad populum facit, denunciat creationē no-
ui ducis, eūque modestē laudat. Post illū item dux ora-
tionem habet: ac pauca de se pudenter præfatus, ser-
uaturum se pollicetur cuncta quæ bonum principem
deceant, bonoq; reipublicæ, nullius priuati commodi
habita ratione, consulturum, ac in primis iustitiam
culturum, daturūque operam ut æquum ius omnibus
sit: non rei familiari, non labori ulli, non uitæ deniq;
parciturum, si reipub. usui suis incommodis prospici
possit. Demum deum optimum diuum Marcum, sub cu-
ius numine Veneta ciuitas est, atque diuos omnes pre-
catur, ut sibi faueat, adspirent leti in tam magni mu-
neris functione. Verba ducis uniuerſus populus plau-
su excipit. Postquā dux perorauit, descendunt omnes
ex eo suggestu, ac ducem ante aram maximam templi
statuunt. Ibi tactis euangelij, iureiurando dijs im-

mortalibus ac reipublicæ fidem suam adstringit princeps, se nihil eorum omissurum quæ legibus præstare teneatur dux Venetus. His actis electores qui eatenus cum duce perstiterunt, discedunt omnes: at ipse pulpitem ligneum ascendit, adscito consanguineo quopiam in primis charo. Nautæ qui in precio habentur, pulpitem humeris attollunt, ac magno plausu deferunt insidentem ducem per forum totum diui Marci. Dux ex pulpito pecuniam suo nomine excusam iacit. Summa nulla certa statuta est, sed pensatur rei familiaris copia, angustiaque, ac noui ducis liberalitate. iamque plebs studiosè colligit. Tandem circumacto foro, cum ad scalas ædium principis publicarum uentum est, pulpitem sistunt. princeps descendit. Mos uerò inualuit, ut uestes quibus dux indutus est, ac uas argenteum in quo congesta fuerat pecunia effundenda populo, nautis qui pulpitem humeris sublatum gestauerunt, dono concedantur. Dux scalis ascensis excipitur à consiliarijs qui ibidem opperiebantur, ac coronatur capitio quod suprà diximus esse principis insigne. Hæc series est totius pompæ. Postridie senatu in curiam coacto dux orationem habet: deo ac patribus gratias agit quòd ad id honoris euectus sit: simulque operam suam pollicetur nulli Reip. commodo defuturam. Eiusdem rei modi orationem habet coram ciuib. uniuersis primis statim comitijs quæ post se creatum ducem fiant. Hactenus sit dictum de principe seu duce nostræ rei publicæ. Illud proximum est, ut de consiliarijs pauca quedam perstringamus, quæ tamen satis exploratam

Nautæ ducem in pulpito sedentem per forum deferunt.

Vestis principis ac argenteum uas sit gestatorum.

Dux a consiliarijs coronatur capitio.

Consiliarij
sex.
In sex regio-
nes Venetiar
diuisæ.

Consiliario-
rum magi-
stratus octi-
mensis.

Præcon-
sultores.

faciant omnem illius magistratus auctoritatem. Adsi-
dent principi, quod etiam suprà monuimus, consilia-
rij sex, singuli inquam ex unaquaq; urbis regione. In
sex etenim regiones uniuersa ciuitas diuisa est. Harū
tres sunt citra magnū riuum, q̄ mediam urbem diuidit,
tres uerò ultra. Ex unaquaque igitur urbis regione
cōsiliarius unus eligitur, ea ratione comitiorum qua
omnes magistratus creari superius satis abunde ex-
plicauimus. Octimestris hic magistratus est: simūlq; cū
principe omnium rerum quæ ad rempublicam spectāt,
curam habet. Verū ueteri admodum instituto comi-
tiorum ratio uniuersa consiliarijs potissimū incum-
bit. Siqua etiam de re ad magnum consilium referen-
dum sit, ac eius auctoritate quidpiam sit sanciedū, res
tota decernitur consiliarijs referentibus, ut qui soli
id iuris obtineant. His tamen interdum adiunguntur
præfecti quadraginta uirū: quibus tamen solis refe-
rendi ius non esset. Nulli præterea magistratui con-
cessa est ea potestas. ducem semper excipio. Possunt
etiam, si eis libeat, et ad senatū, et ad decemuiros refer-
re de re omni. Cæterū præconsultoribus ea præci-
puè cura demandata est, ut & senatum cogant, & ad
senatum referant: quemadmodum officium est decemui-
rū præfectorum & decemuiros cogendi, & ad eos
referendi: de quibus à nobis infrà tractabitur. At
consiliarij præditi sunt ampliori auctoritate, utpote
qui in senatu par ius habeant cum præconsultoribus,
& in collegio decemuirū cum illius collegij præfe-
ctis octo mensibus duci assident, eoq; munere fungun-

tur quod iam explicui. Quatuor uerò menses inter-
sunt: quin potius præfecti sunt quadraginta uiris qui
bus capitis grauiore cause sunt demandatæ eîsq; de
cernentibus iudicantur. suo quoq; loco de hisce dice-
tur. Nunc postquam de magno consilio quod popula-
rem statum in hac republica refert, ut de principe,
qui regiam personam gerit, si non eleganter satis,
tamen diligenter tractatum est: institutum opus po-
scere uidetur ut de reliquis partibus huiusce guberna-
tionis referamus, quæ optimatum regimen repræsen-
tant. Huiusmodi nanq; gubernatio in Veneta ciuitate
cæteris facile præstat, quam sequenti uolumine totam
deo bene iuuante explicabimus.

DE MAGISTRATIB. ET REP.

VENETORVM LIB. III.



M N I S hominum institutio, ni
præpostera futura sit, naturam opti-
mam rerum omnium parentem imi-
tari debet: quæ cum ita totius mundi
ordinem disposuerit, ut res sensus
intellectusq; expertes, ab his quæ mē-
te prædita sunt, gubernentur, ac in omnium civili hoc
coctu, quam ciuitatem appellamus, seniores iunioribus
prudencia antecellant, utpote qui neque perturbatio-
nibus animi ita obnoxij sint ut iuuenes, rerumque plu-
rimarum, quas in longiori uita experti sunt, peritio-

Senes præficiendi sum-
ma rerum.

Senatus no-
men unde.

Senatu qua-
si uinciuntur
princeps &
popularis
status.

res existant: ideo (quod Aristoteles in Politicis ait) in unaquaque republica quæ naturæ solertiam et sapi-
tiam æmulari uoluerit, senes præficiendi sunt summæ rerum: iuuenum uerò officiū esse debet ea facere quæ-
cunque senes iusserint. Neque, quando hoc institutum maxime secundum naturam est, seniorum imperium iu-
niores detrectare possunt, aut seditionem ob hanc rem ullam concitare, quoniam in discrimine hoc quod ætas facit, nullus inuidiæ locus est, nullaque querela esse po-
test: quandoquidem iuniores certò sperant sibi à mino-
ribus uicem repensum iri. Quamobrem in rebus publi-
cis omnibus quæ alicuius nominis unquam fuerūt, gu-
bernationi ciuitatis, rerumque omnium publicarum
seniorum consilium præfectum est, quem senatum à se-
nioribus etiam nominarunt. Hac in parte adducerem instituta Romanorum, Atheniensium, ac reip. Cartha-
ginensium, et Lacedæmoniorum, nec non plurimarum ciuitatum leges, ni res notior esset, quàm ut ullius te-
stimonio comprobari egeat. Pari igitur ratione in no-
stra quoque republica institutus fuit senatus, de quo à nobis deinceps dicendum est. Senatus, ac decemui-
ri in Veneta ciuitate, cuius rempublicam mixtā esse dixi ex regio, populari, et optimatiū statu, referūt statū opti-
matiū, ac media quædā sunt quibus extremæ partes sta-
tus scilicet popularis, id est magnū consilium, ac prin-
ceps, qui regis personā gerit, inuicem uinciuntur. Sic inquit Plato in Timæo extrema elementa terram ac i-
gnem medijs elementis uinciri sic in *δια μέσων* conso-
nātia extremæ uoces medijs *διὰ μέσων* ac *διὰ μέσων*

uocibus inuicem neſtuntur . Vt ergo cœptum iter
 pergamus, Senatus Venetus centum ac uiginti legiti-
 mos ſenatores habet. Multi tamen præterea magiſtra-
 tus obtinent ius ſenatorium, adeò ut noſtra tempeſtate
 ducenti ac uiginti. & amplius ius habeant ferendi ſuf-
 fragium in ſenatu. Senatores legitimi ſingulis quibus
 que annis creantur ab uniuerſo ciuium cœtu, quẽ ma-
 gnum conſilium nominari ſuperius ſæpe repetitum ẽ.
 Nec tamen hic honos uacationem ullam habet, quemad-
 modum alij magiſtratus omnes: ſed idem, ſi ita ſors tu-
 lerit, ac magno conſilio libuerit, quod plerunq; fit, ſin-
 gulis quibuſque annis in eo munere uerſari queunt.
 Modus ac ratio electionis ſuprà à nobis expoſita eſt
 cum explicuiſſus formam omnem comiciorum. Eo igitur
 pacto Auguſto ac Septembri mēſe ſingulis comi-
 tijs ſex ſenatores eliguntur: quæ decies repetita, ſum-
 mam ſexaginta electorum explet . Sexaginta reliqui
 adiuncti ſeu adſcripti prioribus ſunt: omneſq; hi ſimul
 proprijs quibuſdam comitijs eliguntur. Nam ad ter-
 tium Calendas Octobris cogitur Senatus, ac unusquiſ-
 que ſenatorum, & quiuiſ alius cui ſuffragij ius eſt, in
 ſenatu unum ciuem nuncupat. Poſtridie uerò illius di-
 ei mane ad horam diei tertiam conueniunt uniuerſi ci-
 ues in comitio, perlectiſq; à Scriba magno omnium ci-
 uium nominibus quos pridie Senatores nominauerint
 coniecta in urnam omnium nomina ſorte educuntur,
 ac in ſuffragia pro unoquoque itur. Ex omnibus hiſ
 ſexaginta, qui plura ſuffragia tulerint quàm ceteri,
 dummodo etiam dimidia exceſſerint, adſcripti ſenatui

Senatores le-
 gitimi, 120.

Nihil prohi-
 bet Senato-
 ri prorogari
 magiſtratu.

Electis, 60.
 Senatoribus
 alii, 60. ad-
 ſcribuntur.

Adſcripto-
 rum electio

Non permit-
tendum ut in
ciuitate pars
aliqua cæte-
ris præuale-
at.

sunt eo anno, ea tamen lege, ne plures quàm duo gen-
tiles in eorū numero sint. Sic quoq; tres tantum eius-
dem gentis esse queunt in numero legitimorum Sena-
torum, præterea nullus. Qua lege optimè consultum
fuisse Reip. existimari debet. Nam nulla perniciosior
pestis in Rempublicam obrepserit, quàm si quæpiam
eius pars cæteris præualuerit. Sic nāq; quoniā æquū
ius non seruatur, impossibile est societatem inter ci-
ues consistere. Quod usu euenire solet ubicunq; plu-
ra in unum conueniunt. Sic soluitur mixtum, si quod
piam elementorum ex quibus constat, alia superaue-
rit. Sic omnis consonantia dissonans fit, si fidem seu
uocem unam plus intenderis quàm par sit. Non dispa-
ri rōne si ciuitatem aut Rempublicam constare uolue-
ris, necesse est id in primis seruari, ne qua pars alijs
efficiatur potentior, sed omnes, quoad fieri possit, par
ticipes sint publicæ potestatis. Quocirca perquā egre-
giè maiores nostri sancitum esse uoluere perpetuum
hoc ius in Republica nostra, non tantum in Senatu,
sed neque in alijs magistratibus pluribus gentilibus
locum esse, quàm ad seruandam æqualitatem opus esse
uideatur. Nec minus prudens institutio eligendi Se-
natus habenda est, ut scilicet sexaginta Senatores mo-
re comitiorum solito, sorte inquam electioni ac iudi-
cio admixta eligerentur. Sexaginta uerò Adiuncti rā-
tione diuersa, in qua scilicet nihil esset sortis. Etenim
si in omnibus semper sorti locus esset, facile accidere
posset ut aliquando præcipuorum ciuium ratio non
haberetur, atq; in eligendo Senatu præterirentur, nō
sine

Nō in omni
bus forti lo-
cus.

sine Reip. detrimento. Idcirco sexaginta Adscriptos patres nulla sorte singulis tamen annis eligi placuit. Senatus igitur primum ex hisce centum ac uiginti constat, quorum sexaginta proprio uocabulo Senatores appellantur: at reliqui Adiuncti, quorum comitijs intergra dies consumitur. Præter hos centum & uiginti legitimos senatores pari iure cum senatoribus ueniunt in senatum (ut ducem & consiliarios præteream) decem uiri, quadraginta uiri, iudices capitalium causarum, & criminum grauiorum: salis, annonæ frumentariæ præfecti, diui Marci procuratores, multiq; præterea magistratus: adeo ut nostris temporibus summa omnium ducentos ac uiginti excedat. hi iure Senatorum funguntur. Vniuersa gubernandæ Reip. ratio pertinet ad Senatū. Quicquid authoritate Senatus decretum fuerit, id sanctum ac ratum habetur. Eo disceptante ac decernente & paces fiunt, & bella suscipiuntur. Pecunia etiam omnis Reip. eius iussu exigitur & impenditur. Si res postulat, noua etiam tributa & decime ex decreto Senatus tum imponuntur ciuibus, tum etiam exiguntur à ciuibus. Si quando etiam contingat consensum Reip. esse ut nouus quispiam magistratus pro tempore instituat, is à senatu eligitur. Præterea Senatus quibuscunque temporibus obtinuit perpetuum ius eligendi oratores qui ad principes externos à Rep. destinantur: necnon etiam creandi collegium eorū qui ius habent & cogendi Senatum, & ad senatum referendi. Hos Aristoteles præconsultores nominat, nostrates homines sapientes uocant, arrogantiori uoca-

Senatores,
Adiuncti.

Qui senatori
iure fun-
gantur.

Senatorum
munera.

Præconsultores, qui sapientes dicuntur.

bulo usi, quo interdum nobis quoque utendum esse du-
 cimus, ne à communi loquendi usu penitus abhorrere
 uideamur. Comitìa tamen hæc senatus quibus & ora-
 tores & præconsultores eliguntur, minus habent for-
 tis quàm ea quæ suprà descripsi, magni scilicet consi-
 lij, uniuersiq; cœtus ciuium. Vnusquisque enim Sena-
 torum nominat quem uoluerit, deinde pro singulis in-
 suffragia itur: ac is cui plura contigerint quàm reli-
 quis, dummodo dimidium totius summæ excedant, ele-
 ctus renunciatur. Quòd si quandoq; necessitas & usus
 Reip. poposcerit ut inuito cuiuspiam munus aliquod pu-
 blicum iniungatur, unusquisq; senatorum clam in syn-
 grapha eius nomen notat, quem maximè idoneum du-
 xerit, deinde in urnam ad id paratam schedulam eam
 iacit, inde extrahuntur à scriba, palamq; leguntur oēs,
 & demum pro quolibet in suffragia itur, isq; pronun-
 ciatur electus, cui plures suffragati fuerint, dummodo
 sint etiam plures dimidijs. Hic schedularum modus in-
 uentus est, ne quispiam ueritus inimicitias siue odium
 sibi alterius ciuis comparare, qui maximè aptus sit ei
 muneri fungendo, nolit tamen, absteineat ab eo nomina-
 do, sicq; priuati commodi gratia, publica res detrimen-
 to afficiatur. Nunc is est à nobis modus recensendus,
 quo senatus consulatur, eaq; decernat & sanciat quæ
 facienda sunt, aut quonam modo Senatusconsulta fie-
 ri consuerint. Non latuit maiores nostros, si unusquis-
 que Senator promiscuè tum referre ad Senatum, tum
 sententiam dicere posset, atq; hoc officium proprium
 nullius esset, magnam semper in Senatu turbationem

Quo modo
 inuito mu-
 nus publicū
 iniungatur.

Senatuscon-
 sulta qui fi-
 ant.

fore. Præterea ita usu compertum esse, ut id quod omnes pariter curant, omnes etiam pariter negligant. Ideo legibus nostris statutum est, ut à Senatu sedecim ciues eligantur, quos uulgus, propterea q̃ maximè omnium sapere uideantur, sapientes appellat: nos Aristotelem imitati, eo q̃ præconsultant illa de quibus cōsulendus est Senatus, Præconsultores iure merito appellare possumus. Hi ius habent & cogendi Senatū, & ad senatam referendi. Magistratus hic semestris est. Ceterum hi sapientes in tres sunt ordines distributi, qui longissimo interuallo inter se differunt. In primo ordine sex sunt senatores primarij ciues, qui cum rerum experientia, tum dignitate atq; existimatione alijs facile præstant. His præcipue id munus incumbit, ut de administranda republica, de bello ac pace, atque huiusmodi alijs maioribus negocijs præconsultent atque Senatum consulant. In secundo ordine quinque sunt ciues, qui tametsi parē auctoritatem habeant referendi ad Senatum de omnibus cum his qui sunt primi ordinis, nihilominus sunt dignitate atque existimatione longè superioribus inferiores. Officium horum præcipuum est cura militum qui stipendio Reip. aluntur, & merent sub Veneto imperatore. Tertij quoque ordinis quinque sunt: his demandata est cura rei maritimæ, neque præterea de quapiam re ius habent ad Senatum referendi. Hic ordo apud maiores nostros in præcio habebatur: quo tempore apud Venetos res maritimæ florebant. Verum re maritima diminuta, ac nostrorum studijs at

Sapientes

Sapientes in tres ordines distributi.

Primus ordo.

Secundus ordo.

Tertius ordo.

imperium continens conuersis, cœpit hic magistratus quoque in paruo precio haberi, adeò ut etate nostra adolescentes & primæ lanuginis iuuenes ad eum ordinem eligantur. Hi ergo ciues sedecim, quorum cōuentus Collegium proprio uocabulo appellari apud Venetos consuevit, summo mane conueniunt cum principe ac consiliarijs: primumq; ad tertiam usque diei horam priuatos homines audiunt, quibus aliquid rei est aut cum Rep. aut cum quopiam magistratum, easq; causas omnes decernunt simul: uel, si ita res poscere uideatur, ad Senatum de illis referunt. Sub tertiam diei horam dimittuntur è curia priuati omnes: ac constitim leguntur à scribarum aliquo qui à secretis Reip. sit, omnes epistolæ ad Senatum missæ: postmodum, nisi interpellentur ab oratore cuiuspiam principis, qui admitti ad ducem & Collegium uelit, aut à quopiam negotio maioris momenti, quàm ut differri ad aliud tempus possit: secedunt hi sapientes, siue præconsultores hi in certum conclaue, consultaturi de publicis negotijs: quò posteaquam conuentum est, ac omnes confederint, is qui præfectus est (nam per ulces eorum quisque septenis diebus præ cæteris agendorum curam habet) rem proponit de qua sit consilium ineundum: deinde singulos sententiam rogat, eo seruato ordine, ut primæ clasfis præconsultores primarij ciues, primi etiam sententiam rogentur ac dicant: post eos quinque illi quos in secundo ordine constituimus. Postremi, si res proposita maritima fuerit, sententiam dicunt tertie clasfis præcōsultores, quibus præcipue res ma-

ritimæ curæ sunt. Quòd si res quæ in consultationem uenit, non spectet ad rem maritimam, postremi hi silēt. In unaquaque uerò classe primus sententiam dicit, qui septē diebus proximis præfuit: deinde maximè senex, deinceps alij prout ætate præstiterint: postremus omnium, qui alios rogat, ac rem deliberandam proposuit, is uidelicet qui per eos septem dies præfectus fuerit. Re inter hos propè discussa ac deliberata, siue omnes in eandem sententiam conuenerint, siue in duas aut tres diuisi fuerint, prout diuersa sunt ingenia hominum, principem ac consiliarios conueniunt priusquam Senatum cogant: ibiq; omnium sententiæ recitantur. Ac si princeps aut consiliarius quispiam præconsultorum sententiæ adherere uoluerint, suaq; auctoritate fauere, uel nouam inuenerint: re iterum inter eos tractata, tandem omnium sententiæ scriptis mandantur. Id munus est Scribarum qui sunt à secretis Senatus. Sic negocijs quæ decernuntur auctoritate Senatus, consultatis, Senatum cogunt. Cum Senatores in curiam conuenerint, primùm recitantur literæ oēs quæ alicuius momenti sunt, ac redditæ principi atque præconsultoribus fuerint post dimissum proximum Senatum. Post id in rebus hisce quæ à collegio sapientum seu præconsultorum deliberatæ fuerint, omnium sententiæ leguntur, siue concordēs sint, siue dissident, eodem ferè pacto quo Plato innuit Apud Athenienses rogationes populi fieri solitas fuisse. Nullus uerò præter eos quos sapientes uocari à Venetis admonui, ad Senatum referendi ius habet, suamque sententiam

Rogationes
populi apud
Athenienses.

auctoritate illius ordinis confirmandi, ac sancienti.
 Semper ducem excipio, & consiliarios, necnon qua-
 draginta uirum praefectos, de quibus infra dicetur.
 Lectis Senatui sententijs omnium, praefectus collegij,
 si uoluerit, surgit: sin minus, maxime senex, aut is cui
 dicere uolenti alij concesserint: ac elatiori suggestu ad
 id munus facto inscens, super re proposita uerba ad
 senatum facit, atque adducit rationes omnes quibus
 suam sententiam adstruat, dissidentibusq; refellat, mo-
 deste tamen & grauitate, ut Senatorij ordinis uirum
 decet. Postquam is perorauerit, surgit praefensor
 alius, is inquam qui à priori dissentiat: suam ipse quo-
 que sententiam confirmat, priorem uero confutat, ac
 etiam si qua alia fuerit praeter priorem, quae à sua di-
 screpet. Surgit deinde tertius, si tot sententiae fuerint,
 eaq; in medium adducit quae secum facere uideantur.
 Sicq; deinceps res inter eos discutitur, quoad nullus
 eorum praeterea sit qui uerba facere uelit. Nulli nan-
 que senatorum locus dicendi datur, quousque omnes
 praefensores, qui id muneris obire uoluerint, finem
 dicendi fecerint. Verum postquam ultro citroq; quan-
 tum libuerit, & orationibus & argumentis hi cōten-
 derint, alijs quoq; Senatoribus datur dicendi facultas:
 ac si quis Senator uelit contradicere cuiquam ex sen-
 tentijs dictis, aut contra quampiam earum adstruere,
 siue etiam nouam asserere, habet dicendi copiam. Non
 tamen Senatorum ullus ius habet referendi ad Sena-
 tum de noua sententia quam ipse inuenerit, ac Sena-
 tui proposuerit. Sed plerumque contingit, si in usu

Nō nisi prae-
 consultores
 finem dicen-
 di fecerint,
 datur dicen-
 di Senatori-
 bus locus.

Reip. fore uideatur consilium eius Senatoris, ut aliquis ex collegio, siue consiliarius, siue quadragintauiurum praefectus, de sententia ea referat. Hoc ergo pacto re bene discussa ac deliberata suffragijs, Senatus uniuersus decernit quamnam sententiam potissimum probet. Non tamen pedibus in sententiam eunt, aut discessionem faciunt (quem morem Romanos seruasse memoriae proditum est) neq; palam sententiam dicunt, sed urnis ac suffragijs rem decernunt, non dissimili ratione ab ea quam seruari in comitijs supra docuimus. Scribae qui sunt à secretis Senatus, ferunt totidem urnas, quot fuerint sententiae de quibus consultitur Senatus. Ac una uiridis, quae eorum suffragia excipiat, qui sententias eas omnes repudiant. Præterea una rubei coloris, in quam iaciunt suffragia Senatores quibus nondum liqueat. Vnusquisque autem Senator suffragiū in eius urnam demittit, cuius sententiā præ alijs probauerit. Si omnes reiiciat, in uiridem urnam. Quod si nondū liqueat, ac dubitet, rubea urna præstō est. Consiliarij suffragia numerant. Id uerò decretum habetur, cui plures quā dimidij Senatores fuerint suffragati. Quod si nulla sententia dimidiū summæ excesserit, primū ea reiicitur cui paucissimi assensi fuerint, ac repetuntur suffragia pro cæteris sententijs: ac parimodo semper postrema reiecta, controuersia ad duas deducitur, quarum altera necesse est ut plura dimidijs suffragia ferat, in quam Senatusconsultum factum fuisse pronuntiatur. Re una expedita refertur de alijs, nisi hora diei fuerit intempestiua: idemq; modus

Veneti pedibus in sententiam non eunt.

Oratores
Principum
excipiun-
tur.

in omnibus seruatur. Sin cuiuspiam principis orator ad Remp. Venetam accesserit, excipitur à principe, cū filiarijs, & uniuerso collegio, ab ijsq; auditur. Deinde tempus consultādi poscunt: atque oratore dimisso, req; à Præconsultoribus eo quem suprà diximus modo deliberata, Senatus consulitur. Princeps primū Senatui narrat quæ orator petierit: dein sententiæ leguntur omnium qui ius habent referendi ad Senatum: pariq; ratione fit senatusconsultum quo petitioni oratoris respondetur: Demum adscito oratore legitur ei Senatus decretum, sicq; dimittitur. Hæc ferè summa est eorum quæ tum ad senatusconsulta, tum ad uniuersam rationem atque ordinem consulendi Senatum pertinere uideantur. Nunc tempus poscere uidetur locusq; hic esse idoneus ut ea de Decemuiris paucis recenseantur, quæ facere ad institutum opus uideri possunt. Hoc collegium decemuirum apud Venetos summæ est authoritatis, & à quo non iniuria quis asserat reipublicæ incolumitatem præstari. Huius origo à nobis est longius repetenda, ut omnis eius magistratus ratio facilius intelligi queat. Diuina quadam animi prudentia maiores nostri perspexere, quemadmodum in corpore humore quopiam putrescente. innumeri ac periculosissimi morbi plerunq; accidunt, qui sæpe etiam interitum adferunt, ita in rebus publicis insurgere interdum improbos ciues, qui negotium reipublicæ facestant, dum potius præuè imperare uolunt, quàm legibus parère, siue adducti ambitione, ac regnādi cupiditate, siue ære alieno grauati, seu etiam

Decemuiri,

scelerum conscij, ac metuentes ne pœnas daturi sint: quales Romæ legimus fuisse Catilinam, Syllam, Marium, ac demum Iulium Cæsarem, qui tyrannide potitus temp. penitus evertit. In Græcorum etiam rebus publicis, alioqui illustribus, nonnullos eiusmodi perditos ciues extitisse memoriæ proditum est. Nostris uerò temporibus compertum omnibus esse potest, omnes ferè ciuitates Italiæ quæ populari statu, aut etiâ optimatum utebantur, tandem in cuiuspiam suorum ciuium tyrannidem deuenisse. Quamobrem omnibus uiribus nitendum maiores nostri statuere, ne pulcherrimè instituta respublica, ac optimis legibus confirmata, quopiam huiusmodi monstro uexaretur. Nihil enim magis metuendum sibi esse duxerunt, quàm intestinum hostem, & ciuium inter se similitatem. Ceterum cū animaduertissent in Lacedæmoniorum rep. Ephoros summæ authoritatis fuisse, Romæq; decemuiros, qui etiam leges condiderunt, operæpretium se quoque facturos crediderūt, si horum exemplum imitati, in dispari tamen causa, magistratum in hac nostra ciuitate instituerent summæ potestatis, cui præcipuè cura esset prouidendi nequa inter ciues discordia oriatur, quæ seditionem faciat nequa factio, aut nequis perniciosus ciuis reip. insidias moliatur. Quòd si quispiam huiusmodi morbus malo fato in ciuitatem furtim obrepere, summam haberet authoritatem in eos animaduertendi, ac procurandi ne resp. quidpiam detrimenti patiatur. Tam magna uerò potestas neque paucissimis committi sine periculo poterat, neque formidolosa si

Decemvira
lis magistra
tus annuus.

Capita decē
uirum,

Ministri de
cemuirum.

Apud decē.

multis cōmitteretur, futura erat. Quocirca ut ab utro
quē incommōdo cauere, instituerunt hoc decemvira
le collegium. Annuum hī magistratum gerūt, eāque
uacationē habent, ut eius qui uel per diem in eo magi
stratu fuerit, non tantum eo anno, sed futuro etiam
eius muneris uacationem habeat, neque fas sit de eo ra
tionem haberi comitijs decēuiralibus. His decemuiris
principem quoque & consiliarios adiungere: ut uni
uersum collegium summam expleret decem ac septem
ciuium, quibus hæc summa potestas tributa sit. Ex de
cemuiris singulis quibusq; mensibus tres dicuntur ab
illis quibus fors obtigerit. hī principes collegij sunt.
materna lingua Capita decemuirum appellari cōsue
uerūt. Hī ius habent cogendi collegium decemuirale,
ac ad illud referēdi. Priuatum cōclauē habent, in quod
quotidie conueniunt. Habent etiā priuatos ministros,
ianitores, apparitores, ac stipatores, adeo ut nullius
magistratus subsellia cum maiori obseruantia adeas.
Adeunt uerō omnes illi quibus cum decemuiris nego
tium est. Literas quoque ad collegiū scriptas hī legūt,
atque de literis ad collegium referunt. Ne tamen teme
re senatus ille consulatur, unus tantum ex his princi
pibus referendi ius nequaquam habet, sed duo sint
opus est, qui referre de eadem re uelint, seu quatuor
consiliarij. Ob eandem etiam causam, ne quid teme
re a paucissimis ciuibz immutari possit, institutum il
lud est, ne si quidpiam quod iam sancitum sit, abroga
re uoluerint, decretum id haberetur, nisi duæ collegij
partes suffragatæ fuissent. Illum quoque morem ob

uiros quo
pacto reorū
causæ agan
tur.

seruant, ne reum, cum de eo iudicium laturi sunt, in collegium admittant, neque cognitorem aut oratorem quempiam qui rei causam agat: quod tamen ius cācesum est reis apud quencunq; alium magistratum causam dixerint. Verum huiusmodi institutum in iudicijs seruant: A principibus collegij reus auditur, eiusque dicta omnia scriptis mandantur. Cum uerò causa ad collegium defertur, ipsi collegij principes, atq; alij iudices qui intersunt, & accusatoris & rei uicē agunt, resque decernitur maxima semper adhibita iudicij moderatione. Initio decemuiro huic tantum rei operā impendebant, ne scilicet reip. ciuiliq; concordie quicquā officeret. Postea uerò grauissima quedam crimina, ac enormia facinora huiusce iudicij seueritati ac censuræ commissa fuerunt, ut ij qui rei facti essent quod numos adulterinos cudisēt, uel quod mascula uenere usi essēt. Sed nostris temporibus decemuirum authoritas latius serpsit. Nā tum multa maximè arcana quæ pertinet ad gubernationem reip. ad decēuiros deferuntur, licet nihil decernant quod maioris momenti sit, nisi è sentētia totius senatus: tum pleræque res pecuniariæ ab his ad ministrantur. Quocirca ne in tot negotijs & tam magnis, paucissimi ciuibus ius esset, accersiti sunt in hoc collegium sapientes primi ac secundi ordinis, Aduocatores, Procuratores sancti Marci, qui magistratus summè uenerāduS est, ac præter hos quindecim senatores adscripti sunt huic collegio, quos etiā Adiunctos uocāt. Vniuersi tamen hi ius suffragij habent, sed præter decē ac septem priores, quindecim his adiuncti, adeo ut

Procurato
res Sancti
Marci.

omnes summam expleant triginta ac duorum. Ceteri hoc iure priuati sunt, quanuis omnibus negotijs inter sint. Adiuncti quindecim neq; à senatu, neq; comitijs magni consilij eligi solebant, sed decemuiri quos mouissent Senatores quindecim collegas sibi adiungere consueuerant. qui tamen neq; gētiles eorum fuissent, neq; arcta necessitudine coniuncti. Nunc uerò Adiuncti hi quindecim comitijs magni consilij eliguntur. Maximam ex decemuirali hoc collegio utilitatē reip. Venetæ extitisse, experientia rerum omnium magistra compertum est. Nam anno abhinc decimo supra ducentessimum Marinus Phaletrus dux qui tyrannidem moliebatur, ac reipub. magnam turbationē allaturus fuerat, continuo decemuirū authoritate ac prudentia oppressus, temeritatis simul atq; sceleris pœnas dedit, disceptantēq; hoc collegio capite mulctatus est cū plerisq; nobilissimis ciuib. qui cum eo in perniciem libertatis Venetæ conspirauerant, perpetuāq; ignominia nota effectus. Eo enim in loco Curia in quo imagines principum omnium depictæ sunt cum elogijs rerum quas optime pro rep. gesserint, Marini Phaletri sedes imagine uacua, uersiculis quibusdam inscripta est, quibus significatur legentibus, eum ducem pro criminibus (ut nihil immutem) securi percussū fuisse. Perniciosissima certē conspiratio, quæ facile perniciem & exitium reip. Venetæ allatura fuerat, nī collegij decemuiralis authoritate statim oppressa fuisset. Nonnulli etiam ciues qui ambitione ducti periculosas quasdam leges promulgauerant, ut auram popula

Marinus
Phaletrus
dux tyrannidem
molitus,

Imagines
principum
in curia
depinguntur,

Marinus
dux securi
percussus.

rem aucuparentur, continuò decemuirum seueritate compresfi, reip. poenas dederunt temeritatis ac immodicæ ambitionis. Qua ratione effectum est deo optimo bene iuante, ut nullus huiusmodi morbus in hac ciuitate nostra iam huius collegij authoritate confirmata inualefcere possit. Iam præcipuæ partes Venetæ reip. à nobis expositæ sunt, quibus uniuerfa ferè gubernatio continetur. Verum ut ex omni parte institutum à nobis opus perfectum sit, de reliquis etiam magistratibus dicemus, à quibus tum iura dicuntur, tum pecuniæ publicæ administrantur: necnon de gubernationibus ciuitatum quæ sub Veneta ditione sunt, ac de classium exercituumq; præfectis. Postremò nonnulla instituta exponam, quibus optimè meo iudicio cautum est, ne populus ac plebs minutior ægrè ferat nullam sibi in hac rep. gubernationis partem esse. Item docebimus nequaquam omisam fuisse, ut plerique existimant, publicam institutionem iuuentutis ad rem bellicam. Verum antequam ueniam ad harum rerum institutionem explicandam non ab re fore existimo, si lectorem admonuero, in ea ratione qua supra dixi senatum consuli solere, necnon collegium decemuirale, perspicuè apparere mixtionem quandam legum popularis status, & reipublicæ optimatium. Nam quòd nihil possit senatus decernere nisi prius à præconsultoribus ad senatum de eo relatum sit, optimatiū status est. Quòd uerò præconsultores nullam habeant potestatem nisi consulant senatum, & eorum sententia confirmata sit senatus authoritate, est utiq; institutum popularis gu-

Propositio
ac diuisio di-
cendorum.

bernationis. Itaq; non tantum in uniuersa hac nostra republica, uerum etiam in quacunq; eius parte qui recte animaduuerit, inueniet hanc quam mixtionem et temperiem, qua recte illæ gubernandi rationes in unā formam atque speciem reip. coaluerint. Sed nostra oratio reuertatur unde digressa est, ac coeptum iter prosequatur. Omnium ergo prima nobis ea pars sit exponenda, quæ pertinet ad ius dicendum. Vniuersum ius quod à magistratibus reddi solet, bifariam diuisum est. Nam uel constitutum est in supplicijs, quæ sumenda sunt de hominibus facinorosis, qui patriam aut ciuem aliquem insigni iniuria affecerint, seu in deos immortales impij extiterint: uel positum in causis forensibus iudicandis. Idcirco duo etiam iudicum genera Venetijs sunt. Horum alterum præficitur causis forensibus, alterum uerò iudicijs rerum capitalium. Primum de iudicibus criminis hominum, mox de forensibus dicemus. Delictorum quædam minutiora habentur uel suapte natura, uel peccantium hominum conditione: nonnulla grauiora, ac maioris momenti, aut genere ipso peccati, aut nobilitate peccantium. Qua de causa duplices quoq; magistratus capitalium rerum sunt instituti. Ad horum alteros grauiores causæ ac insigniora crimina deferuntur. ad alteros leuiora. Hac ergo ratione iudicia uniuersa in rep. Veneta perquam egregie diuisa ac constituta uideri queant. Nos de insignioribus primò. subinde de alijs dicemus. Præter delicta quæ censuræ decemuirum supra diximus commissa esse, grauiora omnia crimina aduocatori-

Iuris diu.
Ro.

Iudiciū duo
genera Ve-
netijs.

Delictorum
cōsideratio.

Capitalium
rerum iudices
duplices

bus referentibus, ac quadraginta virali collegio disceptante decerni solent, ac poena constitui ijs qui in eis deprehensi fuerint, pro criminis qualitate. Quadraginta hi viri qui criminum causis praefecti sunt, criminales uulgò appellari consueuerunt. Aduocatorius magistratus priscis temporibus summæ fuit authoritatis, ac incredibilis existimationis. Præcipuum eius munus est legum custodia, ne aliqua scilicet in partibus officiatur. Quamobrem quisque eorum qui in eo sunt magistratu, potestatem habet intercedendi eam prope quam apud Romanos Tribuni plebis obtinebant. Sed illi ut tuerentur libertatem Romanæ plebis, nostri uerò ut tueantur uim legum: quare non iniuria uocari possent Tribuni legum. Nos tamen ne perspicuitati (cui præcipuè operam damus) ulla in parte officiamus, à cōmuni usitatoque uocabulo non recedemus. Illi ad plebem siue ad pop. Romanum referebant, nostri aduocatores referunt de causis leuioribus ad quadraginta viros, ad senatum de maioribus, ac de maximis: interdum, si ita eis uisum fuerit, referunt ad maius consilium. Quamobrem antiquitus magna erat huius magistratus authoritas. Nunc uero quo decemuirum potestas latius euagata est, eo aduocatorum existimatio est obscurata, atque authoritas imminuta. Ceterum cum is magistratus tam amplam obtineat intercedendi potestatem, ac legum custodia ad eum potissimum pertineat, atque hi qui facinus aliquod perpetrauerint, maximè contra leges fecisse uideantur, præcipuè illustres ciues, quorum interest præter alios reip. conseruandæ operam dare: id

Criminales

Aduocatorius magistratus.

Tribunilegum.

Aduocatorum authoritas imminuta.

Iudiciorum
capitalium
ratio.

Aduocato-
res tres.

Codex pu-
licus.

circo peculiari quodam modo huiusmodi delicta cen-
sura aduocatorum uisa sunt esse corrigenda, licet ipsi
nullam habeant potestatem quippiam contra reos sta-
tuendi, præterquam in paruis quibusdam causis. cæte-
ra omnia de consilij sententia statuuntur. Hoc in lo-
co non ab re futurum duco, si omnes explicuero iudi-
ciorum capitalium rationes, quæ aduocatoribus refe-
rentibus sunt: quandoquidem nullibi. quod sciam mor-
dus is seruari soleat, simulq; ut arbitror, perspicuum
faciemus quamnam authoritatem habeat hic aduoca-
torius magistratus. Cum ergo crimen aliquod ad ad-
uocatores delatum fuerit, si res digna censeatur, eo-
rum censura confestim uel ab omnibus, uel etiam ab
uno tantum (nam tres ei muneri præfæcti sunt) inter-
ceditur, id est reus efficitur ille cuius nomen delatum
sit. deinde ab intercessore refertur de eo crimine ad cõ-
siliũ illud quod maluerit aduocator qui intercesserit:
quamuis plerunq; consulatur quadraginta uirale col-
legium, quod præfæctum est iudicijs capitalium crimi-
num, ibiq; causa recitata, de consilij sententia decerni-
tur an reus sit in carcerem conijciendus, & quæstioni
adhibendus, an potius causam solutus dicere debeat.
Post id iuxta decretũ consilij accersitur reus, uel clàm
capitur ab apparitoribus aduocatorij magistratus;
ibiq; siue solutus siue in uinculis de crimine eo roga-
tur, respõdet, testes utrinque citantur, omnia scriptis
mandantur, siue cum reo faciant, siue contra reum.
Hac ratione tota causa in codicem publicum relata,
omniũ quæ scriptis mandata sunt, fit copia reo: con-
stitutoq;

stitutoq; tempore quo docere causam queat aduocatos
atque oratores quos sibi adhibuerit, ac illi possint
omnis animaduertere quæ reo patrocinentur, nec non
etiam cogitare quo pacto obiectū crimen, testimoniaq;
reo aduersantia diluere possint: tandem causa incipit
agitari. In hac parte non est reticendus mos maiorum
ad nostra usque tempora perductus. Si fortè quispiā
reus factus tam tenui re familiari fuerit, ut sumptum
facere nequeat in conducendis aduocatis qui partes
suas tueatur, duo oratores qui conducti stipēdio reip.
causas erarij defendūt, suscipiunt partes illius rei in-
opis tuendas. Sic nanque lege cautum est, ne ullus indi-
cta causa puniatur. Postquam uerò satisfactū reo fuis-
se uidetur, ne ad sui defensionem quippiam amplius ei
desiderandum fuerit, aduocatores consilium indicunt,
ac diem reo constituunt quo causam dicturus sit. Con-
silio coacto, magistratus hic aduocatorius uice accusa-
toris fungitur: eosq; qui in eo sunt magistratu, maxi-
mè decet ut accusatores acerrimos agant, qualis (dum
modo id assequi queant) fuit Cicero in Verrem, aut in
Marcum Antonium, dummodo maledicentiæ illi par-
cant, neque extra causam maledicendo uagentur. Nā
is qui maledictis indulget, potius inimici & prauī ho-
minis officium facere, quàm Reip. causam agere uide-
retur. Hac enim parte apud Venetos longè secus res
habet, quàm apud Romanos. Olim Romæ quiuīs ciuis
alteri diem dicere poterat, eumq; quam acerrimè accu-
sabat apud iudices. Venetijs uerò nullius priuatus mu-
nus hoc obire potest, sed aduocatorij magistratus ex

Inopum cau-
sæ quomodo
defendan-
tur.

Nullus indi-
cta causa pu-
nitur.

Conuictijs
parcitur, ne
que extra
causam ex-
curritur.

Accusare so-
li advocato-
res possunt.

Reip. lege officium illud est. Quae in re magis naturā rerum imitati, sapientiusq; concordiae ciuium consuluisse maiores nostri uideri solēt, quā Romani. Nam quoniam qui facinus aliquod perpetravit, maximē le- sit Rempublicam & leges, ac ideo præcipuē Reip. pœnas dare debet, iure magistratus is qui tuēdis legibus præest, poscere à facinoroso homine pœnas, atq; ad id omni studio eniti debet. Contrā priuati officium est illatas sibi iniurias obliuisci, ac faciliē reo ueniam concedere. Præterea nullus priuatus ciuis potest accusatoris personam sibi sumere absq; maxima inuidia, & incredibili odio eius cui diem dixerit. ex qua re faciliē seditiones oriūtur inter ciues. At à nostris perquam egregiē hoc incommodum euitatum est, uniuerso hoc accusandi munere magistratui demandato, qui nō priuata simultate ductus, sed ex legis instituto id agat. Quo effectum est, ut nunquam ferē auditum sit aduocatori cuiquam uitio datum esse quod uehementius in reum sit inuectus, aut quod nimis acrem accusatorem se gesserit: immò qui acriter in hoc officio uersatur, magnam sibi laudem comparat apud uniuersos ciues. Sed ad inceptam iudiciorum rationem redeo. Agit ergo coactō consilio aduocatus partes accusatoris, orationemq; in reum habet acerrimam. crimina & facinora obijcit primū, deinde testibus obiecta confirmat, ac uerisimilibus coniecturis adstruit. Postquam finem dicendi fecerit, agitur causa rei ab eo patrono. quem reus sibi adsciuerit: dein antequam iudices sententias rogentur, si aduocatorum quispiam in reum

Accusandi
ratio.

dicere uoluerit, locum habet dicendi. ita etiam aduoca-
 ti rei facultatem habent respondendi, & obiecta cri-
 mina diluendi: eaq; ratione causa utrinque agitur,
 donec alter eorum, siue reus, siue aduocatorius ma-
 gistratus cui dicendi locus incumbit, se amplius dice-
 re nolle pronunciauerit. Perorata causa reus eiusq;
 patroni discedunt è curia iudicum. cum iudicibus in
 conclauis clauduntur aduocatores, ac eorum scribæ,
 præterea nullus. Aduocatores primum ad iudices re-
 ferunt de puniendo reo, ac sententias rogant, an pu-
 niendus esse uideatur, nulla tamen adhuc certa consti-
 tuta multa. Quem morem ferè Athenienses serua-
 bant. Athenis nanque iudices duplices sententias fe-
 rebant, primas an absoluerent, uel condemnarent reū:
 secundis deinde, si prioribus condemnatus fuerat, pœ-
 na constituebatur: ut ex Apologia Socratis apud Pla-
 tonem perspicuè intueri licet. Consimili iudiciorum
 ordine, ac propè pari nos utimur ratione. Refertur
 igitur primum ab aduocatoribus de condemnando
 reo. Iudices in suffragia eunt (omnia nanque consi-
 lia apud Venetos suffragijs res omnes decernūt) tres
 urnæ deferuntur, quarum una reus damnatur, altera
 penitus absoluitur ab omni multa, tertia colligun-
 tur eorum suffragia quibus nondum liquet utrum sit
 statuendum. Prima urna, qua damnatur reus, albi
 coloris est: secunda, qua absoluitur, uiridis: ter-
 tia, rubei. Vnusquisque igitur iudicum, siue causa
 agatur disceptantibus quadraginta uiris, ut plerūq;
 siue Senatus cōsuletur, quod rarò & in grauioribus

Athenis iu-
 dices senten-
 tias duplices
 ferebant.

Reus damna-
 tur uel ab-
 soluitur, uel
 comperendi
 natur.

causis fieri consuevit, siue ad magnum consilium relatum sit ab aduocatoribus, quod rarissime & in causis grauisimis fieri consuevit, clàm, ne quis uideat, demittit suffragium suum seu pilulam linteam in eam urnam quam maluerit. Postea à præfectis consilij suffragia numerantur. Quòd si plures dimidijs reum absoluerint, confestim reus pronunciatur absolutus fuisse, et aduocatorum rogatio repudiata. Sin plures dimidijs damnauerint, illico pronunciant reum damnatum. Sin uerò neutri dimidium excedant, quoniam multi iudicium sint quibus nondum liqueat, pronunciant reum comperendinatum esse, ac iudices uelle amplius causam discutiti. Si reus absoluitur, nihil amplius negocij habet, ac è uestigio liber dimittitur. Si comperendinatur, iterum statuitur dies iudicibus & reo, qua denuo causa agitur, accusantibus aduocatoribus, ac patronis crimina obiecta diluentibus. Post dictam & peroratam causam suffragia iudicum repetuntur. Quòd si ex numero suffragiorum qui in neutram partem dimidium summæ non excedat, nihil adhuc decretum sit, iterum pronunciant reum comperendinatum, ac tertio consilium indicitur constituta die, qua tertia quoque causa eodem modo repetitur: demum in suffragia itur, nec tum amplius ratio ulla eorum habetur quibus nondum liqueat. Idcirco nisi paria suffragia fuerint, necesse est reum uel damnari, uel absolui. Si absoluitur, iam superius dixi nihil ei amplius negocij esse. Sin uerò pronunciatur damnatus, tum demum decernitur quam pœna sit in eum animaduertendum. De genere pœnæ

Tertio licet
comperendi
nari, & non
amplius.

referunt tum aduocatores, tum præfecti collegio iudicium. Mos tamen est ut aduocatores eam multam proponant quæ pro genere criminis acerbissima uideatur. Huius etenim magistratus officium est, ut ad seueritatem inclinet: alij leuiiores pœnas proponere consueuerunt, nisi crimen fuerit adeò atrox, ut clementiæ nullus sit locus, seu aduocatores leuius egerint quàm eum magistratum deceat. Propositis omnium sententijs, eodem ferme modo decernitur pœna qua reus ille sit afficiendus, quo suprà diximus senatusconsulta fieri solere ubi Præconsultorum sententiæ uariant.

Decernitur
pœna qua
reus sit affi-
ciendus.

Quam rationem si hoc in loco repetere uellem, ac importunè tadio afficere lectorem, iure merito ineptus haberi possem. Hoc tamen dixisse satis est, eam sententiam iudicium pronunciari, quæ reiectis alijs, plura di-
midij suffragia tulerit. Hoc in loco mihi uideor non ab re facturus, si bina instituta annotauero prudentissimè nobis à maioribus nostris tradita. Primum est, qd nullius rei seu iudicij quempiam magistratum, nedū ciuem sine prouocatione iudicem atque arbitrum esse uoluerunt. sed omni in re summum ius atq; arbitrium esse consilij seu collegij tributum. Alterum uerò nō minus utile superiore, quòd noluerunt consilij iudices ore sententias dicere, aut palàm statuere quidnam sentiant, sed clàm suffragijs decernere quod maluerint. Vtrunq; meo iudicio prudentissimè institutum fuit. Nam quòd summa authoritas nulli magistratui concessa sit, rectè se habet. Etenim tum periculosum est paucis ciuibus summam cuiuscunq; rei committi: tum

Cōmendan-
tur instituta
duo.

illud cauetur, ne si fortè re deliberata cesserit male, ciuitas de paucis ciuibus queri possit. Quòd uerò clàm suffragijs decreta ac iudicia fiant, non minore prudentia sancitum est. Nam & iudices liberius iudicant, quàm si palà sententiam dicerent, ubi interdum uel ambitione abducerentur ab æquitate iudicij, uel amici ac benemeriti de se ciuis offensionem uererentur, ac quãdoq; potentioris indignationem extimescerent. Et illud etiam prouisum est, ut quisq; iudicum iudicio suo nitatur, nec ab alterius iudicis autoritate pendeat.

Quod faciliè accidere posset, si ille qui prior sententiam dixisset, prudentissimus ac scientissimus haberetur. Quocirca nec etiam ab excellentissimis philosophis genus hoc iudiciorum omissum est. Sed ad rem redeo. Postquam omnis ratio iudiciorum à nobis exposita est, reuertar ad quadraginta iudices capitaliũ causarum, de quibus dicere institueram. Horum collegium à ciuitate nostra creatum est, ad quod aduocatores referant de causis capitalibus, eoq; deliberante fontes puniuntur. Ideoq; non nisi in causis grauisimis, ubi etiam Reip. intersit in utram partem iudicium cesserit, aduocatores senatum consulũt. Verùm omnes causæ capitales deferuntur ad hoc quadragintauirole collegium, cuius sententia rata est, nullusq; ab ea amplius est prouocationi locus. Gerunt hi magistratum octimestrem, postquam sedecim menses compleuerint in forensibus causis iudicandis. Tria nanque collegia in Veneta Rep. sunt, quorum quodlibet ex quadraginta iudicibus cõstat. duo forensibus causis iudicandis præfecta

Quadrage-
ntauirole col-
legium,

Collegia
tria in Rep.
Veneta,

sunt: tertiū de quo agitur, capitalibus. Hac tamē ratio ne distributa sunt hæc collegia, ut quamprimū octo mēses magistratu functi fuerint capitales hi iudices, ipsi in ordinē redigātur, ac alij quadraginta uiri comitijs magni cōsiliij sufficiātur. Non tamen hi suffecti confestim ad iudicādas capitales causas accedūt, sed collegiū illud quadragintaurale, quod urbanis causis decernēdis octimestri eo tēporis spatio præfectū fuit, subit in locū capitaliū qui defuncti sunt magistratu. His uerō forensibus ac urbanis iudicibus succedunt tertij quadragintauri, qui itē eo octimestri interuallo exterorum causas iudicārūt, ac in horū locum illi nuper suffecti subeunt: sicq; per uices ijdem iudices & de forensibus causis tū urbanis tū exteris, & de capitalibus decernūt, ac totū bienniū in his iudicijs uersantur. Tria hæc iudiciū collegia proprias appellationes habēt. Primum, ad quod exterae causæ deferuntur, nouum nominatur: Secundum, quod urbanis præfectum est, uetus dicitur: Tertium, quod de capite fontium iudicat, criminale à criminibus nuncupatur. Hi quadragintauri criminales nuncupati, præterquam quòd in causis capitalibus summam iudiciorum habent, admittuntur etiam in Senatum, & ius suffragij in eo ordine obtinent. Habent præterea Triumuiros ex suo ordine, qui singulis quibusque binis mensibus sorte educuntur, ac per uices semper adsident duci & consiliarijs, paremque eis authoritatem habent referendi de quacunque re uoluerint ad Senatum, necnon ad magnum consilium, eo tamen modo quem supra tetigi.

Collegium
nouum.
Collegium
uctus.
Collegium
criminale.

Triumuiro.

Nec absq; ratione quadraginta hi iuniores homines Senatoribus, qui plerunq; senes esse solent, commixti sunt, ut scilicet naturalis senum frigiditas, iuuenū calore tēperetur. Non tamen iuniores hi senibus numero pares sunt, sed longè pauciores: tot tamen, ut aliquod caloris uestigium in Senatusconsultis apparere atq; inesse queat. Quod quādoq; in agēdis rebus perquam necessarium est. Necnon etiam senatoria auctoritate quadraginta his uiris cōcessa Reip. administratio, aliqua in parte communicata uideri potest ciuibz inferioris notæ. quales plerunque hi sunt qui quadraginta uiratum gerunt: in quo ordine populari quadam lege usi sunt maiores nostri. Nam tribus his collegijs. Quadraginta uirū singulis quibusq; diebus quibus conueniunt, certum stipendium ex ærario cōstitutum est: ideoq; rarò admodum diuites ciues hunc magistratum petunt: facileq; si petierint, repulsam ferunt. Verū egenis ciuibz, probis tamen hominibus, facilis est accessus ad hāc honorem. Qua ratione tum inopiæ proborum ciuium aliqua in parte consulitur, tum etiā Reipublicæ administratio non tantum diuitibus & insignioribus ciuibz, quod est optimatiū status, & paucorum potentie commissā est: uerū etiam aliqua in parte, mediocri tamen, ciues inferioris ordinis ad Rē publicam accessum habent: qui mos pertinet ad popularem statum. Ex hisce compertum cuilibet esse potest; in omni parte Reip. Venetæ temperationem illam apparere, cui in exordio huius opusculi iampridem diximus maiores nostros plurimum studuisse, ut scili-

cet popularis status ratio, optimatum gubernationi permixta esset, eo tamen temperamento adhibito, ut plures partes optimatum essent. Satis iam à nobis dictum reor tum de aduocatoribus, tum de Quadraginta uiris causarum capitalium iudicibus: qui magistratus sunt instituti ut animaduernerent in crimina insigniora seu genere peccati, seu conditione peccatum. Nunc tempus poscere uidetur, ut pauca quedam perstringamus de nonnullis inferioribus magistratibus qui præsunt coercendis delictis, & malefactis minutioribus & genere ipso peccati, & personæ fortuna. Hi quoq; duplices sunt. Nam quidam ius capitis habent. Vnus uerò omnium minimus de capite iudicium ferre non potest, sed in uilissimos homines, ac in meretrices animaduertunt. Atq; id genus hominum uel uirgis cædi iubet, uel in carcerem conijcit prout quæcunq; peccasse constiterit. Potior uerò magistratus, qui capitis etiam iudicium fert, bipartitus est. Nā non iidem iudices quærunt de crimine, & quæstioni reum adhibent, ac sententiam ferūt: sed priores noctis præfecti totam prius causam reorum agitant, ac scriptis mandant quæ testes dixerint, quæq; uel sponte uel coacti tormentis rei confessi fuerint, demū omnem causam deferunt ad iudices proprietatum. Alter à priori hic est magistratus, atq; hi sententiam ferunt ubi agitur de causa capitis. Quòd si delictum fuerit leuius, ut tantum uirgis cædendus, aut carcere aliquot menses coercendus reus esse uideatur, noctis præfecti totam causam expediunt, neq; quadraginta uirale colle-

Leuiori criminum iudices duplices sunt.

Præfecti noctis.

Iudices proprietatum.

gium consulunt, siue conijcere quempiam in carcerem uoluerint, siue quæstioni adhibere. Quod tamen ius aduocatorius magistratus minimè habet: uerùm opus est ut prius collegium consulat, aut authoritate decreti collegij illius mitatur. Neq; sine magna ratione hoc ita cõstitutum fuisse uidetur. Nam si pro quolibet crimine etiam reis hominibus qui nihili sunt, consilium consulendum esset, incredibile negotium facerent Reipublicæ administrationi: fontibus etiam uiris maior peccandi licentia tributa esset, maiori spe impunitatis proposita. Vt ergo iudicia eiusmodi expeditiora essent, præfecti noctis eã authoritatẽ obtinent quæ aduocatores priuati sunt. Præfecti noctis sex sũt. Sex itẽ in minimo eo magistratu cui ius est in infimos tantũ homines, ac in criminibus leuibus. Capita tribuũ ciuitatis appellantur hi qui eum magistratum gerunt, quoniam ex unaquaque tribu (in sex nanque tota ciuitas diuisa est) tum præfectus noctis, tum caput tribus eius eligitur. Quo more etiam uti solemus in consiliarijs eligendis. quod superius nõ omissum à nobis fuit. Vtriusq; præterea magistratus officium est, ut nocturnas excubias per suas tribus agant alternis noctibus, ac uicissim modò noctis præfectus, modò tribus caput suam tribum circumeant ad gallicinium usque cum publicis stipatoribus ac apparitoribus armatis, ac prouideant ne per nocturnas tenebras, quæ maiorẽ licentiam præstare solent scelestis hominibus, cuiuspiam fiat iniuria, nèue fur clam domũ quãpiam fodiat, aut ne ulus latro per uias graßetur in quenquam. In primis

Præfecti noctis sex.

Capita tribuum.

Excubiæ nocturnæ.

Venetæ urbis originibus uterq; hic magistratus magna erat existimationis: postmodum uerò adiunctis Reip. nouis magistratibus, prout ratio temporum & commoditas exigebat, horum authoritas & dignitas est obscurata, atque summa potestate ad nouos magistratus translata, parua quedam & uiliora negocia ueluti feces in horum subsellijs resedere. Hactenus dixisse sufficiat de magistratibus illis qui capitales causas decernunt: de forensibus in sequenti uolumine dicetur.

DE MAGISTRATIB. ET
REP. VENETORVM,
LIB. IIII,



OS ille in Republica Veneta perpetuus semper fuit, ne quisquam magistratus in maioribus causis summam authoritatem haberet, sed summum illud ius collegiorum seu consiliorum (ut usitatus loquar) esse uoluerunt.

Ideo in forensibus quoq; causis quæ summam quinquaginta numerum aureorum excefferint, nullius magistratus iudicium est, à quo non sit prouocatio ad auditores urbanarum causarum, qui lingua uernacula Veteres appellantur, et ad collegia quadraginta uirum, de quibus supra meminimus. Ac uti perspicue tota hæc ratio in-

Forēses causas.

Veteres.

Auditores
duplices.

Iudices ur-
bani.

diciorum forensium intelligatur, ordiemur ab auditoribus. Hi duplices sunt: recentes inquam, & ueteres. Veteres à uetustate nomen sortiti, quòd hic magistratus apud Venetos multo uetustior sit quàm alter: qui non prius in hanc remp. inductus est. quàm imperium continentis habuerit, multis seculis post urbem conditam. Veteres hi auditores eandem ferè authoritatem obtinent in iudicijs causarum forensium, quæ urbanis iudicibus disceptantibus diiudicantur, quam aduocatores in plerisq; omnibus rebus, siqua in parte uidentur officere legibus, intercedendi inquam. Cum ergo à iudicibus urbanis contra aliquem sententia lata fuerit, licet illi ab eorum iudicio ad auditores prouocare. Causa ad eorum subsellia deducta, ac ultro citroq; agitata ab his inter quos controuersia fuerit, nisi summa excedat quinquaginta numerorum aureorum, ac omnes conuenerint in eandem sententiam, possunt ipsi absq; collegio quadragintauium rem decernere. Quòd si inter se dissenserint, uel eorum unus authoritatem habet intercedendi: causaq; ea agitur apud minimum quoddam collegium, in quo uterque auditorum magistratus, ac tres alij iudices conueniunt, ibiq; minores hæ causæ diiudicantur. Quòd si uniuersa causa eā summam excedebat, ante nostram ætatem non poterat ad collegium quadragintauium res deduci, nisi aliquis auditorum latæ sententiæ à iudicibus intercessisset, ac de ea ad quadragintauiros retulisset. Nostra uerò tempestate lata lex est, qua conceditur illi contra quæ priores iudices sententiam pronunciauerint, ut post tres

exactos menses, quanuis nullus auditorum intercesse-
rit, possit diem aduersario dicere, atq; ad collegiũ pro-
uocare. Qua lege auditorum authoritas est ualde im-
minuta, quanquam eius magistratus iudicium, cum in-
tercedunt, nonnihil ualeat ad causam obtinendam. Nam
neq; tres menses opperiri oportet, eorũq; intercessio
uelut prerogatiua iudicij uidetur esse. Si auditor in-
tercesserit, & prioribus iudicibus diem det, collegiũ
quadragintauiũ aditur. Ante nostram ætatem uter-
que magistratus orabat coram collegio, ac sententiam
uterq; suam tuebatur. Sensim uerò per segnitiam iu-
dicum in desuetudinem abiit ut priores iudices quorũ
sententiæ intercessum fuerit, intersint cum causã agi-
tatur apud quadragintauiros, nedum orẽt, sed die eis
per tabellionem dicto, respõdent ius fieri debere. Mos
uerò ille, ut auditores primũ referrent ad collegium
de causã cui intercessissent, ac orationem haberent, ad
nostra usque tempora deductus est: nunc uerò penitus
intercidit: sed patroni tantũ eorum inter quos con-
trouersia fuerit, hoc munere funguntur, atq; tuentur
causas clientium suorum. Quibus rebus effectum est
ut dignitas auditorij magistratus, quæ olim illustris
erat, nostris temporibus admodum obscurata sit, &
imminuta. Quadraginta hi iudices urbanarum causa-
rum eundem ferè morem seruant in iudicando, quem
diximus seruari solere à iudicibus quadraginta capi-
taliũ causarũ. Hoc tantũ discrimen est, quòd in cau-
sis in quibus agitur de capite & fortunis reorum, nul-
lum est statutum certum tempus orandi: in his uerò ur-

Imminuta
auditorum
authoritas.

Orandi pre-
finitũ tẽpus.

banis litibus præscriptum est temporis intervallum,
 ultra quod orationem protendere non possunt, id est
 hora cum dimidia. cuique oranti tantum temporis cō-
 cessum est. Neque in forensibus his causis iudicandis
 variæ sententiæ referuntur, ut eam collegium eligat
 quam maluerit: quemadmodum fieri solere superius di-
 ctum est in sumendis pœnis à nequâ hominibus, sed tã-
 tum refertur an lata à iudicibus primis sententia con-
 firmanda sit, an potius abroganda. De abrogatione re-
 fert is auditor qui intercesserit. quòd si non fuerit in-
 tercessû, sed sine intercessore causa fuerit ad collegiũ
 deducta, præfecti collegij perorata causa utrinque re-
 ferunt non de abroganda, sed de confirmanda senten-
 tia lata. Iurati iudices omnes eũt in suffragia. tres ur-
 næ item deferuntur. Viridi abrogatur id de quo rela-
 tum fuerit: Candida approbatur: Rubea eis destinata
 est quibus nõdum liqueat, sed uelint causam ampliari:
 nihilque decretũ habetur, nisi plures quàm dimidij ap-
 probauerint, aut abrogauerint. Quòd si tot iudicibus
 nondum liqueat, ac in neutram partem iudicium factũ
 sit, causa pronuntiatur ampliata fuisse ad alteram
 diem, qua eadem ferè repetuntur. Quòd si etiam ea die
 iudicium pendeat, tertiò cogitur collegium, causa re-
 petitur: qua perorata utrinque itur in suffragia, ne-
 que ulla amplius ratio habetur eorum iudicium quibus
 nondum liqueat. Quare nisi suffragia paria fuerint,
 in alteram partem decretum fit, siue de abroganda,
 siue de confirmanda sententia lata. Abrogata senten-
 tia non adimitur auctori potestas, quin de eadẽ re iudi-

cū repetere possit. Nihil enim abrogatione statuitur sed tantum lata sententia antiquatur. Confirmatione uerò & approbatione rata fit sententia quam priores iudices pronunciarunt, neque amplius prouocationi est locus, neque iudicium repeti potest super eadem re, nisi causæ accedat quidpiam noui. Satis hactenus de auditoribus ueteribus dictum: nunc pauca quædam de recētiōribus perstringamus. Hic magistratus in nostra rep. non fuit prius institutus, quàm in continētē aēstuarijs hisce finitimam Venetum imperium extendi cœpit. Ad hos prouocatio est à iudicijs prætorum, aliorumue magistratuum qui extra urbem ius dicunt populis qui uenerunt in nostram societatem. Nā ueteres auditores utrisque, urbanis inquam et exteris causis minimè satisfacere poterant: quamobrem eam etiam appellationem sortitus est, ut nouorum siue recētiū diceretur. Nam post constitutam rempublicam imperium Venetum extendi cœpit in Venetam oram, quæ ad ueteres dominos ueluti quodam postliminio uolēs ac libēs redijt. Etenim, ut in exordio operis ostendimus, nobilissimi quique Venetæ prouinciæ, Barbarorum impetum, & deuastationem totius Italiæ fugientes, se in nostra æstuaria receperunt, ac urbem hanc opulentissimam condidere, cui etiam indiderunt nomen Venetias multitudinis numero, ut significatum posteris esset eò omnium ciuitatum Venetæ regionis nobilitatis florem conuenisse. Igitur cum breui imperium Venetum magnopere creuisset, nequaquam unus auditorum magistratus urbanis & exteris cau-

Auditores
recētiōres.

Venetiarū
nomen.

sis satis esse poterat: idcirco nouus hic institutus, nouumq; quadragintauirole collegium: & prouocatio ab illis qui extra urbem ius dicunt, ad horum subsellia deferretur, atque hoc collegio disceptante omnes eiusmodi causæ decernuntur. Eademq; in omnibus ratio est, parq; modus huius magistratus & collegij, quem modo explicuimus seruari solere ab auditoribus ueteribus & collegio quadragintauirole causarum urbanarum iudice. Illud tantum ius additum est auditoribus recentibus, quod in causis quæ summam quinquaginta numerum aureorum non exceßerint, latam sententiam, à qua adeo sit prouocatum, moderari queunt, ac eius partem (si ita ipsis uideatur) abrogare, partem uero comprobare, dummodo omnes conueniant in eandem sententiam. Quod ea de causa est institutum, ne exteris hominibus & aduenis, quorum præcipue rationem haberi debere summi philosophi prodidere, maius negotium fieret, sed sine magno rei familiaris dispendio exitum litium inuenirent. Hoc iure ueteres priuati sunt, sed necesse eis est ut uel totam sententiam approbent, uel totam rescindant, atq; irritam faciât. Sic in intercedendo parti intercedere possunt hi noui reliquis omis: s: ueteres econtra uel toti intercedunt, uel uniuersam integram dimittunt. Hoc pacto exterorum lites breuiori temporis spatio diiudicantur, quàm causæ urbanae. Quauis patronorum & iurecōsultorum uersutia, quæ nihil contra fas etiam intentatum relinquit, in immensum quæuis lites protrahantur. Quod ubique gentium euenire solet, ubi non temere, sed statuto

Patronorū
& iurecon-
sultorū uer-
tita.

tuto ordine iudicia fiunt. Explicata ferè à nobis est
uniuersa ratio iudiciorum: illud restat, ut paucis per-
stringamus eos magistratus qui primi in causis urba-
nis ius dicunt, à quibus prouocationes fiunt ad uete-
res auditores, & ad collegium quadragintauiorum.
Horum iudicum sex sunt subsellia pro qualitate cau-
sarum ac personarum distributa. Nam uel lites sunt
de mercatura, rebúsq; ad negotiatores spectantibus,
uel de ædibus ac fundis quæ intra æstuaria fuerint,
aut de possessionibus agrisue quæ sunt in terra con-
tinenti, aut de quibusuis alijs contractibus, stipulationi-
bus. Personæ quoq; quæ lites inter se conferunt, aut
sunt ciues, aut exteri, seu ciues cum exteris, uel demum
cum pupillis res habetur: aut agunt. fœminæ uiduæ
apud iudices post obitum mariti de dotibus recuperā-
dis. Ne ergo inter tot diuersorum generum iudicia tur-
batio esset, ac ne aliud alij impedimentum afferret, plu-
ra instituta fuerunt iudicum subsellia, ita ut quantum
fieri posset, unusquisque pro ratione negotij ac litis
suos iudices agnosceret. Lites omnes quæ pertinent
ad ædes ac fundos intra fines Venetiarum positos, id
est in æstuarijs existentes, diiudicantur à iudicibus qui
proprietas iudices nominantur, quos etiam adeunt
uiduæ cum dotes suas repetere uoluerint ab hæredi-
bus defuncti mariti. Hanc appellationem hi iudices ha-
buerunt, quòd maiores nostri ea tantum ciuium suo-
rum propria existimauerunt, quæ essent in æstuarijs
posita, utpote quæ ad alienos dominos non faciliè trā-
sferri possent: Cætera uerò in continenti existentia,

Iudices pro-
prietatum.

**Iudices pro
curatorum.**

**Iudices seu
cōsules mer
catorum.**

**Iudices ad
uenarum.**

**Iudices pe
titionum.**

**Iudices mo
bilium.
Iudices re
rum inuen
tarum.**

siue domus, siue agri fuissent, mobilia dici uoluerunt, utpote quæ faciliè etiam ab inuitis dominis possent auferri, ac iniuriæ magis exposita essent. Quòd si controuersia fuerit de fundis continentis oræ, adeundi sunt iudices procuratorum. Iisdem iudicibus contendas cū pupillis qui tutores adhuc habeant. Quæ de re hi iudices etiam id nomen obtinuerunt. Nam apud Venetos, curatores ac tutores, procuratores consueuerunt appellari. Si autē lis inciderit de mercimonijs, & ad mercaturam pertineat, adeuntur subsellia iudicum qui ex ea re iudices seu consules mercatorum nominantur. Hi maiori quodam compendio iudicant, quàm alij forenses magistratus. Quod ea est ratione institutum, ne longioribus litibus impedimentum moræ fieret negotijs mercatorum, quæ exigunt assiduam quandā operā. At si inter exteros homines lis fuerit, uel quispiā ciuium hospiti diem dixerit, accedat opus est ad iudices qui ab aduenis nomen habent. Cæteræ uerò quæcunq; causæ, contractus ac stipulationes, ex quibus quispiam ab alio sibi aliquid deberi contendat, idq; iudicio petat. utitur iudicibus qui petitionum nuncupantur. Hi uicem gerunt prætoris urbani. Sunt præterea minimæ quædam lites, quibus diiudicandis præfecti sunt iudices mobiliū dicti. Est præter hos magistratus alius, qui si quid inuentum fuerit aut olim reconditum, aut nuper perditum, decernit an ad ærarium, an ad priuatum quempiam, siue ad eum qui repererit, res ea pertineat, omnesq; huiusmodi cōtrouersias diiudicat. Expedita uniuersa iudiciorum ratione, ad eos magistra-

tus accedamus qui ærarij curam habent, quibûsq; administratio publicæ pecuniæ commissa est. Hi fortasse aliqui plures esse uidebuntur quàm par sit, ac paucioribus uniuersæ rei pecuniariæ satisfieri posse. Verùm hac in parte id est animaduertendum, patres nostros summâ diligentiam adhibuisse ne in administrandis pecunijs publicis aliqua fraus fieret. Nā arbitrati sunt ex ærario ueluti alimentum suppeditari uniuersis reip. partibus: quo deficiēte, seu imminuto, deficere quoq; rēp. aut minui opus esse. Quocirca legem etiam fecerunt, qua sancitum est, ut si quis ciuis peculatus dānatus fuerit, perpetua ignominie nota singulo quoq; anno repetita inuratur. Nā maiori consilio coacti, in cōcione ciuium omnium statuta die ab aduocatore pronūciantur uincti eo crimine damnati, ut perpetuæ ignominie pœnas luant qui tantum scelus ausi sunt. Sed ne ab instituto longius digrediamur, magistratus qui ærarij curam habent, duorum ueluti generū sunt: qua ratione publicæ quoq; pecuniæ diuise sunt. Nam uel ex publicis uestigalibus in ærariū conferūtur, uel soluūtur à ciuib; pro cuiusq; censu, cum reip. impensis interdū reditus publici minimè satisfacere posse uideantur, mari aut terra ingruētibus bellis, quibus frequēter ciuitas nostra uexari solet siue Turcis irruentibus in nostrā ditionem, quorum impetū non sine maximo detrimento cōplures annos sustinuimus, ac acerbissimū hostem seuitatem in uniuersam rem Christianā cōtinuimus: siue Christianis principibus, quibus amplitudo imperij Veneti quādoq; officit, in perniciē nostrā conspirantibus,

Præfati ærario.

Duplices pe-
cunię publi-
cæ,

ut anno abhinc quintodecimo, cum omnes ferè Chri-
stiani principes inito inter se fœdere, in exitium no-
stri imperij conspirarunt. Sed Deo bene iuuante im-
petus omnium represſi sunt, ac res penè collapsa in
integrum est restituta. Duplex ergo cū sit genus pe-
cuniæ publicæ, duplices quoq; magistratus ei rei præ-
fecti sunt. Nam quidam præficiuntur pecuniæ ex cen-
su à ciuibus collatæ: alij uerò redditibus ac uestigali-
bus Reipublicæ. Vestigalium quædam exiguntur ex
his quæ exportantur ex urbe, aut in urbem importan-
tur: quædam uerò ex ciuitatibus quæ in societatem Ve-
neti imperij sunt adscitæ. Urbana uestigalia tum pro-
pter maximam mercium copiam, ac mercatorum con-
uentum, tum ob ingentem hominum multitudinem qui
hanc ciuitatem colunt, maiora sunt quàm quæ sibi quis-
piam persuaſerit. Mercium rerumq; urbanarum ge-
nera uario sunt, quæ uel ab urbe exportantur, uel in-
uehuntur in urbem. Ideo diuersi quoq; magistratus
sunt instituti, prout scilicet commodum fuisse uisum
fuit, qui præſunt exigendis & locandis hisce uestiga-
libus: quos singulatim si enumerarem, fastidio potius
afficerem auditorem, quàm quòd ex ea narratione ali-
quid uoluptatis aut utilitatis accessurum fuerit. Illos
etiam magistratus prætereundos duco, qui tempora-
rij sunt, quòd interdum ratio temporum ita poſcere
uidetur. In summa, horum omnium magistratuum il-
lud officium est, ut caueant ne per dolum aliquid pe-
cuniæ publicæ auertatur, aut per inertiam pereat. Ipsi
etiam diiudicant cōtrouersias omnes quæ ad id genus

Magistra-
tus tempora-
rij.

pecuniæ pertineant. Omnis uerò ea pecunia quæ ab hisce magistratibus exigitur, cōtinuò defertur ad gubernatores reddituum publicorum. Eam nanque appellationē is magistratus obtinuit, qui huic summæ præfectus est. Ac quoniam ea cura magni momenti habetur, non nisi insignioribus ciuibus deferri solet: qui ut libentius hoc munus sibi peterent, seu mandatū ne reiicerent, magnum emolumentum adiunctum fuit oneri alioquin graui, authoritas quoque non contemnenda. Nam hi creant apparitores, uiatores, listores, omneq; id genus ministrorum Reip. quibus cunctis ex ære publico stipendium persoluitur. Id uerò quod reliquum fuerit, defertur ad quæstores urbanos ad quem magistratum tandem omnis summa æris publici peruenit, à quibusuis quæstoribus extiterit ac magistratibus allata, qui siue extra urbem, siue in urbe, pecuniæ publicæ exigendæ curam habent. At urbani hi quæstores impendunt eam pecuniam ex decreto Senatus in usus publicos: in codicibusq; suis & acceptum referunt, & expensum ferūt. Quod munus cum operosum sit, laborisq; non exigui, ideo committi consuevit ciuibus iunioribus, qui tamen clari sint tum nobilitate generis, tum innocentia uitæ, ne scilicet æs publicum quapiam ratione in rem priuatam auertatur. Quocirca datum est urbanis quæstoribus ius Senatorium, idem propemodum quod legitimi senatores habent. Pecunia uerò quæ ex censu a ciuibus confertur in angustijs Reip. quanuis tandem omnis ad urbanos quæstores confluat, habet tamen quosdā proprios

Gubernatores
res reddituum
publicorum.

Ministri
Reip. Quæstores
urbani.

Pecunię ex
censu confe
rendę ratio
multiplex.

magistratus. Nam interdum senatusconsultum de con
ferenda ex censu pecunia ea ratione fit, ut nulla men
tio habeatur neque de restituendo eo aere, nec de aliquo
emolumento ciuibus erogando, qui ex sua re priuata
pecuniam eam cōtulerint. quod tamen raro admodum
fieri consuevit. Nam plerūq; quin potius semper, nisi
res contrā postulet, Senatus ita Reip. consultum esse
uult, ut tamen priuatorum res non negligātur. Pro
mulgato igitur senatusconsulto ac facto de pecunia ex
censu conferenda, ac tempore constituto quod cōmo
dū uisum fuerit, intra id tempus unusquisque ciuiū eā
summā persoluit, quam ex censu debet. Exigunt autem
gubernatores reddituum, ac deferunt ad quæstores ur
banos. Sæpenumero tamen ea ratione senatusconsultū
fit de pecunia ex censu conferenda, ut post certum tem
poris spacium restitui incipiat ciuibus qui eam solue
rint, aliquo etiam emolumento adiuncto: certa q; uesti
galia delegentur in eam rem. Interdum uerò senatus
consultum de collatitia ex censu pecunia, ea conditio
ne fieri solebat ante nostram tempestatem, ut de red
denda nulla fieret mentio, neq; ullum certum tēpus sta
tueretur, nisi cum commodum Reip. fuisset. Sed magi
stratus qui præfectus mutuis dicebatur (quod nomen
adhuc retinet) acceptam ab unoquoq; ciuium eam uim
pecunię in codices referebat: ac interim donec resti
tueretur, singulo quoque anno quinque numi aurei pro
centum collatis ueluti in uicem redditus priuatis ciui
bus creditoribus numerabantur: ac in eum usum ple
raq; uestigalia adsignata erant, Qua rōne priscis bel

Præfectus
mutuis.

lis facilis erat exactio pecuniæ quæ ex censu soluebat-
 tur. Neq; iniquum existimari debet, ut ciuibus qui rem
 familiarem in temporibus Reip. necessarijs cōsumpse-
 rant, aut magna ex parte imminuerāt, uicissim aliquid
 impendij daretur ex redditibus publicis. Nam quemad-
 modum partes totius incolumitati consulere debēt, ita
 natura cōparatum est, ut totum uicissim curam habeat
 ne magnum incommodū partes patiantur: sed pro uiri-
 bus provideat ut incolumes perdurent, alimenta q; im-
 partiant, quò reficiantur, ac conseruentur. Verūm no-
 stra ætate hoc æs alienum Reip. adeò ingēs erat, ut in
 emolumento eo quod diximus ciuibus erogando tre-
 centū ferè numorū aureorū millia singulis quibusq;
 annis expenderentur. Quorū solutio proximis annis
 propter angustissima tēpora Reip. cū intermissa fuis-
 set, tandē quarto abhinc anno factum est senatus consul-
 tū, referētibus Dominico Triuisano Senatore aplis-
 simo, ac Andrea Gritto, cuius ducis auspicijs nūc Resp.
 Veneta regitur, sapiētissimo atq; integerrimo Senato-
 re, ut nulla amplius emolumenti erogandi mentio fie-
 ret, neq; in codicibus publicis post id tempus id æris ci-
 uibus acceptum referretur. Verūm ne omnino à Rep.
 fraudati esse uiderentur, capitis restitutioni, necnon
 etiam emolumētū quod ad eam diem eis debebatur, tum
 multa uestigalia assignata sunt, tum Reip. possessio-
 nes omnes in agro Rhodigiēsi posite sunt distributæ.
 Cuius muneris maxima parti functi nos sumus, qui il-
 lo tempore magistratū illum gerebamus, qui ante no-
 stra tēpora institutus præcipue fuerat ad huiusmodi æs

Dominicus
 Triuisanus
 & Andreas
 Gritus con-
 sules.

Ager Rho-
 digiensis.

alienum Reip. minuendum, aut, si fieri potuisset, extinguendum. De quo pauca infra dicemus. Sicq; magna pars ingētis ac incredibilis ferè publici æris alieni imminuta fuit, necnon priuatorum ciuium facultatibus satis commodè consultum, ita tamen, ut prior semper ac potior fuerit Reip. ratio, quàm priuati cōmodi. Quod institutum à maioribus nostris ad hæc usque tempora per manus deductum est, ne qua scilicet ratione pluris à nobis habeatur res priuata, quàm publica. Vt ergo redeamus unde diuertit oratio, præfecti mutuis eam pecuniam exigunt, quæ à priuatis ex censu confertur in Reip. usus necessarios, atque acceptum referunt in suos codices, ac demum numerant quæstoribus urbanis. Iidemq; præfecti curam habent exigēdi à quæstoribus urbanis eam summam pecuniæ quæ quotannis erogari solebat in uicem redditus ciuium priuatis, eamq; & acceptam & expensam in suos codices referebant. Pecunia uerò, quæ ex lege ex senatusconsulto erogatur à priuatis, ut certo tempore restitui debeat, à proprio quodam magistratu & exigi & restitui solebat. Nunc uniuersum id munus gubernatoribus reddituum demandatum est. Alius præter hos est pecuniarius magistratus, non prætereundus, qui in eam curam incumbit, ut ciues ærarios factos eò quòd constituto tempore non persoluerint pecuniam quam ex censu debent, inuestiget, eorumq; bona publicet, ac tandem sub hasta uendat. Nōnulli præterea sunt alij pecuniarij magistratus, à quibus ærarij inuestigatur, ac rationes in publicis codicibus priuatorum ac

Pecuniarius
magistratus.

Reip. diligenter inspiciuntur, ne qua fraus publicis
 creditibus atque ærario fieri possit. Quos cōsultò præ
 tereundos existimo, ne tædio lectorem afficiam. neque
 enim momenti quidpiam habent ad Reip. gubernatio
 nem, quam potissimum hoc opere mihi exponendam in
 stitui. Præter hos magistratus nonnulli etiam reliqui
 sunt, qui multum faciunt ad ciuitatis commodum, &
 ad bene beateq; uiuendum, ideoq; non à nobis omitten
 di. Primi nobis se offerunt præsidēs cudendæ monetæ
 aureæ, argenteæq; qua maximè continentur commer
 cia ciuium cum exteris hominibus, & secum uicissim:
 dein annonæ triticeæ præfecti: itemq; præfecti salubri
 tati. Venetæ ciuitatis: sine quibus uita constare nō po
 test. Necnon etiam præsidēs amplissimi naualis. Aedi
 lēs quoque, qui uiarum, pontium, ac huius generis re
 rum resarciendarum curam habent, perquam necessa
 rijsunt. Ac demum amplissimus magistratus quē Pro
 curatorium Veneti appellant, maximè est ciuitati no
 stræ opportunus. De præfectis monetæ nihil est am
 plius quod dicamus, nisi quòd eius magistratus inter
 est prouidere ne argētum aut aurū imperfectius ac im
 purius quàm id qđ lex statuit cudi debere, aliquo pacto
 cudatur, nèue excusi numi pondere minores sint, quàm
 lex iubeat. Quod sanctissimè apud nos obseruatū fuit.
 Quamobrem in maximo pretio apud omnes nationes
 Barbaras, nedum apud Christianos Veneti numi sem
 per fuerunt, hodieq; sunt. Cæteri nanq; principes ple
 rique omnes impurius aliquanto argentum atq; aurū
 cuderunt, ut facilius impensis satisfacere possent. At

Aediles.

Procurato
 rius magi
 stratus.
 Præfecti mo
 netæ.

Præfatus
annonæ rei
triticeæ.

nostri constantissimè semper hac in parte dignitatē à maioribus acceptam retinuerunt. Magistratus uerò qui præest annonæ triticeæ, maximè, necessarius est Venetæ ciuitati. Etenim cum nulla propè frumenti uis ex agro Veneto colligatur, quòd omni ex parte urbs æstuarijs amplissimis ambiatur, ac ciuitas populosissima existat, opus est rei frumentariæ magnam curam haberi, nequando populus, cuius cōmodo maximè consultū esse maiores nostri uoluerunt, inopia rei frumentariæ laboret, ac prematur nimia annonæ caritate. Idcirco rei frumentariæ tres præfecti sunt, qui sedecim mensibus magistratum gerunt. Horum officiū est providere ne ciuitas unquā laboret inopia frumenti: quæ si quando timetur, Principem, Sapiētumq; collegium adeunt, ac re inter eos discussa decernunt quæ ad comparandam frumenti copiam præcipua esse uideantur. Quādoque solet etiam merces certa constitui ex ærario his qui ex longinquiorebus regionibus frumentum Venetias uexerint. Interdum ære publico triticum mercantur à negociatoribus, qui polliceantur certā uim frumētī statuto tēpore ex destinatis etiā prouincijs se Venetias delaturos: quod ni præstent, pecuniaria multa taxantur: Emitq; Respublica magno precio, ac uili uendit, ut commodo populi atq; inopiæ consulatur. Quæ in re interdum magnam iacturam ærarium facit. De re frumentaria præterea plurimæ sunt leges, pulcherrimæq; instituta: quæ si in præsentia recenserem, longius quā par sit, ab instituto digrederer. Sequitur magistratus is cui salubritas urbis est curæ. Huius præci

Præfatus
salubritati.

puum munus est providere ne aliquo pacto ex contagione tabes serpat in ciuitatem. Quòd si clàm quandoque obrepserit, ut interdum accidere solet, sedulo operà dat, ne latius uagetur. Qua de re ædes publicæ amplissimæ sunt ædificatæ in æstuarijs, trium millium passuum ab urbe intervallo, quibus finitimi sunt horti pulchrè confiti: in quas, si quis ex plebe eo morbo ægrotare cœperit, confestim deferitur cum tota familia. Hi uero qui cum eo dum ægrotat consuetudinem aliquam habuerint, opus est, ne alios inficiant, ut proprios lares deserant, concedantq; ad alias ædes publicas itidem extra urbem conditas, regione à prioribus longè diuersa: ibiq; quadraginta dies detinentur: quibus si sani perstiterint, ciuitati ac domesticis laribus restituuntur. Supellectilis etiam magna cura habetur, ne eius contagione quispiam inficiatur. Hic quoq; magistratus prouidet ne quid putridum, aut quod incolumitati ciuitatis officere possit, uendatur: & demum sedulo curat ut quam saluberrimè Venetijs degatur. Nam non multò ante nostram tempestatem hoc præfectorum genus institutum fuit: & cum antea sæpius ciuitas pestilentia laborasset, adeò ut quandoque pleriq; homines deseruerint proprios lares ob ingruentem uim tabis, ac in continentem proximam secesserint: nunquam tamen postquam hæc cura nouo huic magistratui demanda est, diuino numine fauente, Veneta ciuitas huiusmodi morbo grauius uexata est: licet interdum, quod in magna frequentia hominum undique conuenientium citari nõ potuit, nonnullæ domus fuerint infectæ:

Præfeti Na-
ualis,

Naualis Ve-
neti defori-
pio,

cura uerò huius magistratus, atque ope à deo præstita, malum latius euagari non potuit. Nunc dicendum est de præfectis amplissimi Naualis: quod certè magno est ornamento non solum Venetæ urbi, sed etiam uniuerse Italiæ, ac Reip. nostræ non mediocrem dignitatem affert. Immensum namq; opus est, & admiratione dignissimum. Nam in urbis regione quæ præ alijs mari uicina est, ac propterea maximè commoda, Nauale amplissimum est ædificatum, ac excavatum in tres sinus, seu recessus, si malueris hoc uocabulo uti, intra quos mare recipitur unico tantum ostio, tam lato, ut etiam sit satis amplum ad maximas triremes capiundas. Munatum est ostium duabus turribus ex utraq; parte. iunctæ hæ sunt ponte sublicio, ac portis cancellatis, quæ nunquam reſerantur nisi cum opus sit triremes educere, seu in nauale inducere. Nullibi. namq; aditus ad interiora naualis patet, præterquam hoc tantum ostio. Ingredientibus primus sinus occurrit omnium minimus, amplus tamen. hic undiq; circum tecta habet in forniciis modum ædificata, contignationibus ac tegulis contecta. Sub hæc triremes è mari subducuntur, ibidemq; ab omni uentorum atq; pluuiarum iniuria tutæ perdurant, quoad eis uti libeat. ea ratione multos annos incolumes perseuerant. Nouas item sub eisdem tectis ædificant, ac ueteres resarciunt. Magnum sanè opus, quod & maximo ornamento sit, & utilissimum ad fabricam nauium. Post hunc sinum alius est interior amplissimus, circum omni ex parte tectis huiusmodi, quem dixi, instructus: nec ullum ex eis inspicias trire-

mibus uacuum, sed binis, si testæ fuerint latiora: siue singulis, si angustiora. Tertius uerò non minor secundo paulò ante nostram ætatem superioribus additus fuit circunseptusque mœnibus pulcherrimis. In eo autem plura sunt testæ ædificata, quanuis non sint adhuc omni ex parte perfectæ: uerùm cum summa diligentia opera datur, ut ei fabricæ extrema manus imponatur. Tres hi recessus inuicem peruij sunt, ac unico muro ambiuntur, nonnullis turribus distincto, in quibus uigiles noctu excubias exercent, ne quid detrimenti tam insigne opus accipiat ui ignis iniecti, seu dolo facinorosi cuiuspiam, seu quopiam casu, ut interdum euenire solet. Intra hæc mœnia sunt tabernæ amplissimæ armamentorum, uniuersæq; nauticæ suppellectilis: ac fabri cuiuscunque generis quod ad rem naualem pertineat, suas officinas ibidem habent. Ibi etiam æs funditur ad tormēta conficienda. Magna ibi quoque copia illius pulueris cuius ui tormenta excutiuntur: adeò ut nihil quod ad rem nauticā faciat, in eo nauali desiderari queat. Intueri ibidem licet ingentem fabrorum multitudinem, quorum quisque suo munere fungitur. Sunt præterea nonnulla atria bene ampla, in quibus ingens armorum copia, tormentorum ac telorum, seruatur ad usus belli: necnon magna uis uelorum, remorum, armamentorumq; omniū in suis quæq; cellis condita est, ut cum senatus armandā classē decreuerit, omnia in promptu sint quæ ad rempublicam requiruntur. His rebus officijq; omnibus hic magistratus de quo dicere institueram, præfectus est, ac omnia

prouidet curatue quæ in usum naualis fuerint. Hic se-
 ligit fabros tum lignarios, tum ærarios, ceterosq; op-
 fices qui admitti debeant ad opus faciendum. diligentẽ
 quoq; impendit operam ne quispiam officio suo desit.
 Huic magistratui numeratur pecunia ex ærario in u-
 sus naualis, non prius tamen quàm collegium consula-
 tur, ac rationes à patribus illis uideantur. Apud maio-
 res nostros, apud quos res maritimæ in magno precio
 erant, hic honos magnus habebatur: temporibus tamẽ
 nostris magistratus huius dignitas est imminuta, ac pe-
 nẽ intercidit. Quo fit, ut siquando opus fuerit in ea re
 opera diligentiori, alios senatores primæ existimatiõis
 ciues senatus nauali præficiat, qui in priores ius habe-
 ant, hisq; ueluti ministris utatur. Sequuntur postremo
 loco à nobis recensendi diui Marci procuratores, ap-
 plicissimus omnium, præter ducem, magistratus: quippe qui
 præfinitum tempus non habeat, sed cū uita perduret.
 Huic honori cõiuncta est perpetua dignitas senatorij
 ordinis, ac ius suffragij æquum cum legitimis senato-
 ribus. Illud etiam præ alijs omnibus magistratibus ob-
 tinuerunt. Nam cum cæteris non cedatur à seniori-
 bus ciuibus, nisi certis locis, ac certis subsellijs: procu-
 ratoribus ubique idem honos præstatur, ubique loco
 ceditur, ac digniori sede semper honestantur, ac si in
 quouis loco magistratus munere fungerentur. Ho-
 rum officium est tutelam pupillorum habere, quibus
 minori ætate existentibus nullus defuncto parente ex
 testamẽto tutor sit institutus. Veluti ergo publici qui-
 dā tutores à republica sũt instituti hi diui Marci pro-

Diui Marci
 procuratores

curatores. Quod munus cū egregiam fidē, ac sanctitatem uitæ præcipuā exigat, ij ciues huic officio delegantur, qui iam publicis ferē omnibus muneribus defuncti, spectatæq; fuerint probitatis: in quo uersantes tāquam militea emeriti perpetuā obtinent reip. administrandæ potestatem. Priscis temporibus tā magna fuit non tantum Venetijs, uerumetiā apud exteras nationes existimatio huius magistratus, ut plerique exteri homines, nedum indigenæ, testamento instituerint hosce procuratores heredum suorum tutores, ac totius rei domesticæ curatores. Quorum fidei magna pecuniæ uis dauperibus eroganda cōmissa fuit, adeo ut nostris quoq; temporibus ingentes opes ab hoc magistratu administrentur, ac pro horū arbitrio in usum pauperum distribuātur. Hic magistratus institutus initio fuit ne hereditates ciuium qui pro tuenda seu etiā amplificanda republica apud exteras nationes excederēt aut studio rei familiaris negotijs ac mercimonijs occupati peregrē morerentur nullo condito testamento, per fraudem quampiam ab heredibus pupillis auerterentur. Qua de causa effectum est, ut ciuibz illis publicè ea cura sit demandata, de quorū probitate omnibus compertum sit. Principio tres fuere: aucta deinde ciuitate tres alij additi, hac tamen ratione distributi, ut tres habeant curam pupillorum qui citra Riuum magnum (qui urbem mediam interfluit) habitant: tres item curent eos qui ultra Riuum magnum proprios habent lares: ut dimidiam urbem alteri, item dimidiam posteriores curēt. Tres uerò præter hos patroni

Templum
diui Marci,

sunt amplissimi atque augustissimi templi quod diuo Marco Euangelistæ dicatū est, sub cuius numine Respublica Veneta bonis legibus aucta est, & ditione imperij creuit. Ab his postremis tanquam à nobilioribus nomen in omnibus deductum est ut diui Marci procuratores appellentur. Nolo nunc aliquid dicere de huius templi structura, ac marmorum copia, columnarū frequētia ex porphyritide ac præsio lapide, opere tessellato, atque aurato, quo tamen laquearia, fornicēsque omnes templi confecti sunt, tum demum pauimentum uniuersum stratum: cum multi mortalium id uiderint, ac omnes ferè fama perceperint. Templi huius institutioni, si qua in parte quippiā labascit, nec non sacerdotibus templi hi tres procuratores præsunt, ac prouident ut pro ciuitatis dignitate illustrissimi patroni nostri Marci euangelistæ Deus optimus in eo templo piè colatur. Hi magistratus sunt præter ceteros qui meo iudicio perquam necessarij uideri debent ad bene beateque uiuendum. Nam & monetæ cudendæ cura, nequaquam negligenda est, quæ omnia commercia ciuium continentur: & annonæ triticeæ copia sedulo procuranda est: nec minor habenda est ratio bonæ ualitudinis ciuium: minimèque prætereunda fuit uiarū ac pontium idque genus ædificiorum instauratio. Hæc communia cuique ciuitati. Illa uerò ad Venetias magis attinent, rei scilicet maritime procuratio, ac pupillorum tutela, cum multi ciuium tum propter publica negotia, tum propter mercaturæ industriam peregrinam diem obeant. Idcirco magistratus qui his muneribus incumbant,

incumbant, publicè instituti sunt: ut nulla in parte bono communi maiores nostri defuisse uideantur, si quis diligenter omnem huius reipublicæ institutionem animaduenerit.

DE MAGISTRATIB. ET

REP. VENETORVM.

LIB. V.



POST QVAM omnis ferè ratio gubernationis reipublicæ à nobis exposita est, ac recēsi omnes magistratus urbani, non importunam alienamue ab instituto opere rem facturus uideor, si uerba fecero de magistratibus exteris, ijs scilicet quibus ciuitates quæ in nostram societatem uenerunt, regi soleant: nec non de militaribus imperijs, ac demum de muneribus aliorum ciuium qui non sunt patricij ordinis. His etenim expositis, summa manus operi instituto commodè imposita esse iure merito uideri poterit. Insignioribus ciuitatibus quæ sub ditione nostra sunt, quatuor magistratus præficiuntur. Prætor unus ius dicit omnibus, et forenses lites diiudicat, ac in fontes animaduertit. Habet prætor in iudicijs proferendis assessores, homines iurisperitos, quorum consilio utitur, licet apud prætorem sit omnis authoritas. Præter hunc est præfectus, is præest militibus qui uel urbem uel agrum urbis co-

Magistratus exteri.

Prætor.

Præfectus.

Quæstor,

Arcium cu-
ros.

luerint. In hos nullum est ius prætoris: præfectus tan-
tùm in eos ius habet. Præterea arcis, mœnium, porta-
rumq; cura est præfecto demandata, necnon uectigaliũ
ac reddituum omnium tum urbis, tum agri totius. Præ-
ter hos est quæstor unus aut duo. Hic pecuniam publi-
cam administrat, exigit, impedit, habetq; codices ratio-
num publicarum: nihil tamen ferè agit nisi ex manda-
to præfecti, ac interdum utriusq; magistratus, præto-
ris uidelicet, ac præfecti. Ea enim ratio pecuniæ admi-
nistrandæ utilior uisa est, quàm si penes eundem esset
& authoritas & administratio ærarij. facilius nan-
que liceret per fraudem ærarium peculiari. Id uerò pe-
cuniæ quod reliquum fuerit ab impensis, desertur Ve-
netias ad quæstores urbanos, ad quos undiq; pecuniæ
publicæ conferuntur: ut suprà diximus. Quartus quæ-
magistratum gerit in unaquaque urbium, est arcium
custos. alibi unus, alibi plures hi sunt. militibus hi
præsident qui arcem tuentur, curamq; habent armo-
rum, commeatus, ac tormentorum quæ reposita in ar-
ce sunt ad munitionem contra hostes. Non tamen ita
custos præest arci, quin subiectus sit præfecti impe-
rio, cui tributum est omne ius omnisque potestas in re-
bus huius generis curandis. In minoribus ciuitati-
bus nullus præfectus est, sed prætor utriusque partes
agit. Ac in oppidis quæ in agris maiorum urbium
frequentia sunt, solus est prætor qui ius dicit oppida-
nis, præterea nullus magistratus. Nam quæstores ac
præfecti principum urbium in uniuerso quoque agro
ius suum obtinent, A prætoribus omnibus ad audito-

res novos prouocatio est . Aduocatores etiam quandoque intercedere solebant sententijs prætorum capitalibus . Sed quoniam usuuenire plerunque solitum erat , ut iudicia protraherentur, neque fontes criminum ac scelerum pœnas darent, lata lex fuit à decemuirum collegio, minimè id iuris aduocatoribus amplius esse in sententijs quæ à prætoribus pronunciatæ essent assidentibus iurisperitis , quos secum comites ducunt , ut suprâ dixi . Haftenus satis tractatum est de magistratibus quibus respublica tum domi tum foris administratur . Verum quoniam non tantum pacis, sed etiam belli gerendi ratio habenda est, quam uniuersam qui neglexere, ut inquit Plato in Politico, nequaquam libertatē diutius tueri queunt: ideo qui recte rei publicæ institutionem posteris tradiderunt, illud in primis admonitos esse uoluere , ut ciues instituantur ad utrunque munus, ut scilicet bello gerendo idonei sint, & in pace domi subiecti legibus institutisque patrijs in præclara aliqua functione uiuant, ita tamen, ut uirtutes artēsque bellicæ referantur ad studia pacis tanquam ad potiora. Vnaquæque etenim res eam habet à natura insitam uim , ut primum bonum sibi quæque conueniens appetat, deinde ut contrario obsistat, nitaturque quantum possit à se iniuriam propulsare. quæ uires in animante natura omnium perfectissimo lucidius dignoscuntur. Nam unicuique animali tributa est uis appetendi , qua prosequatur id quod naturæ suæ fuerit consentaneum. Præter hanc unicuique adiecta fuit uis irascendi, quam Plato in corde atque in præcordiis

Appetitua
uis.
Irafcibilis
uis.

collocavit, ut scilicet animal quodcunque eius uirtutis stimulis actum, contrarium naturæq; repugnans repelleret. Vtriusq; igitur partis uirtutes, quarum semina in animis hominum natura indidit, ciuilem uirum fouere oportet, & ad frugem perducere, sicq; et pacis & belli gerendi rationem habere. Quæ ratio à maioribus nostris non fuit neglecta, ut quibusdam uideri solet. Sed quoniam initio in mari ædificata ciuitas, quæ multis annis imperium contempsit, terrestris belli studijs detineri non potuit, uniuersam se ad maritimum bellum conuertit, in quo egregiam operam nauauit et pro tuenda libertate, & in honestibus ulciscēdis: multaque præclara Venetorū gesta priscis monumentis memorie prodita sunt, plurimiq; triumpho et deuictis hostibus & eorum clasibus superatis reportati, ex quibus facile quiuis intellexerit Venetos in re maritima longè alijs præstitisse. Victa tandem post longum tempus pertinacia precibus finitimorum populorū, quorum quisque sui reguli tyrannidem, quam diutius passus fuerat amplius tolerare non poterat, adhibuit animum senatus ad continentis imperium. Vniuersum Venetiæ regionem pulsas tyrannis, ac passim ciuibus deditionem facientibus, ueluti postliminio recuperauit: quæ libenti animo redibat ad ueteres incolas, eiectis tyrannis exteris, qui ex reliquijs Barbarorum in tota ea regione confederant, durissimaq; seruitute cunctos eos populos premebant. Prolato igitur imperio in continentem terram, præterquam quòd bonis legibus & pacis studijs ij populi erant recreandi, qui nuper

deuenerant in societatem nostram, danda etiam opera fuit, ut tueri libertatem possent in quam se asseruerant. Ceterum Venetæ urbis situs, utpote quæ in medijs æstuarijs condita est, minimè patiebatur nostros ciues impèsius operam dare terrestri bello, illiusue studio diutius detineri sine magno periculo seditionis ciuilis. Nam ciues illos qui terrestris belli studijs adducti fuissent, oportuisset maiorem anni partem agere in continenti, ibiq; & equos alere, & equestribus certaminibus se exercere. Quin ut peritiores rei militaris fierent, opus fuerat ut siquando domi ocium ab armis fuisset, externa bella adirent, in hisq; animum pariter ac corpora durarent, ut in ea functione cum laude uersari possent, & patriæ prodesse. Secus autem si fecissent, inepti propemodum non tantum imperatores, uerumetiam milites futuri fuerant. Hæc uerò frequens consuetudo continentis, ac intermissio urbanæ, factionem quandam ciuium paritura facile fuerat ab alijs ciuibus disiunctam: quapropter proculdubio res Veneta breui ad factiones & ad bella ciuilia deducta fuisset. Omitto interim quàm magnos spiritus animi ciuium concepissent, cum plurimum armis potuissent, atque habuissent frequentes affectatores, ut hominum natura semper ad malitiam pronior est. Quæ res, ut ex priscorum monumentis facile intelligi potest, semper Romanam Remp. uexauit, contumacesq; reddidit non paucos Romanos ciues legibus Reip. & decretis Senatus. ac denum Iulium Cæsarem tyrannum Romani imperij fecit. Ne ergo huiusmodi quispiam morbus

Continentis
imperium ex-
terno milite
Veneti defē-
dunt,

Bartholo-
mæus Co-
leoneus,

in Venetam ciuitatem obreperet, satius esse maiores nostri statuerunt, ut continentis imperium externo ac conducto milite quàm Veneto defenderetur. Stipendium uerò illi statuit ex uectigalibus totius prouinciæ. Aequum enim erat eius regionis impensis militem uiuere, qui ad eam tuendam accersitus fuerat. In quā militiā plurimi ciues ditionis nostræ socij adscripti sunt: quorum nonnulli ad summam imperij in nostro exercitu deuenere, atque ob res egregiè gestas Veneta ciuitate & patricio iure donati sunt. Viget adhuc nostra ætate Bartholomei Coleonei Bergomensis illustrissimi uiri & summi imperatoris nomen, qui multa præclara bella confecit, ac Venetam ditionē auxit, & propterea a Rep. honestatus fuit, erecta illi equestri statua in celebri urbis loco. Ciues igitur Veneti ea de causa quā retuli, terrestris militiæ honoribus priuati sunt, omnesq; ad externos delati. Quin lege cautū erat, nullum Venetum patricium posse pluribus quam uigintiquinque equitibus præesse. Hæc tamen lex nostra tēpestate in desuetudinem abiit ob frequentia bella quibus uexati fuimus. Cum tamen terrestre bellum ingruit, ciues nonnulli patricij ordinis in exercitum mittuntur, qui temporarium magistratum gerunt, dum bellū urget. Quæstores hi sunt, item legati, qui Imperatori exercitus externo homini semper adstant, neq; ei quid quam facere licet aut decernere nisi ex Legatorum cōsilio. Bello finito, utrique magistratus domum reuertuntur, ac in ordinem rediguntur, nec quicquam amplius iuris habent. Hæc est belli & militiæ terrestris

ratio apud Venetos. Bello uerò maritimo ac nauali nostra ciuitas natura magis idonea est, cuius studijs semper Veneti floruerunt. Nam in mari urbs cōdita parum timere poterat terrestres copias quæ ei negotium facefferent. Ac non tantum iniquum, sed etiam ualde incommodum erat comparare exercitum ex ciuibus quem in continentem traicerent, ac finitimos populos bello lacefferent. At à mari tum timeri iniuria poterat, tum etiam facile erat illatam ab exteris uindicare. Quamobrem uniuersa ciuitas ad studia rei maritimæ conuersa est ad quæ iuuentutem legibus instituit, ac totius uitæ consuetudine firmavit. Hic enim mos instituendi patricios homines semper fuit à teneris annis, ut usq; ad pubertatem sub pædagogum disciplina degerent, ac latinis literis imbuerentur, pro cuiusq; captu. Ab ea etate, præter paucos quosdam qui literarum studijs se manciparant genio naturaq; ducti, omnes ferè rei maritimæ ac familiari operam darent. Ac alij quidem nauigabant ad longinquas oras, ubi mercaturæ industria rem domesticam augebant, simulque efficiebantur periti morum, ac consuetudinis legumque multorum hominum: plurimi conscendebant triremes armatas, atque à teneris annis & corpus laboribus firmabant, & animum excolebant rei maritimæ disciplina, necnon naualis belli peritia, quibus artibus in ea militia semper Veneti excellere. Quin lege cautum fuit, quæ ad nostra usque tempora peruenit, ut in unaquaq; triremi armata stipendium ex ære publico nō exiguum daretur duobus adolescentibus patricij ordinis,

belli maritimi apud Venetos ratio,

quorum officium nullum aliud esset, præterquam imbui disciplina rei maritimæ. Ac ut id facilius assequerentur, exigua quædam munera eis incumbunt, in quorum functione exercitantur ac proficiunt, sicq; idonei fiunt ad maiora capeffenda. In grauibus uero triremibus, seu ad classem & rem bellicam instructæ fuerint, siue priuatis ciuibus locatæ ad mercaturam, octo iuuenes patricij cuique destinati sunt: nec medio cre eis stipendium constitutum uel ex pecunia publica, uel ex ære priuato tunc cum ad mercationes locantur, qui nauticis ac bellicis studijs in eis assuescant. Quint etiam priuatorum nauibus hoc onus legibus impostum est ad publicam utilitatem, ut ære domini priuati hominis, uni, seu duobus, si maior nauis fuerit, patricijs adolescentibus stipendiū soluatur, quorū nullū aliud officiū sit, præterquā exerceri munijs nauticis. Cōcessa quoq; his adolescentibus facultas est, ut in triremibus onerarijs, ac in nauibus priuatorum quibus adscripti sunt, uehere queant certam mercium summam nullo naulo soluto: quam si non habeant, ius hoc suum alijs concedunt ac locant. Qua lege consultum fuit non solum exercitationi iuuentutis, uerumetiam utilitati tenuiorum ciuium, qui angustia rei familiaris premerentur. Qua dere facile intelligi à quocunq; potest curam instituendæ iuuentutis minimè à maioribus nostris præteritam fuisse, ut nonnullis uidetur: immo in ea nauium triremiumq; copia ducenti & amplius nobiles adolescentes legis istius beneficio alienis impen sis ad rem nauticam instruebantur, præterquam quod

ciuili consuetudine ac more patrio quilibet patricius
 iuuenis aut literis aut studijs rei maritimæ operam da-
 bat. In qua exercitatione tum sibi plurimum, tum rei
 domesticæ nō nihil consulebat ac proderat. Hæ priscæ
 leges, atq; huiusmodi instituta etiam nostra tempesta-
 tu perdurant, licet pleriq; adolescentes ambitione aut
 luxu post ampliatus imperium corrupti, patrias insti-
 tutiones neglexerint: ac ciuium copia adeò creuerit,
 ut nostra ætate ingruentibus bellis, ac rerum domesti-
 carum dispendijs, longè plures effecti sint pauperes,
 quàm quod satis consuli illis queat istius legis bene-
 ficio. Ita nanq; natura comparatum est, ut nihil inter
 homines perpetuum esse possit: uerùm cuncta quanuis
 initio perfecte constituta esse uideantur, post aliquot
 annos natura in deterius labente, instauratione indi-
 gent; adeò ut quemadmodum corpus prandio satura-
 tum, diutius incolumitatem seruare non potest, nisi
 post aliquot horas cœna successerit: sic in unaquaq; re
 opitulari oportet naturæ ad interitum labenti, no-
 uamq; instaurationem adhibere. Huiusmodi rationem
 nos quoque deo bene iuuante imitabimur, ac aliquod
 remedium excogitabimus quo fiat ut hac etiam in par-
 te nihil sit in nostra Rep. desiderandum. Sed de his ha-
 tēnus. Nunc à nobis recensendi sunt magistratus qui
 præficiuntur rei maritimæ. Vnaqueq; triremis ad bel-
 lum instructa, præfectum habet uirum patricium, qui
 in ea triremi omnium potestatem obtinet, præterquā
 ultimi supplicij inferendi: ac ueluti in terrestri mili-
 tia centurio seu aciei præfectus eorum curam habent

Triremum
 præfecti.

Totius clas-
sis legatus.

Classis Im-
perator.

qui fuerint in sua acie, sic triremis præfectus nautas, cunctaq; quæ in sua triremi sunt, atq; ad eius apparatus faciunt, diligenter curat. Quotannis, quanuis belli nulla necessitas sit, Veneti aliquot triremes armant quæ reddant mare tutū nauigantibus, securamq; nauigationem compressis piratis præstent uiris bonis qui res suas agūt sine alicuius iniuria. Præter triremium præfides est totius classis legatus, qui imperium habet in uniuersam classē, ac in cunctos triemiū præfectos. Hic ueluti Legatus exercitus, nisi adsit Imperator, ius habet & capite mulctandi quos uelit, & dirigendi classē quò maluerit. Hic quoque magistratus semper ferè etiam pacis tempore creatur, præfici- turq; ijs triremibus quæ armatæ sunt. Quòd si tempora Reip. ita postulent, ut magna classis paranda sit, tunc uniuersæ classi præficiunt Imperatorem: qui tum in classe, tum in cunctis prouincijs maritimis Venetæ ditionis amplissimam potestatem habet, ac eam propè quam olim in Romana Rep. Dictator retinebat, nisi quòd omnibus in rebus paret authoritati Senatus, et Reip. decretis. Summum tamen illi ius tributum est cum in classē, præfectos, legatōsue classis, tum in prætores, ac magistratus omnes qui cum imperio sunt in locis insulisq; maritimis, ac publicum munus exercēt: adeò ut cum classis imperator ad aliquam ciuitatem accesserit, continuò ei sacerdotum clerus obuiam prodeat, clauēs portarum & arcium ei dentur, iura prætorum sileant, ab omnibus magistratibus ad imperatorem liceat prouocare. Quin, si ita ei libuerit, po-

test solus ius dicere, solus administrare pecuniam publicam: ac denique solus omnium potestatem habet. Nullus est apud Venetos magistratus maioris auctoritatis. Idcirco rarò admodum classi imperator præficitur. non enim temere, nisi rerum necessitas ita exigat, alicui cõceditur tam magna potestas, ut omnia ex unius ciuis arbitrio pendeant. Hoc in loco ea lex non est à nobis prætermittenda, Imperatorem, Legatum, Præfectumue classis ullum non posse cum triremibus armatis ingredi Venetam urbem, neque tunc etiam cum in patriam redit: sed quamprimum Istriam peruenerit, quæ provincia cõtum ferè millibus passuum ab urbe distat, stipendium nautis ex legis decreto solui debet, ibiq; omnes dimitti: deinde triremes à paucis Venetias deduci solebant, ac in nauale subuehi sub tecta in eum usum ædificata, ubi tutæ seruantur à uetorum & pluuiarum iniuria. Nunc lex hæc non ita omni ex parte seruatur, quemadmodum patrũ nostrorum temporibus seruabatur. Recensiti à nobis sunt omnes ferè magistratus, præter eos quibus ueluti coronam & apicem maiores nostri imposuere, eos quos uernacula lingua à Græca appellatione deducta Syndicos dicere consueuimus: nos eos appellemus Recognitores nouo fortasse uocabulo, sed satis idoneo ad idem munus explicandum. Hi post quatuor quinquẽ annos creari solent, ac mitti tum in continentis oram nostræ ditionis, tum in regiones maritimas ac insulas. Recognoscunt hi gesta omniũ prætorum, atque aliorũ qui foris publicam potestatem habuerint, in quos animad-

Syndici seu
recognito-
res.

uertunt ea propemodum auctoritate, quæ Aduocato-
 ribus tributa est. Nā ut sapienter Aristoteles inquit,
 ij qui in potestate sunt, nisi ex alijs pendeant, ægrè in
 officio persistunt, propter ingenitam cuique malitiā.
 Peregimus iam omnes patriciorum hominum magi-
 stratus quibus Resp. Veneta domi forisq; administra-
 tur: reliquū est ut ea ratio à nobis referatur, qua pru-
 dentissimi homines maiores nostri semper in officio
 plebem ac uniuersum populum continuerunt, rem cer-
 tē supra omnium fidem, tot annos populum guberna-
 tionis publicæ expertem, nunquam patriciorum impe-
 rium detrectasse, aut ægrè tulisset, nec quidpiam un-
 quam molitum esse ut mutata Reipublicæ forma, ipse
 quoque ad ius publicam admitteretur, immo semper
 amantissimum atq; obsequentissimū nobilitati se præ-
 stitisse. Verū si quis præter situs opportunitatē ual-
 de commodo ad Remp. tuendam, moderationem nostrā
 in regendo animaduernerit, comperiet populum non
 omnino repudiatum fuisse, sed ad ea munera publica
 admissum, quæ ei committi poterant absque rei com-
 munis detrimento. ideoq; facile perspicere poterit id
 in hac Repub. temperamentum extitisse, quod cæteris
 omnibus tum priscis tum iunioribus semper defuit.
 Quamobrem etiam euenisse comperiet, ut in cunctis
 alijs tumultus populares frequenter fuerint excitati,
 qui tandem Respublicas omnes euerterint: contrā in
 nostra ciuitate ob eam causam nullum unquam tumul-
 tum popularem aut seditionem extitisse. Necessarium
 nanq; fuerat, ut in exordio operis dixi, si rectē Resp.

instituenda erat, populum à gubernatione Reip. excludi. Qua in parte maiores nostri non tantum auctoritatem summorum philosophorum, ac rationem sequuti sunt, uerumetiam imitati sunt Sesostrim antiquissimum Aegyptiorum legislatorem, qui ut in Politicis Aristoteles perhibet, genere distinctos uoluit eos esse qui armis regionem tutarentur, quiue de bono publico consultarent, ac iudicia exercerent, ab agricolis, mechanicisque artes exercentibus, ac mercenariam operam locantibus. Verum institutum hoc facile euertere Remp. poterat, nisi temperatio ea adhibita fuisset, quam maiores nostri sapientissimi homines adhibuere. Primum ergo apud Venetos constantissime hoc seruatum fuit, ut omnibus æquum ius esset, neque ulli impunè liceret uel ex infima plebe hominem iniuria afficere. Patricium uerò hominem contumeliam facere plebeio, pro sacrilegio ac scelere maximo semper habitum fuit. Quod si quis temerarius huiusmodi quidpiam perpetrare ausus unquam fuit, nullus quoque ei fuit impunitati locus, sed tanto grauiores pœnas dedit, quanto maioris existimationis auctoritatis sue extitit. Præterea diligenter à Senatu consulitur tum annonæ triticeæ, tum rerum omnium copię quæ faciūt ad uictum ciuium, & ad incolumitatem totius populi, adeò ut magna interdum dispendia faciat publicum ærarium ne ciuitas penuria laboret: Quod exploratum cuilibet esse potest ex his quæ suprà à nobis dicta sunt, cum de præfectis annonæ triticeæ, ac de curatoribus publicæ salutis ageremus. Ac populi quidem hæc duo

Sesostris Aegyptiorum legislator.

potissimum requirunt à rectoribus ciuitatum, ut scilicet commodè uiuant in rerum copia, neq; obnoxij sint iniuriæ potètiorem ciuium: quæ cum adsecuti fuerint, res suas agunt cæterorum securi. Nihil uerò à maioribus nostris omisum fuit quod ad ea duo pertineret: quin potius multa præterea addita sunt quibus mirificè consulitur populi commodo, atque eorum hominum inopiæ, qui in studijs honestis Reip. utilibus uersantur, aut olim uersati sunt, nec amplius per ætatem aut imbecillitatem ualitudinis id muneris obire queunt. Nam Venetijs innumera domus ædificatæ sunt satis idoneæ aptæq; rei domesticæ, quæ hominibus hisce gratis conceduntur, in quibus cum familia degant quo ad uixerint, sine rei familiaris dispendio. His adde quod in nauali amplissimo, quod uicem oppidi obtinet, constitutum est stipendium non mediocri hominum multitudini, qui tamen nihil agunt, seu propter senium, seu ob incommodum acceptum tum cum florenti ætate suum munus in ædificandis triremibus, aut huiusmodi quopiam munere Reipublicæ utili obierint. Præterea ueteri instituto in contractibus emptionis uenditionisue mercium preciosarum, alteruter, emptor scilicet aut uenditor, certum quidpiam soluunt pro summa mercium, quod pauperibus nautis imperiunt, qui amplius ei officio satisfacere minimè possint propter ætatem, quam tamen in ea functione cōsumpserint. Cæterum præter hæc optima instituta ad continendam plebem in officio Reip. nonnullas alias leges recensebimus, quæ sapientissimè mihi à maio-

ribus nostris inuenta uideri solent, ut pro eorum hominum conditione satisfactum pulcherrimè sit ambitioni & honoris cupiditati, quæ natura insita est cunctorum animis, nec tamen propterea gubernatio nobilitatis ulla in parte perturbetur. Vniuersus populus in duo est genera distributus. Nam quidam honestioris sunt generis, alij uerò ex infima plebe, ut artifices, & id hominum genus quod ab Aristotele in Politicis seruorum publicorum esse perhibetur. Vtrisque meo iudicio consultum est nec incommode, nec iniquè. Nam plebeijs hominibus, qui suapte natura parum honori student, sed potius studio rei familiaris inserviunt, modica etià, aliqua tamen iura concessa sunt, siquæ honores. In tot enim classes distributi sunt, quot sunt artificia in quibus degunt: ac unicuique classi propriæ quædam datæ sunt leges, sub quibus sua quisque exercet artificia. His præficiuntur totius classis suffragijs ex eorum numero nonnulli, qui non incommode artificij illius præfecti appellari possunt. Horum iussu multa præscribuntur, nonnullæq; leuiores lites horum arbitrio diiudicantur. Quo fit ut plerique omnes artifices, cum eius honoris compotes fuerint facti, in eo munere sibi placeant, putentq; se non parum dignitatis esse adsecutos, cum eò peruenerint ut à sui ordinis hominibus ea præfectura digni habiti fuerint. Sūt præterea in unaquaque classe inferiores quidam præfectis, qui tamen nonnullius existimationis sint. Hoc igitur modo magna in parte satisfit honoris cupiditati, quæ indita esse uidetur animis etiam plebeio-

Populus in
duo genera
distributus.

Plebeijs I tot
classes distri
buti, quot
sunt artifi-
cia.

Artificiorū
præfecti,

Honestius
populi ge-
nus.

Scribarum
ordo.

A secretis
Senatus.

tum hominum, ac infimæ plebis. Alterum populi ge-
nus honestius in Veneta ciuitate honoratiorem quo-
que locum habet: cui priuata quædam ac propria mu-
nera sunt constituta, decora atque honesta, quibus pa-
tricij ordinis uiri priuati sunt, nec ad ea ulla ratio-
ne accessum habent, quorum multa sunt ut nec patri-
cium hominem tum propter emolumentum, tum ob ho-
noris titulum, eorum pœnitere possit. Scribarum or-
do honestissimus est, qui magistratibus quibusq; adsi-
dent. Id munus plebeijs tantum hominibus datur, pa-
tricio nulli: quod quauis illustre non sit, est tamen ho-
nestum. Eorum nanq; fidei & solertiæ codices scri-
ptaq; publica, quibus res omnis publica & priuata
continetur, commissa sunt. Cui provincie qui dignus
habeatur, is iure optimo & probi uiri, & industrij
nomen ac existimationem sibi uendicauerit. Atque id
plerisq; omnibus stipendium constitutum est, ut rei do-
mesticæ non tantum tuendæ, sed etiam amplificandæ sa-
tis sit. At hi omnes qui sunt à secretis senatus, ex po-
pulo sunt, patricius nullus. Hic ordo superiore hone-
stior est. Idcirco illi ex populo qui nobiliori genere
orti sunt, eo munere fungi solent. Reditus habent ex
ære publico non mediocres, neq; ullum Senatuscōsul-
tum hos latet. semper enim intersunt & collegij &
Senatus consultationibus: ex qua re in magno precio
ab omnibus habentur. Ex his nonnulli seliguntur qui
decemuiris ministrant, eorumq; acta in codices refe-
runt, ac conscij omnium sunt quæ ab eo collegio agun-
tur. In quo honore perdurāt quoad uixerint, non per
uices,

ices,quemadmodum patricij uiri in suis magistrati-
bus,quorum nullus præter procuratorium perpetuus
est. Horum qui à secretis senatus sunt, unus primas
partes tenet,ac Cancellarius Venetiarum nominatur,
qui in maximo est honore. Nam à quouis patricio ei
loco ceditur, præterquam à procuratoribus. Nullum
is reip. ignorat arcanum. Magni quoque sunt ei redi-
tus ex ære Reip. constituti:ac cum diem obierit, fune-
bri oratione honestatur:quæ dignitas nulli in Veneta
ciuitate deferri consuevit præterquam duci; aut cui-
piam ciui, qui sit extra aleam,ut dici solet, præterea
nemini:quasi Cancellarius ducem alium ex populo re-
ferat. Hic unus creatur comitijs magni consilij:cæteri
omnes qui a secretis sunt,à decemuiris deliguntur,at-
que subduntur eorum censuræ, si quid in functione pu-
blica quam habent,deliquerint. Omnes etiam popula-
res cœtus,ut artificum classes, & cuiusq; artificij præ-
fecti,nonnulliq; alij de quibus infrà dicemus, ex arbi-
trio decemuirum pendent,ac eorū ditioni subiecti sunt
illiúsque collegij authoritate et initio constituti fuere,
& nunc continentur. Sapiens certè institutum, ut is
magistratus præuideat ne huiusmodi cœtus qui ad bo-
num publicum sunt instituti,quandoque simulatione of-
ficij aliquid in rēp. molirentur,qui ad eius morbi cau-
tionem initio creatus fuit,ne qua scilicet malorum ci-
uium conspiratio facefferet negotium reipublicæ. Sūt
præterea Venetijs quinque societates initæ sub diuorū
quorundam nomine & religione,in quibus innumeri
homines sunt & plebeij & patricij ordinis. Harum

Societates
quinque Ve-
netijs.

Marci minimè concedant, qui magistratus patricius amplissimus est. Ad hunc honorem, prefecturam uide licet societati, patricijs uiris nullus est accessus, quauis sint è numero fratrum, sed plebeij tantum homines illius dignitatis compotes esse queunt: ut hac etiam in parte populus nobilitatè amularetur. Hi nanq; societatem prefecti quodammodo in populo referunt procuratoriam dignitatem. Verum ne qua ratione huiusmodi societates, atque hi prefecti officerent reipublicæ, omnes sub potestate decemuirum continentur, ut ne quid immutare queant, aut in unum cogi præter tempora statuta, nisi ex eorum arbitrio, ac potestate à decemuiris impetrata. Huiusmodi honores in nostra republica uiris plebeis utriusq; ordinis constituti sunt ut omnino expertes non essent iuris publici, ac ciuili-um numerum, sed cupiditati honoris, ambitioniue hac ratione satisfacerent, non sollicitato perturbatoue statu nobilium. Quo gubernationis temperamento id est respublica nostra cōsecuta, quod priscarum nulla alioquin illustrium. Nā a primis initijs ad hæc usque tempora mille ferè ac ducentis annis perseuerauit libera non tantum ab exterorum hominum dominatu, uerumetiam à ciuili seditione, quæ fuerit alicuius momenti. Quod adepta est non ui ulla, ut armatis satellitibus, seu munita arce, sed æqua hac atque temperata ratione regendi, adeo ut populus libenti animo pareat nobilitati, neque ullam mutationem rerum optet, quin potius egregiè sit affectus nobilibus. Quæ res nostra tempestate potuit esse cōpertissima. Nam cum

Ludouicus
Galliarum
rex.

Iulius ponti-
fex maxi-
mus.

Patauium.

Maximilia-
nus impera-
tor.

Ciuitatibus
municipales
leges relicte

Christiani principes conspirassent in perniciem atq;
exitium nominis Veneti, fususq; noster exercitus fuis-
set à Ludouico Gallorum rege iuxta cassanum oppidū
agri Cremonensis ingenti clade accepta, imminerent-
que inde Germani, hinc Iulius Romanus pontifex, ac
uniuersa penè continentis ora ab imperio Veneto de-
sciuiisset: ea rerum angustia ac perturbatione, Venetus
populus adeò nihil in nobilitatē molitus est, ut lachry-
mantes omnes se suaque obtulerint ad reip. defensio-
nem, réque ipsa præstiterint. Nam Patauiū urbe pro-
pter incolarum animum erga nos egregiè propèsum
nullo negotio recuperata, cum Maximilianus impera-
tor undique contractis auxilijs ingenti exercitu eam
urbem obsedisset, quamplurimi non tantum patricij,
uerumetiam plebei ordinis, spontè cum militibus sti-
pendio eorum priuato conductis ad tuendam illam ci-
uitatem profecti sunt, egregiamque in ea expeditione
operam nauarunt, adeò ut imperator coactus fuerit
reducere exercitum expugnatione urbis non tentata.
Nec minori negotio aliæ quoque ciuitates recupera-
tæ sunt, maximo populorum omnium fauore ex alie-
no imperio ad Venetum ueluti ad portum tutissimum
confugientium. Euidens certè argumentum iustæ do-
minationis, cum uolentibus imperatur. Sed non absq;
ratione contigisse, si quis bene attenderit, facile com-
periet. Cuique etenim ciuitati quæ in societatem Ve-
neti imperij uenit, municipales leges relicte sunt, mul-
tisque honoribus ciues in sua quisq; ciuitate potiuntur:
nonnullaque oppida in agris urbium sita, eorū rectio,

ne gubernantur. His adde quòd prætoribus ciuitatum qui illustriores sunt, assident cum ius populo dicant, homines iurisperiti, quibuscum consultant antè quàm quidpiam decernant. Qui honos est non exiguus, nec modicum inde emolumentum ad eos uenit. Huius generis magistratibus fungi patricij Veneti non possunt, sed uel ex Veneto populo, seu ut plerunque, ex socijs ciuitatibus deliguntur. Ex quibus faciliè quiuís intelliget eã adhibitam fuisse in hac republica moderationẽ quæ maximè uideatur rerũ naturam imitari. Nam in animantis corpore uidendi officium perspicendiq; munus solis oculis est attributum: reliqua uerò munera ignobiliora cæteris membris relicta sunt, quæ tamen usu uidendi careant, sed pareant, nec aliquo pacto obaudiant, ijs quæ ab oculis ita esse nunciata fuerint, nẽue aliò ferantur, quàm quò oculi ea direxerint. Sicq; optimè uniuersum corpus consistit & conseruatur. Non dissimili ratione in republica Veneta summa rerum gubernatio patricio ordini est demandata, ueluti quibusdam oculis ciuitatis: ignobiliora officia cæteris ex populo. Sicque tanquam bene compactum corpus Veneti fœlicissimè uiuunt, cum oculi reipublicæ non sibi tantum, sed uniuersis membris prospiciant: cæteræ uerò ciuitatis partes non tantum sui habeant rationem, uerumetiã hisce oculis ueluti potioribus membris reipublicæ libentissimè obtemperent. Quòd si in quapiam republica eò insanix uenerint ciues, quod in plerisque cõtingit, ut populus uidendi munere fungi uelit, ac oculorum officium usurpet, continuo uniuers-

sam rempublicam necesse est euerti. Quòd si etiam patricij ciues sibi tantum prospexerint, alia uerò ciuitatis membra contempserint, iritato populo ad perniciem nobilitatis, proculdubio reipublica malè successerit. Lostri maiores naturam imitati, utrique incommodo prouiderunt: illamque præstiterunt moderationem, ut nullus nisi inuidus locum habeat obrectandi tam legitimæ atque optimæ institutioni. Quam Deum optimum precamur ut diu seruet incolumem. Si enim quidpiam boni à Deo immortalī hominibus prouenire credibile est, hoc præcipuè diuinitus Venetæ urbi obtigisse persuasissimum cuilibet esse debet.

FINIS.

GASPARIS CONTARENI DE REPUBLICA & Magistratibus Venetorum
Libri ultimi finis.

VENETIIS APVD BALDUM SABINVM ANNO
M. D. LI.



INDEX ALPHABETICVS IN

Quinque libros Gasparis Contareni Patricij Veneti de Magistratibus et Repub. Venetorum.

A Secretis Senatus	Andreas Cōtarenus Vene-
pagina. 128.	torū dux. 9. Eius sepul-
A 15. <u>alij. 9. eligūtur. 54</u>	chrum. 6.
Ab urbe condita ad autho-	Andreas Grittus. 97.
ris tempora anni. 100. 9	Annonæ triticeæ præfe-
Accusandi ordo. 82.	ctus. 106.
Accusare soli aduocato-	Appetitiua uis. 115.
res possunt. 82.	Apud decemuiros quomō-
Adiuncti. 65.	reorū causæ agantur. 74.
Adsciscuntur etiam in ci-	Apd quadragitauiros pa-
uium numerum externi	tricia agnatio pbatur. 23
homines. 21.	Arcium custodes. 114.
Adscriptorum electio. 63	Aristocratia et Democra-
Aduocatores tres. 80.	tia. 17. Aristoteles Deū fa-
Aduocatorius magistra-	cit similē antiquæ legi. 15
tus. 22. 79.	Aristotelis locus. 44.
Aduocatorū authoris im-	Artificiorū <u>præfecti. 127</u>
minuta. 79.	Athenis iudices sententias
Aduocatorum cum Tribu-	duplices ferebant. 83.
nis pleb. Ro. collatio. ibid.	Atheniensis populi roga-
Aediles. 105.	tiones. 69.
Aeternæ leges. 15.	Atila Hūnorū dux. 8. 49
Aetatis solius habetur ra-	Auditores duplices. 92.
tio. 28. 61.	Auditores recētiore. 95
Aetatis discrimē inuidiæ	Auditorū authoirtas imi-
minimē obnoxium est. 61	nuta. 93. Authorē qd im-
Ager Rhodigiensis. 103.	pulerit ad scribendū. 11.

B

Bartholomæus Coleone-
us. 118.

Belli maritimi apud Vene-
tos ratio. 119.

Bellum propter pacem ex-
petendum. 12.

Bucentaurus navis. 47.

C

Cancellarius Venetia-
rum. 129.

Capita decemuirum. 74.

Capita Tribuum. 90.

Capitalium rerum iudices
duplices. 78.

Capitium principis cuius-
modi. 47.

Carolus et Pipinus reges
gallorum. 8.

Carthagine euerfa resp. 17.

Romanorum cōcidit. 17.

Causa prima. 39.

Cēsus ducis ex ærario pu-
blico. 45.

Ciues nobilitate nō facul-
tate censentur. 20.

Ciuitas quid cēseatur. 89.

Eius cum animante colla-
tio. 29.

Ciuitatibus Venetorum so-
ciji municipales leges re-
liſtæ. 132.

Ciuiū numero qui ſint ha-
bendi. 19.

Clāſſis īperator ſeu lega-
tus. 122.

Codex publicus. 80.

Collatio animantis & ci-
uitatis. 19.

Collatio Venetiarum cum
alijs urbibus. 6.

Collegia tria in rep. Ve-
neta. 86.

Collegium. 68.

Collegium criminale. 87.

Collegium nouum. ibi. ue-
tus ibid.

Commendantur iſtituta
duo. 85.

Comperendinari tertio li-
cet, non amplius. 84.

Cōpetitorum quis electus
pronunciatur. 34.

Cūſiliū magnū democratiā
refert. 15. 50. Idē octauo

quoq; die cogitur 18. &
quæ ibi peragantur. ibid.

Conſilium nobile. 16.

INDEX.

Consiliarij sex.	44.60	Decemuiralis magistratus	
Consiliarij tres iuniores		annuus.	74.
tribus urnis asidēt.	26.	Decernitur poena qua sit	
Consiliariorum magistra		reus afficiendus.	85.
tus octimestris.	44.60.	Delictorū cōsideratio.	78.
Constituitur principis po		Die quarta Decembris	pa.
testas.	52.	triciorum iuuenum noīa ī	
Contareni ducis sepul-		urnam coniiciuntur.	222.
chrum.	10.	Dimittēdi cōsiliij tēpus.	34.
Continētis impiū externo		Discordia respublice cor	
milite ueneti defēdūt.	118	ruunt.	39.
Conueniunt qui.	25.	Diui Marci procurato-	
etis annum agūt, aut etiam		res.	75.110.
beneficio sortis qui.	20.	D. Marc. Venetorū patro	
excefferint.	23.	nus, et tutelare numē.	47.
Conuitijs in criminalibus		Dominicus Triuisanus et	
parcitur, neq; extra cau-		Andreas Grittus.	103.
sam excurritur.	81.	Dux.	41.
Conuiuio principis stati		Dux à consiliarijs capitiō	
dies.	46.	coronatur.	59.
q̄ cis cōuiuijs īter sint. ibi.		Dux ad populū orat.	58.
Criminales.	79.	Dux regiam potestatem	
Cū hō diu supeſse nō pos-		præ se fert.	21.
sit, æternæ sunt leges.	15.	Dux solus nihil pōt.	42.
Comitorum ratio.	24.	Ducis munia.	41.
D		Ducis origo.	50.
Desponsatio maris.	47.	Ducis sedes.	43.50.
Decemuiro.	72.	Duplices pecuniæ publi-	
Decemuirum capita.	74.	ca.	100.

- E** **Electi** 12. **alios** 29. **eligūt** 54. **Electis** 60. **senatorib'** **alij.** 60. **adscribuntur.** 63. **Electo** competitoris fide iussor esse debet. 31. **Electores numero.** 9. 28. **Electores** nouē, **alios** quadraginta eligunt. 53. **Electo** 9. **siguli sigulos** magistratus nūcupāt. 29. **Electorum** sex suffragia electo necessaria. 29. **Electo** 9. **ordo primus** 28. **Electo** 9. **ordo secundus.** 30. **tertius** et **quartus** ibi. **Euersa** Carthagine Romana resp. concidit. 17. **Excubie** nocturne. 90. **Exteri** magistratus. 113. **Ex.** 40. **uiris,** 12. **eliguntur.** 94. **Ex** 30. **fiūt electores** 9. 53. **Externi** etiā homines sub inde in Venetorū ciuiū numerum adsciscuntur. 21. **F** **Forenses** cause. 91. **Frumentarie** rei preestit. 40. 105.
- G** **Globulorū** inscriptiois cā 27. **uide** pilule. **Gubernatores** reddituū publicorū. 101. **H** **Heraclea** initio principis sedes. 50. **Homo** microcosmos. 39. **Homo** sociale animal. 11. **Hōestius** populi gēus. 128. **Hyme** à p̄cipe patricijs quinque anates maritimæ mittuntur. 48. **Hunnotum** dux Atila. 8. **I** **Imagines** principum i curia depinguntur. 76. **Imminuta** auditorum auctoritas. 93. **In** cōsiliū recipitur, qui 20. annū attingit, aut fortis beneficio. 23. **In** consilio magno quæ agantur. 24. **In** sex regione Venetiæ diuisæ. 60. **In** sex Tribus Venetiæ diuisæ. 44. **Indicta** cā nullus p̄itur si Initio dux à populo renunciabatur. 51.

I N D E X.

Inopū causæ quō defendā-	Lacedæmoniorum respu-
tur. 81.	blica ocio fracta. 17.
Institutorū duo-	Lacedæmoniorū respu.re
rum commendatio. 85.	gibus, Ephoris, & senatu
Interregni tempore, con-	constabat. 17.
siliij magni autoritate le-	Leges æternæ. 19.
ges sanciantur. 24.	Legum sanctio. 14.
Inuito manus publicum	Leuiorum criminum iudi
ut iniungatur. 66.	ces duplices. 89.
Irafcibilis uis. 115	Lex mēs sine appetitu. 19
Iudices aduenarum. 92.	Linteam uelamen pro dia
Iudices Athenis sentētias	demate. 43.
duplices ferebant. 83.	Ludou. Galliarū rex. 182
Iudices mobilium. 98.	M
Iudices petitionum. 98.	Magistratus exteri. 113
Iudices procuratorū. 98.	Magistratus tparij. 190.
Iudices pprietatū. 89. 98	Magistratuū ius modicū.
Iudices rerū inuētariū. 98	42. Magnū consilium re-
Iudices seu consules mer-	fert democratiam. 21.
catorum. 98.	D. Marcus Venetorum
Iudices urbani. 92.	patronus. 47.
Iudiciorū capitaliū rō. 80	Marinus Phaletrus dux
Iudicū gñā. 2. uenetijs. 78	tyrannidē molitus est. 78
Iulius pontifex max. 132	Marinus dux securi per-
Iure diuifio. 79.	cussus. ibid.
Iuuenes binis singulis se-	Maris desponsatio. 47.
dilibus urnas gestātes. 32	Maritiæ rei præfecti 121
Iuuenes 24. annos excedē	Maximilianus Impera-
tes, quō in cōsiliū recipiā-	tor. 132.
tur. L 22.	

INDEX.

Mēs hominis diuina. 13.	Nō ut ātea q̄ prius 25. suf
Mercium apud Venetos	fragia expleuerit, dux cre
copia. 5.	atur, sed q̄ exceſſerit. 57.
Militaris rei neceſſitas. 12	Nulli p̄iceps aſſurgit. 43
Mīmē ābitioſi Veneti. 10	Nullus cā īdicta p̄uitur. 81
Ministri decēuirū. 74.	Numi nomine & figura
Ministri Reip. 101.	Ducis cuduntur. 44.
Multitudo īpio inepta. 16	Numi noui cuduntur ele-
N	cto ſtatim Duce. 58.
Naualis Veneti deſcriptio	Nundinæ Venetorum. 47
108. Naualis p̄ſids. 40	Nouem, 45. creant. 54.
Nautæ ī pulpito ſedētē du	O
cē deferunt p̄ forum. 59.	Oſtauo quoq; die ut mini-
Nihil phibet Senatori p̄-	mum, magnum conſilium
rogari magiſtratū. 63.	cogitur. 24.
Nobilium conſilium. 18.	Oppida in littore. 22. adi-
Nobilium nomine qui in-	ficata. 49.
telligantur. 21.	Optimatiū dñationis ſpe-
Nocturnæ excubiæ. 90.	cies ap̄d uenetos 51. et dñ.
Nō ī oībus ſorti locus. 64	Orandi p̄ſcriptū tem-
nō niſi p̄cōſultores finē	pus. 93.
dicēdi fecerint, datur dicē	Oratores Principum quo
di Senatoribus locus. 70.	modo excipiantur. 72.
Non niſi qui. 30. annos ſu	Ordo tertius electorū, &
perauerit, ad comitia eligē	item quartus. 30.
di P̄cipis admittitur. 52	P
Nō pmittendū ut in aliqua	Paruæ dignitatis magi-
ciuitate pars aliqua cete-	ſtratus cōpetitores electo
ris p̄ualeat. 64.	rum, duo tantum prioris

I N D E X.

ordinis nuncupantur. <u>31.</u>	Pœna qua reus sit afficien-
Patauium. <u>132.</u>	duſ, decernitur. <u>85.</u>
Patricia cognatio ubi pro-	Populus in duo genera di-
betur. <u>23.</u>	ſtributus. <u>127.</u>
Patricij ordinis iuuenes	Poſtrema eligēdi ducis rō
annum uigeſimum excedē-	<u>51.</u> Præconſultores. <u>60.</u>
tes qua ratione in conſiliū	Præconſultores i tres ordi-
magnum excipiantur. <u>22.</u>	nes diſtributi. <u>67.</u>
Patrōi tēpli D. Marci. ii.	Præconſultores, qui & ſa-
Patronorū & iureconſul-	pientes dicuntur. <u>55.</u> Eo-
torum uerſutia. <u>96.</u>	rum prærogatiua in deli-
Pecuniarij magiſtratus ua-	berationis publicis. <u>70.</u>
rij. <u>104.</u>	Præfeſti ærario. <u>92.</u>
Pecuniæ publicæ dupli-	Præfeſti monetæ <u>105.</u>
ces. <u>100.</u>	Præfeſti naualis. <u>108.</u>
Pecuniæ ex cenſu conferē	Præfeſti noctis. <u>89.</u>
de ratio ē multiplex. <u>102.</u>	Præfeſti rei maritimæ. <u>111.</u>
Pedibus in ſentētiā non	Præfeſtus militum in con-
eunt Veneti. <u>71.</u>	tinente. <u>113.</u>
Pilulæ aureæ. <u>22.</u>	Præfeſtus annonæ triti-
Pilulæ linteæ. <u>32.</u>	ceæ. <u>106.</u>
Pilularum quinta pars au-	Præfeſtus mutuis. <u>102.</u>
rea. <u>22.</u>	Præfeſtus ſalubritati. <u>106.</u>
Pipini regis tpe Venetias	Præſides naualis. <u>40.</u>
Ducis ſedes translata. <u>50.</u>	Prætor. <u>113.</u>
Plebs quare in conſilio nō	Prima cauſa. <u>39.</u>
admittatur. <u>19.</u>	Primarij ciues & Primus
Plebei in tot claſſes diuiſi	ordo. <u>67.</u>
quot ſunt artificia. <u>127.</u>	Princeps initio à populo

INDEX.

renunciabatur.	91.	Quæ causa inscriptionis	
Princeps quater in anno		globorum.	27.
conuiuium fruit.	45.	Quæstor.	114.
Princeps sortitur.	23.	Quæstores urbani.	101.
Princeps unus in rep. Ve		Quamobrè plebs non ad-	
neta.	39.	mittitur in consilio.	19.
Principis pōtas cōstituitur		Quartus ordo electorum	
52. Principi adēpta facul		30. Qui conuiuiio princi-	
tas abutēdi <u>pricipatu.</u>	43.	pis adsint.	46.
Principis defūcti res gesta		Qui conueniant in cōsilio	
d. 5. uiris exquirūtur.	51.	19. <u>Qui</u> cupit de nobilita	
Principis haredes p prin		te sua referri, quingentos	
cipis delictis mulctātur	51.	aureos nummos deferit, in	
Principis purpurea aut		ærarium deferēdos si cau-	
aurea uestis est.	41.	sa ceciderit.	23. cir. fi.
Principis sedes Metaco-		Qui in ciuium numero ha-	
rum translata.	50.	bendi.	19.
Procuratores S. Marci		Qui in concilium admitti	
75. 110. Publicæ literæ		uult, quid p̄bare dbeat.	22
Principis <u>noie p̄deunt.</u>	43	Qui Senatorum iure fun-	
		gantur.	65.
Q		Quinta pars pilularū au-	
Quadragita et unus ciues		rea. 22. Quomō iuito mu-	
ab. 11. eligūtur, q̄ faculta		nus publicū iniūgatur	66.
tē hñt <u>eligēdi</u> Principis.	55	Quorum magistratūū sta-	
Quadraginta quinq; redi		tuti in comitio loci.	25.
guntur ad undecim.	55.		
Quadraginta uirale colle-		R	
gium.	66.	Regius dominatus facilè	
Quadraginta uiri.	61.	in tyrānidem labitur.	16.

Rei militaris necessitas.	Senatusconsulta quomodo
12. Resp. Veneta. 18.	fiant. 66.
Reus dānatur, uel absolui	Senatus, Decēuiri, Senio-
tur, uel cōperēdinatur 83	rumq; collegium, Aristoc-
Rhodigiensis ager. 103.	ratiam referunt. 21.
Riuoaltus. 7.	Senatus nomen unde. 62.
Rogationes populi apud	Senes prāficiendi summae
Athenienses. 60.	rerum. 62.
S	Sesostris Aegyptiorum
Salubritatis prāfect. 106	legislator. 125.
Sapientes. 67.	Sex consiliarij. 44. 60.
Sapientes in tres ordines	Sex electorum suffragia
distributi. ibidem.	nuncupato necessaria. 29.
Scipionis Nasicae sentētia	Simultas, rerūp. labes. 14.
de non euertenda Cartha	Si quid à Duce peccatū est
gine. 17.	pœna hæredibus irroga-
Scriba primus. 25.	tur pecuniaria. 52.
Scribarum ordo. 128.	Situs Venetiarum descri-
Secūdus ordo sapiētū. 67.	ptio. 7. Societates quinq;
Senatores propriē. 65.	Venetij. 129.
Senatores legitimi cen-	Societatum prāfecti. 130.
tum uiginti. 63.	Sortes ducuntur. 27.
Senatorum iure qui fun-	Sortis bñficio 30. eliguntur
gantur. 65.	53. Sortitur prīceps. 23.
Senatorum munera. 65.	Suffragia à cōsiliarijs nu-
Senatu quasi uiciuntur pri-	merantur. 33.
ceps et popularis stat. 62.	Suffragijs 25 obnixus nō
Senatus quatuor ordini-	statim eligitur, sed qui ex-
bus quintus additur. 37.	ceßerit. 57.

I N D E X.

Suggestus ex Porphyri-	stantes.	117.
sive.	98.	Venetiaë quādiu durarit. 9
Syndici siue Recognito-	Venetiarū ditio. 5	<u>situs. 7</u>
res.	123.	Venetiarum nomen. 95.
T		Venetorū cōmoditas ex ne-
Templū diui Marci. 112.	cessitate et utilitate pendi-	
Tparij magistratus. 100.	tur.	6.
Tertiō licet comperendi-	Venetæ urbis collatio cū	
nari, non amplius. 84.	alijs urbibus.	6.
Tertius electorū ordo 30	Venetiarū situs maritimæ	
Tertius ordo sapiētū. 67.	pugnæ aptus terrestri ne-	
Totius classis legat'. 112.	quaq̃. 18. <u>116. 117. 119</u>	
Tribuni legum.	79.	Vestis ducis, ac argēteum
Tribunus.	49.	uas fit gestatorum. 59.
Tribuum capita.	81.	Veteres iudices. 91.
Triremium præfecti. 121.	Vndecim uiri principem	
Triumuii.	87.	<u>creabant.</u> 51.
In Tribus sex Venetiæ di-	Vniūs principatus damna	
uisæ.	44.	tur. 13.
Triuisanus & Andreas	Vnus an pauci, an uerò	
Grittus consules. 103.	uniuersa multitudo legum	
V	ministra cōstituenda. 16.	
Veneta Resp. tres rerum-	Urbis Venetiarum frequē	
pub. formas cōplexa. 18.	tia. 5. situs. 7.	
Veneta urbs cōditur. 8. 9	Vrna alba interior, uiri-	
Veneti minē ambitiosi. 10	dis exterior. 83.	
Veneti pedibus in senten-	Vrnæ suffragiorum cuius	
tiam non eunt. 71.	modi sint. 32.	
Veneti re maritima præ-	Vrnæ tres. 26.	

F I N I S.





